



ԶՄԻԱԾԻՆ

1984
Ժ



ԽԱ
ՏԱՐԻ



ԷԶՄԻԱԾԻՆ



ՊԱՇՏՕՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

հոկտեմբեր

1984



ՀՐԱՄԱՆԱԻ.

S. S. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



**ԱՄԵՆԱՅՆ ՀԱՅՈՑ ՎԵՀԱՓՈՒ ՀԱՅՐԱՊԵՏԻ ՍՐԲԱՏԱՌ ԿՈՆԴԱԿԸ՝
ՀԱՄԱՅՆ ՀԱՅԱՍՏԱՆՅԱՅՑ ԵԿԵՂԵՑԻՆԵՐՈՒՄ ԽՈՐԵՆՅԱՆ
ՊԱՏԱՐԱԳԻ ԿԱՏԱՐՄԱՆ ՄԱՍԻՆ.**

ՔՐԻՍՏՈՍԱԽԱՆԴ ՍԻՐՈՅ ՈՂՋՈՅՆ ԵՒ ՕՐՀՆՈՒԹԻՒՆ
ՀԱՅՐԱՊԵՏԱԿԱՆ ՄԵԾԻ ՏԱՆՆ ԿԻԼԻԿԻՈՅ
ԿԱԹՈՂԻԿՈՍՈՒԹԵԱՆ, ՊԱՏՐԻԱՐՔՈՒԹԵԱՆ ՀԱՅՈՑ
ԵՐՈՒՍԱՂԷՄԻ, ՊԱՏՐԻԱՐՔՈՒԹԵԱՆ ՀԱՅՈՑ ԹՈՒՐՔԻՈՅ,
ԱՐՔԵՊԻՍԿՈՊՈՍԱՑ, ԵՊԻՍԿՈՊՈՍԱՑ, ՎԱՐԴԱՊԵՏԱՑ,
ՔԱՀԱՆԱՅԻՑ, ԹԵՄԱԿԱՆ ԵՐԵՍՓՈԽԱՆԱԿԱՆ ԺՈՂՈՎՈՑ,
ԹԵՄԱԿԱՆ ԵՒ ԵԿԵՂԵՑԱԿԱՆ ՀԱՄԱՅՆՔԱՅԻՆ
ՎԱՐՉՈՒԹԵԱՆՑ, ԵՒ ՀԱՄԱՅՆ ՀԱՒԱՏԱՅԵԱԼ
ԺՈՂՈՎՐԴԵԱՆ ՀԱՅՈՑ

Գոհութիւն և փառք նախախնամող մեր Աստծուն, որի կենարար հովանու ներքոյ, շէն ու պայծառ մեր աղօթքի Տները Սուրբ Հոգու շնորհներն են բաշխում մեր հաւատաւոր ժողովրդին ի Հայաստան և ի սփռու աշխարհի:

Երջանիկ ենք հաստատելու, թէ մեր երջանկայիշատակ եկեղեցական հայրերի հեղինակած ու կարգադրած պաշտամունքային և սրբազան պատարագի արարողութիւնները մեր օրերին առաւել քաղցրանում ու ներշնչիչ են դառնում բազմաձայն ներդաշնակ երգեցողութիւններով: Սրբազան երաժշտութիւնը ա-

ռանձին հմայք ու հոգեպարար շունչ է հաղորդում աղօթքի խօսքին: Այդպիսին է մանաւանդ մեծն Կոմիտաս վարդապետի պատարագի երաժշտութիւնը, գնահատուած թէ մեր ժողովրդի և թէ այլազգի երաժշտագէտների կողմից իբրև բարձրարուեստ ստեղծագործութիւն: Մեր եկեղեցում սիրուած ու գնահատուած է նաև Մակար Եկմալեանի պատարագը՝ քաղցրօրէն հնչող մեր եկեղեցիների կամարների ներքև:

Այսօր, Մենք մի բարի լուր ունենք բերելու բոլորիդ, որ մեր եկեղեցին հարստացաւ պատարագի նոր յօրինուած մի երգեցողութեամբ, որի հեղինակն է շնորհալի երաժիշտ, երկար տարիներից ի վեր Սուրբ Էջմիածնի Մայր Տաճարի հմուտ խմբավար Խորէն Մեյխանեջեանը:

Երեք տարիների տքնաջան աշխատանքի արդիւնք է սոյն գործը, յօրինուած հայ հոգևոր երաժշտութեան ոգով, ազգային մելոսի պզգոցողութեամբ և հարապատ մեր եկեղեցական աւանդներին ու հոգևոր մթնոլորտին:

Մենք մօտիկից հետևած լինելով պատարագի սոյն երգեցողութեան ստեղծագործական ընթացքին և տեղեակ դառնալով Հայաստանի հեղինակաւոր երաժշտագէտների բարձր գնահատանքին, այսու Մեր կոնդակով արտօնում ենք և յանձնարարում մեր եկեղեցու թեմակալ առաջնորդներին ու հոգևոր հովիտներին, որ սոյն գործը ընդունելի տարբերակ նկատուի ցարդ նուիրագործւած՝ պատարագի երգեցողութեանց շարքին և կատարուի Հայաստանեայց եկեղեցիներում իբրև Խորէնեան պատարագ:

Մենք շնորհատրում ենք հեղինակին և օրհնում նրա երաժշտական տաղանդի սոյն արգասիքը:


Թող հայոց աղօթքի Տներում յաերժ ապաս ու լուսաւոր հնչի սուրբ խօսքն ու երգը մեր աննման պատարագի խորհրդի:


«Սաղմոս ասացէք Աստուծոյ մերում, սաղմոս ասացէք թագաւորին մերում, սաղմոս ասացէք: Թագաւոր մեծ ի վերայ ամենայն երկրի Աստուած է, սաղմոս ասացէք նմա իմաստութեամբ» (Սաղմ. ԽԶ 7—8): Ամէն:

Վաչագան

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ կոնդակս ի 20 Հոկտեմբերի
1984 Փրկչական ամի,
եւ ի տունարիս Հայոց ՌՆԼԳ
ի մայրավանս Սրբոյ Էջմիածնի:
Հմր. 1332





ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԾՆՈՐՀԱՎՈՐԱԿԱՆ
ՀԵՌԱԳԻՐԸ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ
ԳԼԽԱՎՈՐ ՔԱՐՏՈՒՂԱՐ ԴՈԿՏ. ԷՄԻԼԻՈ ԿԱՍՏՐՈՅԻՆ

ՄԵԾԱՀԱՐԳ ԴՈԿՏ. ԷՄԻԼԻՈ ԿԱՍՏՐՈ,
ԳԼԽԱՎՈՐ ՔԱՐՏՈՒՂԱՐ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ

ԺՆԱ

Հանուն Հայաստանյայց Առաքելական Եկեղեցու ուրախ սրտով ջնորհավորում ենք Ձեր ընտրությունը որպես գլխավոր քարտուղար Եկեղեցիների Համաշխարհային Խորհրդի:

Հայցում ենք Աստուծո օրհնությունը և օգնականությունը Ձեզ, որպեսզի Ձեր պատասխանատու բարձր դիրքով և գործունեությամբ խորացնեք ի Քրիստոս հոգևոր միության ոգին աշխարհի բոլոր Եկեղեցիների միջև հառավել ամրապնդումն համաշխարհային քրիստոնեական եղբայրության:

Հավատում ենք նաև, որ Ձեր պաշտոնավարության ջրջանում Եկեղեցիների Համաշխարհային Խորհուրդը միշտ հրավեր պիտի կարդա բոլոր քույր Եկեղեցիներին, որպեսզի, ներշնչված Քրիստոսի սիրո և արդարության ոգով, իրենց նպաստը բերեն մեր օրերի աշխարհը հույզող հարցերի լուծման և խաղաղության հաստատման համայն աշխարհում՝ ընդհանուր պինաթափմամբ և պետությունների համերաշխ գործակցությամբ:

«Երանի խաղաղարարաց զի նոքա որդիք Աստուծոյ կոչեսցին» (Մատթ. Ե 9):

Վ Ա Ձ Գ Ե Ն Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
18 հուլիսի 1984 թ.





ԵԿԵՂԵՑԻՆԵՐԻ ԷԱՄԱՇԽԱՐՀԱՅԻՆ ԽՈՐՀՐԴԻ ՆՈՐԸՆՏԻՐ
ԳԼԽԱՎՈՐ ՔԱՐՏՈՒՂԱՐ ԴՈԿՏ. ԷՄԻԼԻՈ ԿԱՍՏՐՈՅԻ
ՊԱՏԱՍԽԱՆ ՆԱՄԱԿԸ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ

ՆՈՐԻՆ ՍՐԲՈՒԹՅՈՒՆ ՎԱԶԳԵՆ Ա
ԾԱՅՐԱԳՈՒՅՆ ՊԱՏՐԻԱՐԲ ԵՎ ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Մայր Աթոռ Ս. Էջմիածին

Ձերդ Սրբություն,

Ստացա Ձեր հեռագիրը, որով հղում եք ինձ Ձեր օրհնությունը՝ հայտնելով Ձեր շնորհավորանքն ու բարեկամական պագումները իմ ընտրության առիթով որպես Եկեղեցիների Համաշխարհային Խորհրդի գլխավոր քարտուղար: Մեծապես պագված եմ և հայտնում եմ Ձեզ իմ խորին շնորհակալությունը:

Ապավինում եմ Ձերդ Սրբության բարեխոս աղոթքներին՝ անսայթաք ընթանալու համար իմ կոչման և առաքելության ճանապարհի վրա:

Հաճույքով եմ հիշում միջոտ իմ այցելությունը Ս. Էջմիածին մի քանի տարիներ առաջ: Այդ այցելությունը մեծ առանձնաշնորհում եղավ ինձ համար և թանկագին պատեհություն ընձեռեց ինձ՝ գտնվելու ձեր Եկեղեցու հոգևոր կենտրոնում և ձեր հավատացյալ ժողովրդի հետ մասնակից լինելու ձեր աղոթքին և ծեսին: Այդ բոլորը ձեր Առաքելական Եկեղեցու մեծ նպաստն է քրիստոնյա աշխարհին:

Հույս ունեմ, որ մոտ ապագայում առիթ կունենաք այցելելու Եկեղեցիների Համաշխարհային Խորհրդի կենտրոն, որպեսզի ձեր Եկեղեցու հոգևոր շնորհները բաշխվեն նաև Էկումենիկ կենտրոնի իմ բոլոր գործընկերներին:


Մի անգամ ևս իմ անկեղծ շնորհակալությունն եմ հայտնում Ձերդ Սրբությանը՝ ներկայացնելով Ձեզ Ձեր խոնարհ ծառայի և նրա ընտանիքի բարեխոսության աղոթքի և քրիստոնեական համերաջխության հավաստիքը:

ԷՄԻԼԻՈ ԿԱՍՏՐՈ

Ժնև,

13 օգոստոսի 1984 թ.





ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՍՏԵՂԾՄԱՆ 60-ԱՄՅԱԿԸ

Այս տարի, հունվարի 1-ին, լրացավ Ս. Էջմիածնի Գերագույն Հոգևոր Խորհրդի ստեղծման 60-ամյակը:

Վեց տասնամյակներ շարունակ Գերագույն Հոգևոր Խորհուրդը Մայր Աթոռում, Ամենայն Հայոց Հայրապետների կողքին, իբրև Հայ Եկեղեցու գործերի տնօրինման խորհրդատու վերին մարմին, կարևոր դեր է կատարել մեր ազգային եկեղեցական կյանքում:

Հայ Եկեղեցին կանոնական ավանդությունների և ժողովրդավարական սկզբունքների վրա հիմնված Եկեղեցի է: Ազգ և Եկեղեցի կապում են միաձույլ և անքակտելի մի ամբողջություն: Դա նշանակում է, որ Հայ Եկեղեցու կառավարման գործում հոգևորականների հետ մասնակցում է նաև հավատացյալ հայ ժողովուրդը իր ներկայացուցիչներով:

Հայաստանյայց Եկեղեցին հնուց անտի առաջնորդվել ու ղեկավարվել է եկեղեցական կանոններով, եկեղեցական-ազգային ժողովների որոշումներով, օրենքի ուժ ստացած ավանդություններով, ընտրյալ եկեղեցական մարմիններով:

Հայ ժողովրդի և Եկեղեցու պատմությունը սերտորեն կապված են միմյանց: Մեր ժողովրդի դառն ու դժոխակ կյանքի պատմության ելնեջներին կուգահեռ է ընթացել Հայ Եկեղեցու պատմությունը:

Արևելյան Հայաստանի Ռուսաստանին միացումով (1828 թ.) ապատագրվեց հայ ժողովրդի արևելյան հատվածը պարսիկ բռնակալների դաժան լծից: Հայ ժողովրդի և Եկե-

ղեցու համար բացվեց պատմության մի նոր շրջան քրիստոնյա ռուսական պետության հովանավորության ներքո:

Ցարական իշխանությունները քաջ գիտակցելով այն բարձր հեղինակությունը, որ վայելում էր Ս. Էջմիածնի Ընդհանրական Կաթողիկոսական Աթոռը հայության բոլոր խավերի մեջ, որոշեցին մշակել մի կանոնադրություն՝ ամուր հիմքերի վրա դնելու համար Հայ Եկեղեցու ղեկավարումն ու եկեղեցական հաստատությունների գործունեությունը:

Այս նպատակով ահա մշակվում է Հայ Եկեղեցու վարչա-կապմակերպչական մի կանոնադրություն (Պոլոժենիա), որը 1836 թ. մարտի 11-ին ներկայացվում է կայսեր հաստատության:

«Պոլոժենիա»-ն թեև կոտ եկեղեցական մի կանոնադրություն էր, բայց ունեցավ մեծ ազդեցություն ոչ միայն Ռուսաստանի հայերի ներքին կյանքի, այլև համայն հայության ճակատագրի վրա:

«Պոլոժենիա»-ն հանդիսացավ Ռուսաստանի սահմաններում ապրող բոլոր հայերի ազգային, համայնքային ինքնորոշման ու ճանաչման կարևոր օրենսգիրք:

«Պոլոժենիա»-ն կյանքի կոչվեց և գործադրվեց «Հայ-Գրիգորյան Եկեղեցու Կանոնադրություն» անվան տակ: Այն բաղկացած էր 10 գլուխներում ամփոփված 141 հոդվածներից, որոնք կիմնականում վերաբերում էին հայ հոգևորականության իրավունքներին և Հայաստանյայց Եկեղեցու հոգևոր գործերի ու հաստատությունների կառավարմանը:

«Պոլոժենիայի» հիման վրա հետագայում

կազմվեց Հայ Եկեղեցու Մինողը, որի հանդիսավոր բացումը տեղի ունեցավ Հովհաննես Կարբեցի կաթողիկոսի նախագահությամբ 1837 թ. փետրվարի 22-ին:

«Պոլոժենիա»-ն, սակայն, նաև սահմանափակում էր հայոց համար ավանդական սովորություն ու օրենքի ուժ ստացած Ամենայն Հայոց կաթողիկոսի իրավունքները՝ նրան վերապահելով միայն հոգևոր ու դավանական հարցերի բարձրագույն հեղինակությունը: Կաթողիկոսի կատարելիք ամեն մի նախաձեռնության վերաբերյալ կառավարությունը Մինողի կարծիքն էր հաշվի առնում:

«Պոլոժենիա»-ն խախտեց նաև Հայ Եկեղեցու ժողովրդավարական սկզբունքները՝ անտեսելով և մերժելով հայ աշխարհիկ տարրի մասնակցությունը Եկեղեցու վարչության և նրա մատակարարման մեջ:

1920 թ. նոյեմբերի 29-ին Արևելյան Հայաստանում հաստատված խորհրդային կարգերի շնորհիվ երկար դարեր շարունակ արյուն, ավեր ու արցունք տեսած մեր ժողովուրդը վերջնականապես փրկվեց ֆիզիկական բնաջնջումից և ոտք դրեց իր նորագույն պատմության ճանապարհին:

Արմատապես փոխված հասարակական նոր պայմաններում փոխվեց նաև Հայ Եկեղեցու դերն ու նշանակությունը հայ ժողովրդի կյանքում:

1922 թ. փետրվարի 2-ին հաստատված խորհրդային Հայաստանի նոր սահմանադրության համաձայն, Եկեղեցին բաժանվեց պետությունից, և մինչ այդ Եկեղեցու տնօրինության տակ գտնվող մի շարք կալվածային, ուսումնական ու քաղաքացիական հաստատությունների գործերն ու նրանց ղեկավարումը դրվեցին պետական մարմինների իրավասության ներքո:

Այսպիսով՝ Հայ Եկեղեցու և նորաստեղծ հայկական պետության փոխհարաբերությունները հաստատվեցին նոր հիմքերի վրա: Հայ Եկեղեցու հիմնական առաքելությունն էր լինելու հայ հավատացյալ ժողովրդի քրիստոնեական դաստիարակությունն ու նրա հոգևոր կարիքների բավարարումը:

Ստեղծված քաղաքական և հասարակական այս նոր պայմաններում «Պոլոժենիան» և Մինողը այլևս կորցրած լինելով իրենց իրավական ուժն ու նշանակությունը՝ Ամենայն Հայոց Գևորգ Ե կաթողիկոսը նպատակահարմար համարեց 1 հունվար 1924 թ. հմր. 1 հայրապետական կոնդակով հռչակել Մայր Աթոռում Գերագույն Հոգևոր Խորհրդի ստեղծումը:

Ահա թե ինչ է գրում այդ մասին երանաշնորհ Հայրապետը իր կոնդակում. «...Ի նկատի առեալ Մեր վայս ամենայն հանգամանս և վայայմանս և վպարագայս ժամանա-

կիս և Մայր Աթոռոյս, որպէս և վանջատումս Եկեղեցոյ ի պետութենէ ըստ քաղաքական օրինաց խորհրդային իշխանութեան, որով «Պոլոժենիա» նախկին պետական կանոնադրութիւնն, ուրեմն և Մինօղն Հայոց Սբ. Էջմիածնի, արդէն իսկ կորուսանէ փրաական և զբարոյական նշանակութիւն և զպղղեցութիւն իւր... ուստի Մեք ... անհրաժեշտ և անյետաձգելի վարկաք Հայրապետական կոնդակաւ Մերով հաստատել առ Մեզ ի Մայր Աթոռ... զԳերագոյն Հոգևոր Խորհուրդ ի տեղի Մինօղի և Դիւանի Մերոյ...»:

Ըստ հայրապետական կոնդակի, Գերագույն Հոգևոր Խորհրդի անդամներ են նշանակվում Ս. Մեսրոպ, Ս. Խորեն, Ս. Բագրատ արքեպիսկոպոսները և Ս. Գարեգին, Ս. Չավեն, Ս. Գյուլտ եպիսկոպոսները՝ Ամենայն Հայոց Գևորգ Ե կաթողիկոսի նախագահության ներքո:

Համաձայն հայրապետական նույն կոնդակի, ի պաշտոնե Գերագույն Հոգևոր Խորհրդի անդամներ են համարվում Հայ Եկեղեցու թեմակալ բոլոր առաջնորդները:

Գերագույն Հոգևոր Խորհրդի նախագահը կամ նրա նիստերին նախագահողը ինքը՝ կաթողիկոսն է լինում, իսկ նրա բացակայության դեպքում՝ կաթողիկոսական տեղակալը կամ ավագագույն անդամը:

Ըստ նույն կոնդակի, Գերագույն Հոգևոր Խորհուրդը իրավասություն ունի Հայաստանայց Եկեղեցու ներքին և արտաքին թեմերի կրոնական, վարչական և տնտեսական բոլոր տեսակի հարցերը քննարկելու և դրանց վերաբերյալ վճիռ կայացնելու: «Ամենայն խնդիրք և գործք կրօնականք, վարչականք և տնտեսականք Մայր Աթոռոյս, եկեղեցեաց և թեմօրէից Հայաստանի և արտասահմանի արկանին ընդ քննութեամբ յատենի Գերագոյն Խորհրդոյ և ստանան վճիռնականակն որոշումն և վրձումն»: Նրան է վերապահված նաև ազգային-եկեղեցական ժողովներ հրավիրելու և գումարելու իրավունքը:

Ամենայն Հայոց Գևորգ Ե կաթողիկոսը նույն թվականի իր հաջորդ կոնդակով, ուղղված նորաստեղծ Գերագույն Հոգևոր Խորհրդի անդամներին, հանձնարարում է կազմակերպել Գերագույն Հոգևոր Խորհրդի դիվան, ինչպես նաև կազմել ներքին մի հրահանգ Գերագույն Հոգևոր Խորհրդի գործառնության ու գործավարության վերաբերյալ:

Հանձնարարվում է նաև Մայր Աթոռի գանձարանը դնել Գերագույն Հոգևոր Խորհրդի հսկողության տակ և Ս. Էջմիածնի նախկին Մինողն ու հայրապետական դիվանը միավորելով՝ նրանց բոլոր գործառնությունները հանձնել նույն Խորհրդի տնօրինմանը:

1924 թ. հունվարի 2-ին նորաստեղծ Գերագույն Հոգևոր Խորհուրդը գումարում է իր անդրանիկ նիստը: Միստին ներկա են լինում Ս. Մեսրոպ և Տ. Բագրատ արքեպիսկոպոսներն ու Տ. Չավեն և Տ. Գյուտ եպիսկոպոսները:

Վեհափառ Հայրապետը հիվանդության պատճառով բացակայելով այդ նիստից՝ ժողովին նախագահում է Տ. Մեսրոպ արքեպիսկոպոսը: Ժողովում ընթերցվում են Տ. Տ. Գևորգ Ե կաթողիկոսի 1924 թ. հունվարի 1-ի հմր. 1 և 2 կոնդակները Սուրբ Էջմիածնում Գերագույն Հոգևոր Խորհուրդ հաստատելու, Խորհրդի անդամների, նրանց գործունեության և իրավասությունների վերաբերյալ: Այա մեկ առ մեկ քննարկվում են կոնդակներում նշված կետերը և յուրաքանչյուրի վերաբերյալ ընդունում համապատասխան որոշումներ՝ հետագայում դրանք ներկայացնելու համար Վեհափառ Հայրապետի ուշադրությանն ու հաստատմանը:

Հետևյալ օրը, հունվարի 3-ին, տեղի է ունենում Գերագույն Հոգևոր Խորհրդի երկրորդ նիստը, որի ընթացքում, ի թիվս քննարկված այլ հարցերի, ընդունվում է Գերագույն Հոգևոր Խորհրդի գործառնության ու գործավարության վերաբերյալ 17 կետերից բաղկացած մանրամասն հրահանգ:

Հայ Եկեղեցու բարեկարգության ճանապարհին կատարված առաջընթաց կարևոր քայլ հանդիսացավ Մայր Աթոռում Գերագույն Հոգևոր Խորհրդի կազմակերպումը, Խորհուրդ, որի գործունեությունը հայրենիքում ստեղծված հասարակ-քաղաքական նոր պայմաններում բարձրացրեց Ամենայն Հայոց Հայրապետության վարկն ու հեղինակությունը հաջա Հայ Եկեղեցու հոգևոր դասի և համայն հայության: Ներքին թեմերի ու սփյուռքահայ գաղթօջախների ազգային-հասարակական գործիչներից ու հոգևորականներից ստացվեցին երախտագիտական ու շնորհավորական նամակներ՝ ուղղված Տ. Տ. Գևորգ Ե Ամենայն Հայոց կաթողիկոսին՝ Մայր Աթոռում Գերագույն Հոգևոր Խորհրդի ստեղծման կապակցությամբ:

Եգիպտոսի հայոց թեմի առաջնորդ Տ. Թորգոմ եպիսկոպոս Գուշակյանը (հետագայում՝ Պատրիարք Երուսաղեմի հայոց Ա. Աթոռի) սրտառույ խոսքերով գրում էր. «Սրբառաքյունդակ Հօրդ հանուրց Հայաստանեայցս... առքերեր մեզ վառետիս նորոգ հաստատույթեան Գերագոյն Հոգևոր Խորհրդոյ Մայր Աթոռոյ Սրբոյ Էջմիածնի՝ ըստ ոգոյ և օրինաց Սրբոյ Եկեղեցոյս մերոյ»: Այա՛ «Ամենքեան շնորհ ունինք վԱստուծոյ Ամենակալէն, զի ընդ ապատութեան Հայրենեաց մե՛րոց պարզևեաց և վապատութիւն Եկեղեցոյ, որպէսզի տացի մեզ յայսմեռեռ վարիլ բնիկ

օրինօք և կանոնիք ազգի մերոյ և կրօնի»:

Գերագույն Հոգևոր Խորհրդի նախագահ Գևորգ արքեպիսկոպոս Չորեքշաբաթ 1941 թ. Ս. Էջմիածնում գումարված ազգային-եկեղեցական ժողովին ներկայացնելով Գերագույն Հոգևոր Խորհրդի 1932—1941 թվականների գործունեության վերաբերյալ իր տեղեկագիրը՝ նշում էր այն կարևոր միջոցառումներն ու խնդիրները, որոնց իրագործման համար հետևողական աշխատանք է հանդես բերել Գերագույն Հոգևոր Խորհուրդը:

Տեղեկագրի վերջում նշվում էր, որ Գերագույն Հոգևոր Խորհուրդը պատասխանատու է ազգային-եկեղեցական ժողովի առջև: Յուրաքանչյուր անգամ ազգային-եկեղեցական ժողովին Գերագույն Հոգևոր Խորհուրդը ներկայացնում էր իր հրաժարականը ցնոր տնօրինություն և ընտրություն:

Հայ Եկեղեցու ժողովրդավարական սկզբունքներն առավել ևս ընդլայնելու և Գերագույն Հոգևոր Խորհուրդը ներկայացուցչական մարմնի վերածելու նպատակով 1945 թ. նորընտիր Տ. Տ. Գևորգ Չ Ամենայն Հայոց կաթողիկոսը ազգային-եկեղեցական ժողովի հաստատությանը ներկայացրեց Գերագույն Հոգևոր Խորհրդի նոր կազմը, ուր հոգևորականների շարքին ընդգրկված էին նաև աշխատակից Ստ. Մախասյանցը, բանաստեղծ Ավետիք Իսահակյանը, Բժիշկ Հայկ Եղիապարյանը, երկրաբան Ստ. Կամսարականը և բանասեր Երվանդ Շահապիզը, որոնց ունեցած բարձր դիրքի ու հեղինակության շնորհիվ բարձրացավ նաև հեղինակությունը Գերագույն Հոգևոր Խորհրդի:

Հայ Եկեղեցու և Մայր Աթոռի պատմության մեջ վերելքի ու ծաղկումի աննախընթաց մի շրջան սկսվեց, երբ 1955 թ. Ս. Լուսավորչի գահին բազմեց Տ. Տ. Վազգեն Ա Ամենայն Հայոց կաթողիկոսը: Իր գահակալության առաջին օրվանից Հայոց Հայրապետի գլխավոր մտահոգությունը եղավ Մայր Աթոռի հոգևոր, վարչական, տնտեսական ու դիվանական գործերը դնել կանոնավոր ու հաստատուն հիմքերի վրա:

Համարվեց նաև Գերագույն Հոգևոր Խորհրդի կազմը հոգևորական և աշխարհական նոր անդամներով, որոնք իրենց խորհուրդներով ու գործակցությամբ մեծապես նպաստեցին նորընտիր Հայրապետի եկեղեցական, մշակութային, շինարարական և ազգային-հայրենասիրական ձեռնարկումների իրագործմանը:

Գերագույն Հոգևոր Խորհրդի նոր կազմում, արքեպիսկոպոսների ու եպիսկոպոսների կողքին, ընդգրկվեցին հասարակական ու մշակութային անվանի գործիչներ՝ գրող Ավետիք Իսահակյանը, լեզվագետ-աշխատակից Ստ. Արարատ Դարիբյանը, գրականագետ

պրոֆ. Առաքել Առաքելյանը, դոցենտ Արտաշես Տիրացյանը, վաստակավոր ուսուցիչ Արամ Աղաջանյանը:


1958 թ. Ամենայն Հայոց կաթողիկոս Վազգեն Առաջինը Իր ծննդյան 50-ամյակի և գահակալության երրորդ տարեդարձի առիթով Իր հաշվետու զեկուցման մեջ, բարձր գնահատելով Գերագույն Հոգևոր Խորհրդի գործունեությունը, ասում էր. «Գերագույն Հոգևոր Խորհուրդը իր աջխառանքով մեծապես օգտակար եղած է Մեզ՝ իբրև խորհրդ-

դատու և գործակից մարմին»:

Գերագույն Հոգևոր Խորհուրդը այսօր էլ, գիտակից իր բարձր կոչմանն ու դերին, մեծ նվիրվածությամբ իր գործոն մասնակցությունն է բերում ազգային, եկեղեցական բազմապան հարցերի լուծմանն ու Հայոց Հայրապետի եկեղեցաշեն ծրագրերի կենսագործմանը:

Թող Տերը անսասան և միշտ ծաղկյալ պահի Մայր Աթոռ Ս. Էջմիածինը և Ամենայն Հայոց Հայրապետությունը:





ԵՐԶԱՆԿԱՀԻՇԱՏԱԿ Տ. ԳԵՎՈՐԳ Ե ԱՄԵՆԱՅՆ ՀԱՅՈՑ
ԿԱԹՈՂԻԿՈՍԻ ՍՐԲԱՏԱՌԻ ԿՈՆԴԱԿԸ ՄԱՅՐ ԱԹՈՌ
Ս. ԷԶՄԻԱԾՆՈՒՄ ԳԵՐԱԳՈՒՅՆ ՀՈԳԵՎՈՐ
ԽՈՐՀՈՒՐԴ ՀԱՍՏԱՏԵԼՈՒ ՄԱՍԻՆ

ԳԵՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՄԱՆԵԼԻ ԿԱՄՕՔՆ
ԱՍՏՈՒԾՈՅ ԵՊԻՍԿՈՊՈՍԱՊԵՏ ԵՒ ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ
ԾԱՅՐԱԳՈՅՆ ՊԱՏՐԻԱՐՔ ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ
ԱՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ
ԿԱԹՈՒՂԻԿԷ ԷԶՄԻԱԾՆԻ

Ամենապատիւ պատրիարքի Հայոց Երուսաղէմի Տ. Եղիշէ Արքեպիսկոպոսի Դուրեան, Գերաջնորի Պատրիարքական Տեղապահի հայոց Կ. Պոլսոյ Տ. Գեորգ Արքեպիսկոպոսի Արսլանեան, կենտրոնական վարչութեան Ազգային ժողովոյ Հայոց Կ. Պոլսոյ, Գերաջնորի Առաջնորդաց, Արքեպիսկոպոսաց և Եպիսկոպոսաց, Արժանապատիւ հոգևոր հովուաց, քահանայից և ամենայն հոգևորականաց, թեմական խորհրդոց, վարչութեանց, հոգաբարձութեանց և խորհրդոց եկեղեցեաց Հայոց, հարապատ որդւոց Մայր Աթոռոյս ողջոյն և օրինութիւն հարպետական:

Առաքելական Ս. Եկեղեցի Հայաստանեայց յընթացս բազմադարեան գոյութեան իւրոյ պահեալ է անխախտ զոգի ժողովրդական և ազգն Հայոց, որ ցրուեալ կայ ի սփիւռս աշխարհի, լցեալ գոլով ջերմեռանդ հաւատով, յուսով և սիրով առ ազգային բազմաշարժար Եկեղեցին իւր, ընտրեալ է վամենայն պաշտօնեայս իւր, սկսեալ ի Հայրապետէն հանուրց Հայոց մինչև զվերջին սպասատրն Եկեղեցոյս, նոյնպէս և վամենայն վարչութիւնս, վխորհուրդս և վիճաբարձութիւնս, ազատ և անկաշկանդ կամօք իւրովք: Եւ դարաւոր ընտրողական և ժողովրդական ոգին և ուղղութիւն այդ լեալ է հանապազ խարիսխ միութեան և աղբիւր կենսունակութեան Ս. Եկեղեցոյս Հայոց և զօրեղ հիմնա-

պատճառ ազգային մտատր և բարոյական-կրօնական յառաջդիմության ժողովրդեան մերոյ:

Ի սկիզբն ինն և տասներորդ դարու երկրամասն Հայաստան աշխարհիս, որպէս և Մայր Աթոռ Սբ. Էջմիածին, անկանելով ընդ իշխանութեամբ միապետական Ռուսիոյ, դժբախտաբար թուլացան և նսեմացան ընտրողական սկզբունք և ժողովրդական ոգի աստ առ մեզ ընդ ճնշմամբ քաղաքական իշխանութեան և կաշկանդմամբ «Պօլօժենիա» կոչեցեալ բարձրագոյնս հաստատեալ կանոնադրութեան մինչ ցայն աստիճան, զի ծայրագոյն հոգևոր իշխանութիւնն Հայոց, յընթացս տասնեակ ամաց, մաքառելով ընդդէմ բռնութեանց, հալածանաց և իրաւաւրկութեանց ժողովրդական եկեղեցոյս և այլ ազգային հաստատութեանց մերոց, աշխատեալ է վասն հիմնելոյ պթեմական ժողովս և վխորհուրդըս ազատ մասնակցութեամբ և ընտրութեամբ ժողովրդականաց մերոց, վասն որոյ երջանկայիշատակ նախորդք Մեր Տ. Տ. Մկրտիչ Խրիմեան և Տ. Տ. Մատթեոս Իվարիբեան կաթողիկոսք ամբաստանեալ եղեն ի կողմանէ կենտրոնական կառավարութեան Ռուսաց ի հակապետական ընթացս:

Ի 1917 ամի յեղաշրջմամբ կառավարութեան Ռուսիոյ թօթափեցաւ բռնապետական լուծն, զկնի որոյ միայն հնար եղև և յաջողեցաւ Մեզ ի նմին իսկ ամի հրաւիրել աստ ի Սբ. Էջմիածին զհամագումար կազմեալ ի կուսակրօն և յաշխարհիկ հոգևորականաց Հայոց Ռուսաստանի վասն խորհրդակցութեան և վասն մշակման ծրագրաց բարենորոգութեան Եկեղեցոյս Մերոյ: Եւ այնուհետև մինչ Մեք զմտաւ ածեաք ընդ փոյթ կազմակերպել զազգային-եկեղեցական ժողով, հրաւիրելով յամենայն կողմանց և ի թեմօրէից զհոգևոր և զաշխարհիկ պատգամատրս, զընտրեալս ի ժողովրդականաց Մերոց, տարաբախտաբար իրադարձութիւնք և հանգամանք ցտայիք, աղետաբեր պատերազմք և խռովութիւնք յաշխարհիս մերում արգելք եղեն Մեզ ի կատար ածել զցանկալի մտադրութիւն և զորոշումն Մեր, վասն որոյ եկեղեցական-վարչական, կրօնական-ծիսական և այլ բազմազան ազգային խնդիրք և գործք բարենորոգութեան և բարեկարգութեան մնացին յանորոշ վիճակի, սակայն պահանջէին ի Մենչ զվախճանական տնօրէնութիւն և զշուտափոյթ կարգաւորումն:

Արդ՝ ի նկատի առեալ Մեր զայս ամենայն հանգամանս և զպայմանս և զպարագայս ժամանակիս և Մայր Աթոռոյս, որպէս և զանջատումն Եկեղեցոյ ի պետութենէ ըստ քաղաքական օրինաց Խորհրդային Իշխանութեան, որով «Պօլօժենիա» նախկին պետական կանոնադրութիւնն, ուրեմն և Սինօն Հայոց Սբ. Էջմիածնի, արդէն իսկ կորուսանէ զիրաւական և զբարոյական նշանակութիւն և զպզղեցութիւն իւր, և տեսեալ Մեր, զի չէ մարթ փութով հրաւիրել զազգային-եկեղեցական ժողով, որ է լիազօր մարմին և ազատ տնօրինող ամենայն գործոց և խնդրոց վերաբերելոց բարենորոգութեան - Հայաստանեայց Եկեղեցոյս ըստ կամաց և աւանդական կարգաց Եկեղեցոյ Մերոյ, և տեսեալ Մեր, զի Մեք ևս կամք ծանրաբեռնեալ ամօք և վշտօք բազմօք և զի այլ ևս անհնարին համարիմք թողոյ զայդ ամենայն խնդիրս և զգործս յանորոշ վիճակի, առանց սահմանման և վախճանական որոշման, ի նկատի առեալ նաև զգրութիւնս, ընկալեալս ի Միաբանութենէ և զմանրամասն բացատրութիւնս Արքեպիսկոպոսաց և Եպիսկոպոսաց Մայր Աթոռոյս, նոյնպէս և զդիմումն առ Մեզ ի թեմակալ Առաջնորդաց և յականատր ազգայնոց ի թեմօրէից Մերոց, ուստի Մեք Ծայրագոյն Պատրիարք և Կաթողիկոս Ամենայն Հայոց և Պետ Հայաստանեայց Սբ. Եկեղեցոյ, անհրաժեշտ և անյետաձգելի վարկաք Հայրապետական Կոնդակաւ Մերով հաստատել առ Մեզ ի Մայր Աթոռոջ ժամանակատրապէս, մինչ զկազմակերպումն ազգային-եկեղեցական ժողովոյ, զԳերագոյն Հոգևոր Խորհուրդ ի տեղի Սինօնի և Դիանի Մերոյ, ըստ այսմ.

ա) Գերագոյն Խորհուրդ Հայոց Սբ. Էջմիածնի կապնեալ կայ ընդ նախագահութեամբ Մերով ի վեցից փորձառու Արքեպիսկոպոսաց և Եպիսկոպոսաց, որք են՝ Գերաջնորհ Տ. Մեսրոպ, Տ. Խորէն և Տ. Բագրատ Արքեպիսկոպոստնք, Գերապատի Տ. Գարեգին, Տ. Չաւեն և Տ. Գիւտ Եպիսկոպոստնք:

բ) Կարգեմք վամենայն առաջնորդս թեմօրէից Մերոց անդամս Գերագոյն Հոգևոր Խորհրդոյ և ի ժամ ներկայութեան նոցա աստ ի Սբ. Էջմիածին և կամ ի դէպս անհրաժեշտութեան յատուկ հրաւիրանօք եկեցցեն և մասնակից լիցին ժողովոց Գերագոյն Խորհրդոյ:

գ) Ի բացակայութեան Մերում ի ժողովոց Գերագոյն Խորհրդոյ, Տեղակալն Մեր է նախագահող խորհրդոյն:

դ) Ամենայն խնդիրք և գործք կրօնականք, վարչականք և տնտեսականք Մայր Աթոռոյս, եկեղեցեաց և թեմօրէից Հայաստանի և արտասահմանի արկանին ընդ քննութեամբ յատենի Գերագոյն Խորհրդոյ և ստանան վճարաձեռնական որոշումն և վլոծումն:

ե) Գերագոյն Հոգևոր Խորհուրդն պարտ է ըստ հնարատրութեան և ներման հանգամանաց, փութացուցանել վկայակերպումն ազգային-եկեղեցական ժողովոյ, ստանալով ի բարեպատեն ժամանակի պայտառութիւն ի Խորհրդային իշխանութենէ Հայաստանի:

Ծանուցանելով վճարապետական կարգադրութիւնս ամենեցուն Ձեզ, սիրելի եղբարք և որդեակք, լիայոյս եմք, զի դուք և ամենեքեան ի բացառիկ ժամանակի Մերում, միջոտ և հանապազ աջակից և սատար լիջիք Գերագոյն Հոգևոր Խորհրդոյս Սրբոյ Էջմիածնի յամենայն գործս, որք հային ի բարենորոգումն, ի բարգաւաճումն և ի պայծառութիւն Հայաստանեայց Սբ. Եկեղեցոյս և այլ ազգային հաստատութեանց մերոց ընդ ամենայն տեղիս:

Օրհնելով զՁեզ վամենեսեան, մաղթեմք ի Տեառնէ պարգևել Ձեզ իմաստութիւն և պորութիւն վասն ի կատար ածելոյ վամենայն պարտիս Ձեր առ Մայր Աթոռս, առ Հայաստանեայց Սբ. Եկեղեցին ամենայն եռանդեամբ և սրբութեամբ:

Ողջ լերուք, պօրացեալ շնորհօք Սուրբ Հոգւոյն և յուէտ օրհնեալ ի Մէնջ: Ամէն:


ՎՇՏԱԼԻ ԳԵՈՐԳ Ե.
ԾԱՅՐԱԳՈՅՆ ՊԱՏՐԻԱՐԷ ԵՒ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

Ի 1 Յունուարի 1924 ամի
Ըստ Տօմարիս ՌՅՀԳ (1373)
ի Հայրապետութեան Մերոյ ԺԳ. ամի
յԱրարատեան Մ. Աթոռ Ս. Էջմիածնի.

Ի Վաղարշապատ.

Թ. 1.





**ԵՐԶԱՆԿԱՀԻՇԱՏԱԿ Տ. ԳԵՎՈՐԳ Ե ԱՄԵՆԱՅՆ ՀԱՅՈՑ
ԿԱԹՈՂԻԿՈՍԻ ՍՐԲԱՏԱՌԻ ԿՈՆԴԱԿԸ ՄԱՅՐ ԱԹՈՌ
Ս. ԷԶՄԻԱԾՆԻ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ
ԱՆԴԱՄՆԵՐ ԿՇԱՆԱԿԵԼՈՒ ՄԱՍԻՆ**

**ԳԵՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆԵԼԻ ԿԱՍՕՔՆ
ԱՍՏՈՒԾՈՅ ԵՊԻՍԿՊՈՍԱՊԵՏ ԵՒ ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ
ԾԱՅՐԱԳՈՅՆ ՊԱՏՐԻԱՐՔ ՀԱՄԱԶԳԱԿԱՆ ՆԱԽԱՄԵԾԱՐ ԱԹՈՌՈՅ
ԱՐԱՐԱՏԵԱՆ ԱՌԱՔԵԼԱԿԱՆ ՄԱՅՐ ԵԿԵՂԵՑԻՈՅ ՍՐԲՈՅ
ԿԱԹՈՒՂԻԿԷ ԷԶՄԻԱԾՆԻ**

Անդամոց Գերագոյն Հոգևոր Խորհրդոյ Հայոց Սրբոյ Էջմիածնի Գերաշը-
նորի Տ. Մեսրոպ, Տ. Խորեն և Տ. Բագրատ Արքեպիսկոպոսաց և Գերապատի
Տ. Գարեգին, Տ. Ջաւեն և Տ. Գիտ Եպիսկոպոսաց, հարապատ որդոց Մայր
Աթոռոյս, ողջոյն և օրհնութիւն հայրապետական:

Հայրապետական կոնդակաւ Մերով ի 1-և Յունուարի 1924 ամի ընդ հա-
մարաւ 1, պատճէն որոյ ընդ ամին առաքեմք, հաստատեցաք ի տեղի Սինօղի
և Դիւանի Մերոյ ՎԳերագոյն Հոգևոր Խորհուրդ, ըստ այսմ.

Ա. Գերագոյն Հոգևոր Խորհուրդ Հայոց Ս. Էջմիածնի կազմեալ կայ ընդ
նախագահութեամբ Մերով ի վեցից փորձառու Արքեպիսկոպոսաց և Եպիս-
կոպոսաց.

Բ. Ամենայն Առաջնորդք թեմօրէից մերոց են անդամք Գերագոյն Հոգևոր
Խորհրդոյ և ի ժամ ներկայութեան նոցա աստ ի Սուրբ Էջմիածին և ի դէպս
անհրաժեշտութեան յատուկ հրաւիրանօք եկեցցեն և մասնակից լիցին ժողո-
վոց Գերագոյն Խորհրդոյ.

Գ. Ի բացակայութեան Մերոյ ի ժողովոց Գերագոյն Խորհրդոյ Տեղակալն
Մեր է նախագահող Խորհրդոյն.

Դ. Ամենայն խնդիրք և գործք կրօնականք, վարչականք և տնտեսականք
Մայր Աթոռոյս և եկեղեցեաց և թեմօրէից Հայաստանի և արտասահմանի, ար-
կանին ընդ քննութեամբ յատենի Գերագոյն Խորհրդոյ և ստանան վվախճանա-
կան որոշումն և վլոծումն.

Ե. Գերագոյն Հոգևոր Խորհուրդն պարտ է, ըստ հնարաւորութեան և ներման հանգամանաց, փութացուցանել վկայակերպումն ազգային-եկեղեցական ժողովոյ, ստանալով, ի բարեպատեհ ժամանակի, պոյսատութիւն ի Խորհրդոյն Իշխանութենէ Հայաստանի:

Այսու հայրապետական կոնդակաւ Մերով հաստատեմք զՁեզ անդամս Գերագոյն Հոգևոր Խորհրդոյ և յանձնարարեմք.

Ա. Կազմակերպել ՎԴիան Գերագոյն Հոգևոր Խորհրդոյ.

Բ. Կազմել վներքին հրահանգ վասն գործառնութեան և գործավարութեան Գերագոյն Խորհրդոյ.

Գ. Առնուլ և միաւորել վամենայն գործս Սինօդի և Հայրապետական Դիւանի ընդ հսկողութեամբ Գերագոյն Խորհրդոյդ և վարել վամենայն գործս յիշեալ երկուց հաստատութեանց.


Դ. Առնուլ ընդ հսկողութեամբ և տեսչութեամբ Գերագոյն Խորհրդոյդ զգանձատունն Մայր Աթոռոյս:

Օրհնելով զՁեզ, մաղթեմք ի Տեառնէ կար և զօրութիւն ձեզ ամենեցուն վասն ի կատար ածելոյ վամենայն պարտիս յաջողութեամբ՝ ի բարգաւաճումն Մայր Աթոռոյս, ի բարեկարգումն թեմական գործոց և ի պայծառութիւն Հայաստանեայց Սբ. Եկեղեցոյս:

Ողջ լերուք, զօրացեալ շնորհօք Ս. Հոգւոյն և օրհնեալ ի Մէնջ: Ամէն:

ՎՇՏԱԼԻ ԳԷՈՐԳ Ե.
ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ

Ի 1 Յունուարի 1924 ամի,
Ըստ Տօմարիս ՌՅՀԳ (1373)
Ի Հայրապետութեան Մերոյ ԺԳ. ամի
յԱրարատեան Մայր Աթոռ Ս. Էջմիածնի
Ի Վաղարշապատ.
Թ. 2





ԵԳԻՊՏՈՍԻ ՀԱՅՈՑ ԱՌԱՋՆՈՐԴ ՀՈԳԵԼՈՒՅՍ Տ. ԹՈՐԳՈՄ
ԵՊԻՍԿՈՊՈՍ ԳՈՒՇԱԿՅԱՆԻ ՈՂՋՈՒՅՆԻ ԳԻՐԸ Տ. ԳԵՎՈՐԳ
Ե ԱՄԵՆԱՅՆ ՀԱՅՈՑ ԿԱԹՈՂԻԿՈՍԻՆ՝ ՄԱՅՐ ԱԹՈՌ
Ս. ԷՋՄԻԱՇՆՈՒՄ ԳԵՐԱԳՈՒՅՆ ՀՈԳԵՎՈՐ ԽՈՐՀՈՒՐԴ
ՀԱՍՏԱՏԵԼՈՒ ԱՌԹԻՎ

ՆՈՐԻՆ ՍՈՒՐԲ ԾԾՈՒԹԻՆ
ՏԵԱՌՆ ՏԵԱՌՆ ԳԵՆՐԳԱՅ Ե.
ՍՐԲԱՋՆԱԳՈՅՆ ԿԱԹՈՂԻԿՈՍԻ,
ԵՊԻՍԿՈՊՈՍԱՊԵՏԻՆ ՄԵՐՈՅ ԵՒ ՊԱՏՈՒԱԿԱՆ
ՀԱՅՐԱՊԵՏԻՆ ԱՄԵՆԱՅՆ ՀԱՅՈՑ

Ի. Ս. ԷՋՄԻԱՇՆ

Որդիական ակնածանօք և համբուրիս Ս. Աջոյն.

Վեհափառ Տէր հոգևոր,

Սրբատառ կոնդակ Հօրդ հանուրց Հայաստանեայցս, թուագրեալն ի 1
Յունտարի այսր ամի, որ առբերէր մեզ վառետիս նորոգ հաստատութեան Գե-
րագոյն Հոգևոր Խորհրդոյ Մայր Աթոռոյ Սրբոյ Էջմիածնի՝ ըստ ոգոյ և օրինաց
Սրբոյ Եկեղեցոյս մերոյ, անագան ուրեմն հասեալ ի ձեռս մեր 19 Փետրուարի,
տուաք ընթեռնույ վնա նախ յատենի թեմական ժողովոյ վիճակիս, և ապա ի
տաճարի Ս. Աստուածածին եկեղեցոյ քաղաքիս յունկն ամենայն հաւատացելոց
ժողովելոց ի նմին՝ յերեկոյի Ծաղկապարոյի Կիւրակէին:


Մեք և որք ընդ մեզ են՝ եղբարք, պաշտօնեայք և ժողովորդ ուխտի Առա-
քելական Սրբոյ Եկեղեցոյս, ամենեքեան ջնորի ունիմք վաստուծոյ Ամենակա-
լեն, վի՛ ընդ ապարտութեան Հայրենեաց մերոց պարգևեաց մեզ և վապատութիւն

Եկեղեցւոյ, որպէսզի տացի մեզ յայսմիտե տարիլ բնիկ օրինօք և կանոնիք ազգի մերոյ և կրօնի, որպէս սահմանադրեցին ի դարս անցեալ ժամանակաց Հայրապետք և Հարք, Առաջնորդք և Վարդապետք Սրբոյ Հաւատոյս, և որպէս արժան համարեցին տնօրինել Գլուխդ Սրբոյ Եկեղեցւոյս մերոյ և ժողովք ուխտի նորին, ըստ պահանջելոյ ժողովրդեան մերոյ:

Ակն ունիմք զի ի ջնորհս ջանից Վեհիդ մի յապաղեսցի և գումարումն ընդհանրական ժողովոյ, որ վերստին կանգնեալ ուղղեսցէ զցանկ հայրենի արանդից և հաստատեսցէ զջինուած օրինաց Հայաստանեայց սուրբ և ուղղափառ Եկեղեցւոյ, ընդ հովանեալ մեծի և պատուական Հայրապետիդ մերոյ:

Հայցելով զօրհնութիւն Հօրդ Սրբոյ ի վերայ ամենայն որդոց քոց հարապատից, ժողովրդեան Հայոց, որք յիմում վիճակի աստ են, և յիմ իսկ, մնամ ի ջնորհաց Տեառն մերոյ և Փրկչին և ըստ հաճութեան Սրբազան Հայրապետիդ

ԱՌԱՋՆՈՐԴ ՀԱՅՈՑ ԵԳԻՊՏՈՍԻ
ԹՈՐԳՈՄ ԵՊԻՍԿՈՊՈՍ





Հ Ա Ղ Ո Ր Դ Ա Գ Ր Ո Ւ Թ Յ Ո Ւ Ն

Այսու հաղորդագրությամբ հաստատում ենք Մայր Աթոռիս Դիվանի 6 ղեկտեմբեր 1983 թվակիր «Հաղորդագրություն»-ը՝ ի մասին Քննիչ Հանձնաժողովի տեղեկագրի՝ Երուսաղեմի հայոց պատրիարքության վերջին տարիների կալվածոց վաճառքի և դրամական գործառնությանց վերաբերյալ:

Վեհափառ Հայրապետի նախագահության ներքո Ս. Էջմիածնի Գերագույն Հոգևոր Խորհուրդը 1984 թ. հունիսի 24-ի իր նիստում մի անգամ ևս քննության առնելով Քննիչ Հանձնաժողովի 31 օգոստոս 1983 թվակիր տեղեկագիրը և Երուսաղեմի հայոց պատրիարքության ներկայացրած 18 նոյեմբեր 1983 թվակիր բացատրագիրը, ինչպես և նույն Քննիչ Հանձնաժողովի 3 ապրիլ 1984 թվակիր պատասխան վեկուցագիրը, եկավ այն եզրակացության, որ վերջին տարիների ընթացքում Երուսաղեմի հայոց պատրիարքության կալվածների վաճառքի ու այլ ֆինանսական գործարքների ընթացքում կատարվել են անկանոնություններ կարևոր գումարների հասնող, ըստ ներկայացված տվյալների:

Գերագույն Հոգևոր Խորհուրդը խնդրեց Վեհափառ Հայրապետից, որ կոչ ուղղի Երուսաղեմի հայոց պատրիարքին՝ առաջադրանքով, որ անհապաղ հրավիրի միաբանական ընդհանուր ժողով մասնակցությամբ բոլոր միաբանների, Ս. Աթոռից ներս և արտաքո Աթոռո պաշտոնավարող, որոնք ծանոթանալով Քննիչ Հանձնաժողովի և պատրիարքության ներկայացրած բոլոր վերոհիշյալ փաստաթղթերին, առարկայորեն և բարեխղճությամբ քննեն դրանք, ստուգեն խնդրո առարկա գործարքները և համաձայն միաբանության կանոնադրության տրամադրությունների, ճշտեն պատասխանատվությունները և ի հարկին տնօրինեն պարտն ու պատշաճը, ի վերականգնումն Երուսաղեմի հայոց պատրիարքության Աթոռի հեղինակության և ի մխիթարություն համայն հայ հավատացյալ ժողովրդի:

Վեհափառ Հայրապետը հաստատեց և ընթացք տվեց Գերագույն Հոգևոր Խորհրդի սույն առաջադրանքին:

ԴԻՎԱՆ ՄԱՅՐ ԱԹՈՐԻ

Ս. Էջմիածին,
12 սեպտեմբեր 1984 թ.





ՀԱՂՈՐԴԱԳՐՈՒԹՅՈՒՆ

Սույն թվականի սեպտեմբերի 17—29 օրերին Մայր Աթոռում գումարվեց Հայ Եկեղեցու կանոնադրության հանձնաժողովը՝ շարունակելու 1981 թվականի հոկտեմբերին սկսված աշխատանքները:

Կանոնադրության հանձնաժողովի նոր կազմը բաղկացած էր հետևյալ անձերից.

1. Ամենապատիվ Ս. Շնորհք Սրբազան Պատրիարք.
2. Ս. Տիրան արքեպիսկոպոս Ներսոյան.
3. Ս. Սիոն արքեպիսկոպոս Մանուկյան.
4. Ս. Ներսես եպիսկոպոս Պոպապայան.
5. Ս. Մեսրոպ ծայրագույն վարդապետ Գրիգորյան:


Հանձնաժողովը ունեցավ տասնմեկ նիստ, որոնց ընթացքում կազմվեց 84 հոդվածներից բաղկացած կանոնադրության սկզբնական նախագիծ:

Վեհափառ Հայրապետի հանձնարարությամբ հանձնաժողովը որոշեց առաջիկա տարվա գարնանը կրկին հավաքվել՝ իր ավարտին հասցնելու համար սկսված աշխատանքը:

ԴԻՎԱՆ ՄԱՅՐ ԱԹՈՒԻ

Ս. Էջմիածին,
10 հոկտեմբեր 1984 թ.





Կ. ՊՈԼՍԻ ՀԱՅՈՑ ՊԱՏՐԻԱՐԻ ԺԱՄԱՆՈՒՄԸ ՄԱՅՐ ԱԹՈՒ Ա. ԷԶՄԻԱԾԻՆ

Սեպտեմբերի 13-ին, ուրբաթ օրը, Մայր Աթոռ Ս. Էջմիածին է ժամանում Թուրքիայի հայոց Ամենապատիվ Ս. Շնորհք արքեպ. Գալուստյանը:

Նույն օրը պատրիարք հոր հետ Մայր Աթոռ է ժամանում գերազնորի Ս. Տիրան արքեպ. Ներսոյանը:

Պատրիարք սրբազան հորը և Ս. Տիրան սրբազանին Երևանի «Զվարթնոց» օդանավակայանում դիմավորում է Մայր Աթոռի միաբանությունը՝ գլխավորությամբ Ս. Ներսես եպ. Պոպապայանի:

Մայր տաճարի շքամուտքի առաջ, Մայր Աթոռի լուսարարապետ Ս. Հուսիկ արքեպ. Սանթուրյանի գլխավորությամբ, եկեղեցական թափորը «Հրաշափառ» շարական-երգով Ամենապատիվ սրբազան հորն առաջնորդում է Մայր տաճար, ուր Իջման Ա. Սեղանի առաջ Ս. Հուսիկ արքեպիսկոպոսը ողջունում է մեծապատիվ հյուրերին հետևյալ խոսքերով:

«Թող տվեք այս ուրախ պահին, հաւուն Վեհափառ Հայրապետի, Մայր Աթոռիս միաբանության, ուսանողության և ներկա հավատացյալների, սրտագինս ողջունել Ձեզ, սրբազան պատրիարք և գերազնորի Ս. Տիրան արքեպ. Ներսոյան, և բարի գալուստ մաղթել ի Ա. Էջմիածին:

Սրբազան պատրիարք, ջատ անգամներ եք Դուք եկել Մայր Աթոռ Ս. Էջմիածին ու ամեն անգամ Ձեր բարի գալուստյամբ ուրախություն և ոգևորություն եք պարգևել մեզ բոլորիս: Դուք այժմ գտնվում եք այն եկեղեցում, որն ամենից նվիրականն է և մայրը Հայաստանյայց բոլոր եկեղեցիների, քանի որ այստեղ իջավ Միածինը և հաստատեց այս Եկեղեցին Ա. Գրիգոր Լուսավորչի ձեռքով:

Ես սրտանց մաղթում եմ, որ Աստված Ձեր այս բարի այցը օրհնությամբ պսակի: Ձեզ ցանկանում եմ քաջառողջություն և արևշատություն, որպեսզի Ձեր ողջ ժողովուրդը միջտ հոգևոր մխիթարություն ստանա Ձեր Ամենապատվությունից»:

Այնուհետև պատասխան շնորհակալական խոսք է ասում Ամեն. Ս. Շնորհք արքեպ. Գալուստյանը. «Ինձի համար մեծ երջանկություն է անգամ մը ևս գտնվիլ այս նվիրական, սրբազան հարկի ներքև: Ինձի համար նաև մեծ երջանկություն է, որ կաշխատինք Ա. Գրիգոր Լուսավորչի և Ա. Մեսրոպի ջահը վառ պահել մեր հավատացյալներու հոգիներուն մեջ: Մեր ժողովուրդը ոչ միայն հավատարիմ քաղաքացին է իր երկրին և իր քաղաքացիական պարտականությունները լիովին կկատարե այնտեղ, այլ նաև հոգևոր ձևով սրտանց կապված է այս վերին և գերագույն կեդրոնին, ուրկե քրիստոնեական հավատքը ծագեցավ Հայաստան աշխարհին: Հետևաբար ես կբերեմ ձեր եղբայրներուն և կրոնակիցներուն ու ամենքիդ սիրալիր ողջույններ:

Այս սրբատաշ քարերեն ուղղակի կորություն կներարկվի մեր բնության մեջ, և մենք երջանկությամբ ու նվիրումով կհամբուրենք այս սրբատաշ քարերը և այս Սուրբ Խաչը: Այո՛, մենք այս հարկի տակ իրապես կզգանք մշտնջենական ներկայությունը աստվածային Աջին»:

Պատրիարք սրբազանը հոգեկան գոհունակությամբ է նշում, որ այս ուրախ առիթով իր հետ Մայր Աթոռ Ս. Էջմիածին է այցելել Ս. Տիրան արքեպ. Ներսոյանը:

Իր խոսքի վերջում Ամենապատիվ Ս. Շնորհք արքեպիսկոպոսը մաղթում է, որ Աստուծո պահպանիչ Աջը միջտ անսասան պահի Հայ Առաքելական Եկեղեցին և Մայր Աթոռ Ս. Էջմիածինը: Այնուհետև իր մաղթանքն է հղում Հայոց Հայրապետին՝ ցանկանալով Նրան հաջողություններ, արևշատություն, որպեսզի նա իմաստությամբ առաջնորդի Հայաստանյայց Եկեղեցին:

Ապա պատրիարք սրբազան հայրը հանդիսավոր թափորով առաջնորդվում է Վեհարան: Վեհարանի մուտքի մոտ Վեհափառ Հայրապետը ընդունում է նրան եղբայրական ջերմ սիրով ու ողջագուրումով:



ԱՄԵՆԱՊԱՏԻՎ Տ. ԾՆՈՐՀՔ ՊԱՏՐԻԱՐԻ ԲԱՐՈՁԸ
ՄԱՅՐ ՏԱՃԱՐՈՒՄ «ՎԱՐԱԳԱ Ս. ԽԱԶԻ» ՏՈՒՆԻՆ
(30 սեպտեմբեր 1984 թ.)

«Յանուն Հօր եւ Որդւոյ եւ Հոգւոյն սրբոյ. ամէն»:

Ամենն առաջ, սիրելի և հավատացյալ ժողովուրդ, պարտականություն ունիմ հաղորդելու ձեզի ձեր եղբայրներու և քոյրերու ողջոյնները, որոնք կրնակին Թուրքիա:

Ամբողջ սփյուռքի ցրված հայությունը կներկայացնէ մեկ մարմին և մեկ ժողովուրդ: Հետևաբար ամենքն կբերեմ իրենց սերը, իրենց եղբայրությունը և ամենաջերմ ողջոյնները: Այն հայերը, որոնք կապրին Պոլսո մեջ, բարեբախտ են և լավ պայմաններու ներքև կգտնվին: Ու անոնց բոլորի սիրտերուն մեջ ևս կբաբախէ հայու սիրտը և հայու սերը:

Բախտի և մեր ճակատագրի բերմամբ ցրված ենք, ինչպես դուք կըսեք, աշխարհով մեկ: Այնուհանդերձ իջման այս նվիրական և սրբազան տեղը մեր ազգի միության հոգևոր կեդրոնն է: Ամեն կողմէ՝ Ամերիկաներէն, Եվրոպայէն, Միջին Արևելքէն, հայրենիքէն և այս Մեծ Միության բոլոր անկյուններէն կուգա մեր ժողովուրդը այստեղ՝ միանալու, ինքզինքը գտնելու և վաստած գըտնելու, որովհետև Աստված իջեր է այստեղ մեր ժողովուրդի հավատքովը, Լուսավորչի հավատքովը: Մենք կուգանք այստեղ գտնելու համար մեր հավատքը, մեր Աստվածը, մեր Եկեղեցին, մեր միությունը, մեր կրոնակցությունը: Հետևաբար փառք կուտանք Աստուծո ամենն առաջ և ամենն ավելի այս սրբազան սուրբ Էջմիածինը, հայ ժողովուրդին իբրև կեդրոն, իբրև նվիրական սրբավայր, մեզի վերապահած ըլլալուն համար:

Այսօր տոն է Հայաստանայց Առաքելական Եկեղեցւո, տոն է Վարագա Խաչի, և այս առիթով պիտի ուզեի օրվա շարականն նախադասություն մը առնել՝ կերպով մը իբրև աղոթք, իբրև մաղթանք: Օրվա շարականը հետևյալը կըսէ՝ ակնարկելով Վարագա Խաչի երևալուն. «Երևիլ սրբոյ նշանիս արժանի արա Վժառայս քո վերստին նորոգման»: Երբ այդ նշանը երևի, թող արժանի ընէ իր ծառաները վերստին նորոգման: Եվ այդպես, սիրելի և հավատացյալ ժողովուրդ, տարօրինակ կուգորդում մը, ուր որ խաչը կերևի՝ անոր կհաջորդէ վերանորոգություն: Ամենն առաջ անիկա հայտնվեցավ մեր Փրկչի կյանքին մեջ: Խաչվեցավ Անիկա, խաչը կանգնեցավ ի Գողգոթա, և աշխարհի չափա-

նիջներով պարտվեցավ մեր Տերը իր առաքելության մեջ: Աշխարհի չափանիջներով Անիկա կորսնցուց իր թագը, բայց ի՞նչ հրաշալի հաղթություն հաջորդեց՝ անոր՝ Հարությունը նույն ինքն մեր Փրկչի՝ Հիսուս Քրիստոսի: Ատով հաստատվեցավ, թե խաչին կհաջորդե վերանորոգությունը: Եվ այդպես եղավ նաև առաքյալներու ամբողջ կյանքի ընթացքին: Անոնք խաչվեցան, չարչարվեցան, բայց հակառակ այդ բոլորին, Ավետարանի լույսը ամեն կողմ տարածվեցավ, և անոնք, որոնք երջանկությունն ունեցան այդ Ավետարանի լույսով լուսավորվելու, նորոգվեցան հոգիով, նորոգվեցան իրենց ամբողջ էությամբ:

Այդպես պատահեցավ նաև մեր ամբողջ պատմության ընթացքին. ի՞նչ չարչարանքներ չկրեց մեր հավատքին հայրը՝ Գրիգոր Լուսավորիչ: Ամմեղ կույսեր, Հռիփսիմյանց կույսեր ուղղակի խաչվեցան: Այնուհանդերձ հրաշալի հաղթություն հաջորդեց այս խաչելության: Ելավ Լուսավորիչը խոր Վիրապեն և հայ ժողովուրդը վերանորոգեց Ավետարանի լույսով: Եվ այսպես եղած է մեր ամբողջ պատմության ընթացքին:

Յրթներորդ դարում հանկարծ Հայաստանի հողին վրա իրական խաչի նշանը կերևի Վարազա լեռան վրա: Եվ մեր ժողովուրդը կուզա ականատես ըլլալու և կհաստատե այն: Այդ խաչին հաջորդեցին հալածանքներ, նեղություններ, հայ նախարարներու անգիտություն և այլ դժվարություններ: Բայց վերանորոգվեցավ կրկին մեր ժողովուրդը Բագրատունիներով, վերանորոգվեցավ Ռուբինյանց արքաներով և մշակույթով:

Այդ նույն բանը պատահեցավ նաև առաջին աշխարհամարտին: Ի՞նչ չարչարանքներ բաժին դարձան մեր ժողովուրդին: Նահատակվեցավ ան մեր Փրկչին պես, այնուհանդերձ հաջորդեց անոր վերանորոգումը և վերելքը: Այսօր ամբողջ Հայաստանը և Սփյուռքը վերելքի, վերանորոգության ճանիվուն վրա են: Վերաշինվեցավ մեր հայրենիքը, վերանորոգվեցավ հայ ժողովուրդի կյանքը:

Այսպես պատահեցավ նաև վերջին համաշխարհային պատերազմին: Քանի՜-քանի՜ հազարներ ձեր հարապատներեն իրենց արյունը թափեցին հայրենական պատերազմին: Այնուհանդերձ անոնց արյունը կերպով մը վերանորոգություն եղավ մեր ժողովուրդին համար: Ավելի հզոր դուրս եկավ անիկա պատերազմեն և այսօր ավելի հզոր վիճակի մեջ անիկա կվերանորոգե և կկարգացնե իր տնտեսությունը, իր մշակույթը, իր քաղաքներն ու գյուղերը:

Այդ վերանորոգումը տեղի ունեցավ նաև Հայ Եկեղեցիի, Մայր Աթոռ Սուրբ Էջմիածնի պարագային: Ամենքն ալ գիտեն, թե անցյալի մեջ անփառունակ վիճակ մը կներկայացներ Մայր Աթոռ Ս. Էջմիածինը: Սակայն Աստված մեզի հարույց նոր Հայրապետ մը, շնորհալի Հայրապետ մը: Այսօր մենք այդ շնորհալի, այդ պատվական Հայրապետին գահակալության 29-րդ տարեդարձը կկատարենք: 29 տարիներ է ի վեր Էջմիածինը վերանորոգություններով շենցավ, և այսօր ամենքիս հպարտության առարկան է: Այդ բոլորը կատարվեցավ Ամենայն Հայոց Ս. Ս. Վազգեն Սրբապնագույն կաթողիկոսի օրոք: Ոչ միայն իբրև արտաքին երևույթ, ոչ միայն իբրև շենք, այլ նաև իբրև հոգևոր կառույց վերանորոգության ենթարկվեցավ: Վերանորոգություն հոգևոր ձեմարանի, միաբանության, կրոնական կյանքի: Հայ ժողովուրդը տեսավ, որ իր հոգևոր կեդրոնը կգտնվի շինարար, վերանորոգող Հայրապետի մը խնամքին տակ: Ոչ միայն Էջմիածինը վերանորոգվեցավ, այլ նաև վերանորոգվեցան հարաբերությունները սփյուռքի և հայրենիքի, հայ ժողովուրդի բոլոր հատվածներու և Մայր Աթոռի միջև:

Մեր Վեհափառ Հայրապետը ոսկի օղակ մը եղավ, որ կապեց արտասահմանի հայությունը Հայաստանյայց Առաքելական Եկեղեցվո այս կեդրոնին: Իբ-


րն քաջ Հովվապետ, երկրե երկիր, աշխարհե աշխարհ եղավ բավիցս՝ փրկութիւն իր կորուսյալ ոչխարները: Գտավ վանտնք, իր կուրծքին սեղմեց և բերավ այստեղ եթե ոչ ֆիզիկապես, գոնե հոգիով ու սրտով: Հետևաբար վերանորոգություն կատարվեցավ նաև այս տեսակետեն:


Նույնը կարող է պատահիլ, սիրելի հավատացյալ ժողովուրդ, ձեզմե ամեն մեկուն կյանքին մեջ: Դուք ալ ձեր կյանքին մեջ կարող եք ունենալ խաչի խորհուրդը: Ի՞նչ է խաչի խորհուրդը: Ձեզմե յուրաքանչյուրը կարող է կորսնցնել իր հարապատը. խաչ մըն է ատիկա ամեն մեկ ընտանիքի համար, բայց միաժամանակ առիթ մը հավատքի վերանորոգության: Այդ հարապատը թեև հող էր և հող դարձավ, այնուհանդերձ իսպառ չկորսվեցավ, այլ անցավ գնաց՝ հավիտենականության վիճակի մը տիրանալու համար: Մեզմե ամեն մեկը անհատական և ընտանեկան դժվարություններ և նեղություններ կարող է ունենալ: Ատոնք պիտի չվիատեցնեն զմեզ, ատոնք զմեզ անհավատ պիտի չդարձնեն, ընդհակառակն, մեկնակետ պիտի ըլլան նորոգության ճամփուն մեջ, ուր պիտի մտնենք ջատ ավելի հավատավոր, ջատ ավելի կատարյալ կերպով:

Հետևաբար մենք կաղոթենք, որ Տերը Իր խաղաղությունը պարզևե ամբողջ աշխարհին, ինչպես նաև մեզմե ամեն մեկուս: Թող Աստված համայն հայ ժողովուրդը վերանորոգության, բարգավաճման մեջ պահե:

Միաժամանակ մեր սիրելի Հայրապետին գահակալության տարեդարձին առիթով մենք Աստուծո գոհություն կմատուցանենք մեր Վեհափառ Հայրապետը մեզի շնորհած ըլլալուն համար:

Կաղոթենք և կմաղթենք, որ Տերը Իրեն շնորհե տակավին երկար տարիներ, որպեսզի Ան արդյունավորությամբ շարունակե Իր վերանորոգչական աշխատանքը հայ ժողովուրդի և Հայաստանյայց Առաքելական Եկեղեցվո մեջ:





ՈՒՆՏԱԳՆԱՑՈՒԹՅՈՒՆ Ս. ԳԵՂԱՐԴԱ ՎԱՆՔ

Աշնան գեղեցիկ և պաղ լուսաբաց էր Գեղարդի ձորում: Գիշերը մոտենում էր իր ավարտին: Մթնշաղի վերջին հետքերը կամաց-կամաց անհետանում էին, և սկսում էին ավելի հստակ երևալ իրենց սրածայր կատարները դեպի երկինք մխրճած շրջակա լեռների հսկա վանգավածները: Վեհապանծ այս լեռների հետ ձուլվել է հայ մարդու հոգուն հարավատ, մեր հոգևոր նվիրական հուշարձաններից մեկը՝ քարեղեն աղոթք դարձած Գեղարդա վանքը: Բնության այդ գողտրիկ անկյունը թվում է, թե արարչագործության առաջին իսկ օրվանից մնացել է անփոփոխ և կուսական:

Առավոտյան ժամը վեցն է: Միաբանությունը դեռ քնած է: Սովորականի պես վանքի պահակը գործունյա քայլերով մոտենում է վանքի գլխավոր դարպասին և բացում այն: Ամեն օր, երկու անգամ, դանդաղ, հանդիսավորապես և ճոնչունով բացվում են այդ դարպասի դռները, և ամեն անգամ այս խորհրդավոր արարողությունը կրկնվելիս կարծես քո առջև բացվում են մի ամբողջ ժողովրդի պատմության դռները, որոնց ետևում քեզ թվում է, թե տեսնում ես քո ժողովրդի եռամեծ բոլոր հայրերին և հայրապետներին, հոգնած, բայց ահռելի ժայռաբեկորը իր կամքին ենթարկած Գալձակ ճարտարապետին...: Եվ առաջին հայացքից հասարակ և սովորական թվացող այս երևույթը ստիպում է քեզ խորհրդածել, իմաստավորել զգացումդ, ստիպում է ոչ միայն վերապրել անցյալը, այլ նաև տեսնել և զգալ երբեմնի տառապած ժողովրդիդ հաղթական ներկան և պայծառ հեռանկարներով լի ապագան:

«Ի ծագել լուսոյ առաւօտոս» միաբանական կյանքը մտնում է իր հունի մեջ: Չանգերը ավետում են առավոտյան աղոթքի ժամը:

Այսօր սեպտեմբերի 25-ն է, երեքշաբթի, հիշատակի օրը «Սրբոց կուսանացն Փեփրոնեայ, Մարիանեայ, և Շուշանայ» դստերն

Մեծին Վարդանայ»: Այսօր միաժամանակ վանքում կրկնապատիկ ուրախ, տոնական օր է. պաշտոնական այցելությամբ Մայր Աթոռ Սուրբ Էջմիածնում գտնվող Կ. Պոլսի հայոց պատրիարք ամենապատիվ Ս. Շնորհք արքեպիսկոպոս Գալուստյանը ուխտի է գալու Գեղարդա վանք:

Առավոտյան ժամերգությունը վաղուց արդեն ավարտվել է, և հոգևոր դասը պատրաստվում է ընդունելու Կ. Պոլսի հայոց պատրիարքին:

Առավոտյան ժամը 10.30-ին ժամանում է Ս. Շնորհք սրբապան պատրիարքը՝ ուղեկցությամբ շուրջ 40 հոգուց բաղկացած պոլսահայ ուխտավորների:

Հնչում են վանքի վանգակները, և եկեղեցական թափօրը, սրբապան պատրիարքի զլխավորությամբ, հանդիսավոր մուտք է գործում եկեղեցի: Եկեղեցին լեփ-լեցուն է հեռավոր բնակավայրերից եկած հավատացյալներով: Նրանցից շատերը չկարողանալով ներս մտնել՝ պատարագի սրբապան արարողությանը հետևում են եկեղեցուց դուրս՝ վանքի շրջափակում:

Աղոթքի և ուխտի ժամ է:

Պատրիարք հոր «Հայր մեր»-ով սկսվում է պատարագը: Օրվա պատարագիչն է Էջմիածնի Ս. Շողակաթ եկեղեցու վանահայր Ս. Ղեվոնդ քահանա Հարությունյանը, որը Ս. Գեղարդա վանքի վանահոր եղբայրական հրավերով եկել էր Ս. Գեղարդ և սիրով հանձն էր առել մատուցել սուրբ պատարագ: Եկեղեցու աջակողմյան դասում նախապես պատրաստված պատրիարքական այրոռին բազմած՝ սուրբ պատարագի ընթացքին է հետևվում Նորին Ամենապատվությունը: Նրա ջերթունքները մշտապես աղոթք են մրմնջում: անտարակույս այդ աղոթքը աշխարհի խաղաղության և Հայաստանյայց Առաքելական սուրբ Եկեղեցու անասանության համար է: Սրբապան տաճարում հավաքված խումներում հավատացյալները նույնպես աղոթում են:

Շատերի աչքերը խոնավանում են, երբ լսվում է հանրաձանաչ երգչուհի Լուսինե Չաքարյանի սրտահույզ «Սուրբ, Սուրբ»-ը:

Հայոց պատարագի հոգեպարար արարողությունը շարունակվում է: «Հայր մեր»-ից առաջ Ս. Գեղարդա վանքի վանահայր Տ. Եղիշե ավագ քահանա Սարգսյանը սուրբ սեղան բարձրանալով՝ դիմում է սրբազան հորը բարիգալստյան հետևյալ խոսքով.

«Ամենապատիվ և շատ սիրելի սրբազան Պատրիարք հայր.

թյուն ի փառս և ի շինություն մեր սուրբ Եկեղեցու և մխիթարություն Ձեր տիրախնամ հոտի:

Սրբազան Պատրիարք հայր, երջանիկ ենք մենք բոլորս, քանզի վերջին յոթ տարիների ընթացքում Ձեր երրորդ ուխտագնացությունն է այստեղ՝ Ս. Գեղարդա վանք: Թույլ տվեք ասել, որ մեր ամեն մի հանդիպումը Ձերդ Ամենապատվության հետ հարստացնում է մեզ, և մենք դրանից հետո հոգեպես ավելի զորացած՝ լծվում ենք մեր հոգևոր գործին: Դուք,



Ամենապատիվ պատրիարք սրբազան հայրը Ս. Գեղարդի վանքում

Այսօր մեզ համար տոն է, քանզի մեր մեջ ունենք Հայաստանյայց Առաքելական սուրբ Եկեղեցու ականավոր հոգևորականներից մեկին: Թույլ տվեք, սրբազան Պատրիարք հայր, հանուն մեր միաբանության, աշխարհական պաշտոնեության, ինչպես նաև մեր վանքը ուխտի եկող տասնյակ հազարավոր հավատացյալների, որոնք գալիս են հինավուրց այս սրբավայրը վաստված գտնելու՝ ողջունել Ձեզ:

Ողջունում և բարի գալուստ եմ մաղթում Հայաստանյայց Առաքելական Եկեղեցու նվիրապետական Աթոռներից մեկի՝ Կ. Պոլսի հայոց պատրիարքական պատմական Աթոռի գահակալիդ և ցանկանում քաջառողջություն, արևշատություն և երջանիկ պատրիարքու-

սրբազան հայր, այն անձն եք, որին և՛ հայրենիքում, և՛ սփյուռքում շատ լավ են ճանաչում որպես հավատքի և տեսիլքի մարդ:

Մեզանից ո՞վ կարող է անտարբեր մնալ և չզգևորվել Ձեր հոգու և մտքի անգնահատելի գանձերով, որոնք Ձեր գրչի միջոցով դարձել են հոգևոր դասեր հայ հոգևորականաց և ժողովրդի համար, դասեր, որոնց սերտումով է՛լ ավելի ենք մոտենում Աստծուն: Ձերդ Սըրբավնության պատկերացմամբ՝ նյութական եկեղեցին կենդանի հավատքն է, որի տիպար օրինակը Դուք եք՝ Ձեր ամենօրյա աշխատանքով և հոգևոր առաքելությամբ: Որպես Կ. Պոլսի հայոց պատրիարքական պատմական Աթոռի գահակալ և Տիրոջ հավատարիմ աջակերտ, արել ու անում եք հնարավոր ա-

մեն բան՝ ավետարանական լույսով շերմացնելու համար հայ հավատացյալների հոգիները:

Սրբազան հայր, մեզ համար այնքան նվիրական ու հանդիսավոր այս օրը ես չեմ կարող իմ որդիական հավատարմությունը և անմնացորդ սերը չհայտնել Ամենայն Հայոց Հայրապետին, որը ընձեռեց մեզ այս շնորհն ու պատիվը Ձերդ Ամենապատվության հետ հանդիպելու, միասին աղօթելու այստեղ, այս հնավանդ վանքում: Որդիական շնորհակալություն նաև այն ամենի համար, որ Նորին Սուրբ Օծությունը վերջին երկու տասնամյակների ընթացքում արել և անում է՝ է՛լ ավելի շենացնելու պատմական այս սուրբ տաճարը:

Աղոթենք, որ տիեզերքի Արարիչը շեն ու պայծառ պահի մեր սուրբ Եկեղեցին, Մայր Աթոռ Ս. Էջմիածինը, նվիրապետական մեր մյուս Աթոռների հետ միասին: Աղոթենք, որ Աստված շատ երկար, արևոտ ու քաջառողջ տարիներ պարզևի Ձերդ Ամենապատվությանը ի մխիթարություն Ձեր պատվական հոտի և հուրախություն բոլորին:

Բարով էք եկել, սրբազան Պատրիարք հայր, թոյլ տվեք խոնարհ աջահամբույրով խնդրել Ձեր օրհնությունը մեր միաբանությանը և այստեղ ներկա ժողովրդին»:

Արժանապատիվ վանահոր բարիգալստյան սույն խոսքերից հետո, Նորին Ամենապատվությունը սուրբ խորան բարձրանալով՝ նախ շնորհակալություն է հայտնում վանքի վանահորը նրա սրտառուչ խոսքերի համար, օրհնում նրան և ապա դառնալով ժողովրդին՝ խոսում է աղոթքի կարևորության մասին, շեշտելով մանավանդ այն բոլորանվեր սերն ու պաշտամունքը, որ պետք է ունենա յուրաքանչյուր հայ հավատացյալ հանդեպ Հայաստանյայց Առաքելական սուրբ Եկեղեցու:

Տ. Շնորհք Պատրիարքը, վեր հանելով «վԱստված գտնելու» գաղափարը, ասում է. «...իրապես այս այն սրբազան վայրն է, ուր

ճշմարիտ հավատքով ու աղոթքով մենք կը-գտնենք վԱստված»: Նա հատուկ կարևորությամբ խոսում է Ամենայն Հայոց Հայրապետի եկեղեցաշեն գործունեության մասին՝ օրինակ բերելով սուրբ Գեղարդա վանքը, որն այսօր իր ամբողջ գեղեցկությամբ և բարեկարգ վիճակով ներկայանում է հավատացյալներին և այցելուներին: Ապա սրբազան հայրը, շարունակելով իր խոսքը, նշում է.

«Եղբայրական իմ անկեղծ ուրախությունը կհայտնեմ Նորին Սուրբ Օծության, որ լավագույն ընտրությունը կատարելով՝ արժանավոր վանահայրով մը օժտված է այս վանքը: Տ. Եղիշե հայրը ես վաղուց կճանչնամ և գիտեմ պինքը իր մտավոր և վարչական կարողություններով, որպես ավանդապահ սպասավոր մը Հայ Եկեղեցվու:


Այ վերջին տարիներուն, երբ կայցելեմ այս վանքը, բավական ուրախալի նորություններու կհանդիպիմ: Առավել ռզևորությամբ նույնը կցանկամ կրկնել մեր մայր հայրենիքի համար, որ օրեօր կշեննա, կծաղկի, կպայծառանա և կկորանա:


Այստեղ, հավատքի ութհարյուրամյա այս սուրբ տաճարին մեջ, հոգեբուխ աղոթքով և անկեղծ նվիրումով պետք է մաքրենք մեր հոգիները և գտնենք երկնքի ճանապարհը»:

Այդ օրը սրբազան հայրը ներկա հավատացյալների ցանկությամբ խոստովանեցնում է բոլորին, որոնք սուրբ հաղորդությունից հետո աջահամբույրով հրաժեշտ են առնում Նորին Ամենապատվությունից:

Հավարտ պատարագի տեղի է ունենում հյուրասիրություն վանատանը, որտեղ Պատրիարք հայրը ընդունում է վանքի միաբաններին վանահոր գլխավորությամբ և իր օրհնությունն է տալիս բոլորին՝ պատվիրելով հավատարիմ մնալ մեր սուրբ Եկեղեցու կարգին և ավանդությանը:

ՊԵՏՐՈՍ ՔԱԿԱՆԱ ՄԱԼՅԱՆ





ՀՈԳԵՎՈՐ ՄԵՄԱՐԱՆԻ ՎԵՐԱԲԱՑՄԱՆ ՀԱՆԴԻՍՈՒԹՅՈՒՆ

Սույն թվականի սեպտեմբերի 10-ին, երկուշաբթի օրը, առավոտյան ժամը 10.30-ին, հոգևոր ձեմարանի հանդիսությունների դահլիճում, Վեհափառ Հայրապետի նախագահությամբ, տեղի ունեցավ հանդիսություն՝ նվիրված հոգևոր ձեմարանի 1983—1984 ուսումնական տարվա վերաբացման: Վեհափառ Հայրապետի կողքին, նախագահական սեղանի շուրջ, տեղ էին գրավել Ս. Սիոն արքեպ. Մանուկյանը, Ս. Հուսիկ արքեպ. Սանթրոքյանը, Ս. Ներսես եպս. Պոպապալյանը և հոգևոր ձեմարանի տեսուչ Ս. Եվնիկ քին. Պետրոսյանը:

Հանդիսությանը ներկա էր նաև ՀՍՍՀ Մի-նիստրների խորհրդին առընթեր Հայ Եկեղեցու գործերի խորհրդի նախագահի տեղակալ Անդրանիկ Հանսարթյանը:

Ձեմարանի հանդիսությանը ներկա էին Մայր Աթոռի միաբանությունը, հոգևոր ձեմարանի դասախոսական կապը, ուսանողու-թյունը և մայրավանքի պաշտոնեությունը:

Հանդիսությունը սկսվում է Վեհափառ Հայրապետի աղոթքով: Այնուհետև հնչում է Սովետական Հայաստանի պետական հիմնը: Այա հոգևոր ձեմարանի սաները կատարում են ձեմարանի քայլերգը, որից հետո ձեմարանի ծիսագիտության դասախոս Ս. Արտակ քին. Միսնյանը Ս. Ավետարանից ընթերցում է «Սերմնացանի առակը» (Մատթ. ԺԳ, 4—9): Ընթերցումից հետո ձեմարանի սաները, ղեկավարությամբ ձեմարանի երաժըշտության դասախոս Հայկ Ֆրունձյանի, կա-

տարում են «Աշակերտք Քրիստոսի» ու «Որք Չարդարեցին» շարականները: Ավարտական լսարանի ուսանող Սամվել Կոյանը ընթերցում է Նարեկից՝ Ս. Հոգուն ուղղված աղոթք-աղերսը (Բան ԼԴ):

Հանդիսությանը բացման խոսքով հանդես է գալիս հոգևոր ձեմարանի փոխտեսուչ Ս. Հայկապուն վրդ. Նաջարյանը: Իր խոսքի սկզբում Հայկապուն վարդապետը նշում է. «Տիեզերքի անհունության մեջ կարծեք ժամանակ գոյություն չունի, միայն աշխատանքը, գործն է, որ առիթ է տալիս այդ անհունությունը բաժանելու դարերի, տարիների: Մեր այս շրջափակում այդպիսի գործերի արձագանքները տակավին հնչում են, սկսած Ս. Գրիգոր Լուսավորչից, որը մանուկներ էր հավաքում նրանց դաստիարակելու քրիստոնեական ոգով, կամ Մաշտոցից, որը հայացնում էր քրիստոնեությունը, և այդպես, դարերի միջից, մինչև Գևորգյան ձեմարան և մեր հոգևոր ձեմարանը»:

Շարունակելով իր խոսքը, փոխտեսուչ հայր սուրբը ոգևորությամբ է նշում այն իրողությունը, որ Մայր Աթոռ Ս. Էջմիածնի «հոգևոր ձեմարանը արդեն 40 տարեկան է, և այս տարիների ընթացքում պատրաստվել են բազում եկեղեցականներ, որոնցից շատերը այսօր շրջապատել են մեր սիրելի Վեհափառ Հայրապետին, լինեն նրանք եպիսկոպոսներ, վարդապետներ, թե քահանաներ»:

Իր խոսքի վերջում Ս. Հայկապուն հայր սուրբը իր շնորհակալական խոսքն է ուղղում Հայոց Հայ-

րապետին դեպի ճեմարանն ունեցած Նրա հայրական ջերմ հոգատարության համար և ճեմարանի տեսչության անունից վստահեցնում Նորին Սրբությանը՝ «... որ տեսչության և դասախոսական կազմի համատեղ ջանքերով կարելի պիտի լինի 1984—1985 ուսումնական տարեշրջանը, որը հոբեյանական տարի է, դարձնել արդյունավետ»:

Այնուհետև Նորին Սրբությունը իր հայրապետական ուղջույնները և բարի մաղթանքներն է բաշխում հոգևոր ճեմարանի տեսչությանը, դասախոսական կազմին և ուսանողությանը: Հայոց Հայրապետը սրտի բերկրանքով է նշում այն իրողությունը, որ «վերջին 30—40 տարիների ընթացքում հոգևոր ճեմարանը կարևոր չափով հոգևոր սպասավորներ պատրաստեց: Այսօր մեր ներքին թեմերում, գրեթե ամեն տեղ բոլոր ծառայողները հոգևոր ճեմարանում կրթություն ստացած հոգևորականներ են: Սա նշանակալից երևույթ է: Արտասահմանում նույնպես ունենք բավական էջմիածնական սաներ, որոնք այսօր պատվավոր գործ են կատարում: Ճիշտ է, նրանց թիվը այնքան մեծ չէ, բայց հետպիստե մենք պետք է աշխատենք նոր սերունդներ պատրաստել, որովհետև կարիքը մեծ է, առավել չափով՝ արտասահմանում»:

Այա իր խոսքն ուղղելով հոգևոր ճեմարանի սաներին Վեհափառ Հայրապետը ասում է. «Քիչ առաջ, սիրելի ուսանողներ, դուք լսեցիք Ս. Ավետարանից ընթերցում Հիսուսի նշանավոր «Սերմնացանի առակը»: Այս առակը համաշխարհային մարգարիտ առակներից մեկը, որը պարունակում է իր մեջ հավիտենական ճշմարտություն ոչ միայն հոգևոր կյանքի համար, այլ մարդկային աշխարհի համար: Հիսուսի առակը բնության օրենքներից վերցված մի պարզ, հստակ, հասկանալի առակ է, բայց Հիսուսի հանձարը այս դեպքում երևում է նրանում, որ նա այս առակը պատմում է՝ փոխադրելով այն մարդ-

կային կյանքի պայմանների, մարդկային իմացական և հոգեկան աշխարհի վրա: Եվ իրոք, այս մեկնաբանությամբ, այս առակը տիեզերական և հավիտենական նշանակություն է ստանում:


Հիմա դուք, սիրելի սաներ, հենց այն հողն եք, որտեղ սերմնացանը իր սերմերն է արձակում: Դուք նույնպես կարող եք լինել ապառաժանսան, և սերմերը ձեր հոգու մեջ կարող են արդյունք չտալ: Բայց ձեզանից նրանք, ովքեր պատրաստ են մաքուր սրբտով, պայծառ մտքով ընդունելու այդ սերմերը, այսինքն՝ այն ուսմունքը, որ ձեզ ավանդվում է այս հարկի տակ ձեր դասախոսների կողմից, կարող են մեկի տեղ բավապատիկ արդյունք տալ: Մարդկային կյանքի մեջ էլ, բոլոր ասպարեզներում, ճշմարիտ է այս, բայց հատկապես կարևոր է այդ և իմաստալից ձեզ համար, եկեղեցական հոգևոր կյանքի ապարեզում»:

Իր խոսքի վերջում Նորին Սրբությունը հայրական պատգամով դիմում է ուսանողությանը. «Սիրելի սաներ, դուք մեր Եկեղեցու և հե՛վատավոր ժողովրդի ժառանգորդներն եք, և ձեր ուսերի վրա պետք է ծանրանա ճանապարհորդ շարունակելու մեր նախնիների փորձը, միշտ ամուր, անջարժ, կենդանի պահելու համար մեր Ս. Եկեղեցին, Մայր Աթոռ Ս. Էջմիածինը և մեր ժողովուրդը իր հոգևոր վերապարթոնքի և վերածննդի ճանապարհին»:

Սուրբ Հոգին թող ձեզ ներշնչարան դառնա, և դուք սկսեք ձեր դասերը այս համուլունով, այս հավատքով և սպազայի այս երականքներով:

Ձեզ մաղթում եմ հաջողություն և բերում իմ հայրական օրհնությունները»:

Հոգևոր ճեմարանի վերաբացման սույն հանդիսությունը ավարտվում է խմբովին երգված «Հայր մեր»-ով և Հայոց Հայրապետի «Պահպանիչ»-ով:





Մի պահ ձեռնադրության արարողությունից



ԵՊԻՍԿՈՊՈՍԱԿԱՆ ԶԵՌՆԱԴՐՈՒԹՅՈՒՆ

Հոկտեմբերի 14-ին, կիրակի.—Այսօր Մայր տաճարում տեղի է ունենում եպիսկոպոսական ձեռնադրություն:

Ամենայն Հայոց Վեհափառ Հայրապետը եպիսկոպոս է ձեռնադրում Կանաղայի հայոց առաջնորդ Ս. Վալզեն ծ. վրդ. Քեջիշյանին և Բրապիլիայի հայոց թեմի առաջնորդ Ս. Տաթև ծ. վրդ. Ղարիբյանին:

Հոկտեմբերի 13-ին, շաբաթ օրը, երեկոյան ժամերգությունից հետո, Մայր տաճարում, ըստ Հայաստանյայց Եկեղեցու ավանդության կատարվում է նորընծաների «ընտրություն և ուխտադրություն»:

Իջման Ս. Սեղանի առաջ Ս. Վալզեն և Ս. Տաթև ծայրագույն վարդապետները ուխտում են «հաւատարիմ լինել Սրբոյ Էջմիածնի մինչև վվախճան կենաց իրեանց, կալ մնալ հյու հպատակութեամբ ի ներքո իշխանութեան և հրամանաց Սրբոյ Կաթողիկէ Մայր Աթոռոյ»:

Ուխտագրի ընթերցումից հետո, նորընծաները այն ստորագրում են: Ուխտագիրն ստորագրում են նաև Մայր տաճարի լուսարարապետ Ս. Հուսիկ արքեպ. Սանթրոյանը և Մայր Աթոռի դիվանապետ Ս. Ներսես եպս. Պոպապայանը՝ որպես վկաներ:

Հաջորդ օրը Վեհափառ Հայրապետը եկեղեցական թափորով առաջնորդվում է Մայր լուսաճար՝ մատուցելու ս. պատարագ և կատա-

րելու եպիսկոպոսական ձեռնադրություն: Հայոց Հայրապետին, որպես առընթերակներ, ուղեկցում են Ռումինիայի և Բուլղարիայի հայոց թեմերի առաջնորդ Ս. Տիրայր արքեպ. Մարտիկյանը և Մայր Աթոռի դիվանապետ Ս. Ներսես եպս. Պոպապայանը: Օրվա հանդիստության խարտավիլակն է Ս. Արսեն եպս. Բերբերյանը:

Մայր տաճարի Ս. Ստեփանոսի սեղանի առաջ սկսվում է ձեռնադրության սուրբ Խորհուրդը: Ամենայն Հայոց Հայրապետը իր ազդեցներով և օրհնությամբ նորընծաներին է շնորհում եպիսկոպոսական կոչման յոթ աստիճանները:

Այնուհետև Ավագ Սեղանի վրա Նորին Սրբությունը շարունակում է ձեռնադրությունը:

Հայոց Հայրապետը ընթերցում է ձեռնադրության մեծ աղոթքը՝ «Դու, Տէ՛ր, այսօր վերածեր տնօրինութեամբ քո ի քահանայապետական շնորհ, տո՛ւր սոցա նմանիլ Քեզ՝ ճշմարիդ Հովուիդ, դնել զանձինս իրեանց ի վերայ ոչխարաց, առաջնորդ լնել կուրաց, լոյս խաւարելոց, խրատիչ անպգամաց, լուսատու տիեզերաց...»:

Սույն աղոթքից հետո, նորընծաները, ծընրադիր, դեմքերը դարձրած դեպի հավատացյալ բավությունը, հրաժարվում են աշխարհի ոնայնություններից, նույն պահին էլ հըն-



Վեհափառ Հայրապետը օծում է ձևատը Ս. Վազգեն նորապսակ եպիսկոպոսի



Վեհափառ Հայրապետը օծում է ձախառը Տ. Տաթև նորապատկ եպիսկոպոսի

չում է «Աստուածային և երկնատը շնորհ...» շարականի երգեցողությունը, որը կրկնվում է երեք անգամ: Վեհափառ Հայրապետը կատարում է ձեռնադրության ու օծման կարգը:

Ապա համապատասխան աղոթքներով նորած եպիսկոպոսներին տրվում է եպիսկոպոսական գավազան և մատանի:

Վերջին Ավետարանի ընթերցումից հետո, Վեհափառ Հայրապետի «Պահպանիչ»-ով ավարտվում է ձեռնադրության խորհուրդը:

Այնուհետև Հայոց Հայրապետը նորապսակ եպիսկոպոսներին տալիս է իր հայրական պատգամն ու խորհուրդները:

Նորին Սրբությունը իր քարոզն սկսում է «Ուրախ լեր, Ս.Եկեղեցի» բնաբանով: Իր խոսքի սկզբում Վեհափառ Հայրապետը նշում է, որ այսօր ս. պատարագի արարողության ընթացքում կատարվեց սրբապան մի խորհուրդ՝ Հայ Առաքելական Եկեղեցու երկու ծայրագույն վարպետների շնորհվեց եպիսկոպոսական աստիճան: Դա մեր Եկեղեցու համար բացառիկ արարողություն է՝ հոգեպնայլ երգեցողություններով և աղոթքներով:

Այնուհետև Նորին Սրբությունը հավատացյալ ժողովրդին է ներկայացնում նորընծա երկու եպիսկոպոսներին, խոսում նրանց հոգևոր բարեմասնությունների և ծառայության ոգու մասին:

Վերջում իր խոսքն ուղղելով նորընծա եպիսկոպոսներին՝ Հայոց Հայրապետն ասում է. «Սիրելի սրբապաններ, այս հուպիչ և հանդիսավոր պահին, հոժ հավատացյալ ժողովրդի ներկայությամբ, դուք ձեր ուխտը կատարեցիք՝ անմնացորդ կերպով ձեր կյանքը նվիրելու մեր մայր Եկեղեցուն, մեր համան հավատացյալ ժողովրդին և մեր վերածնված մայր հայրենիքին: Այս երեք գաղափարները մեր գիտակցության մեջ կապմում են մեկ անբաժան ամբողջություն: Վստահ եմ, որ դուք այդ ոգով կնվիրվեք Եկեղեցուն, ապզին և հայրենիքին ու բարձր գիտակցությամբ կշարունակեք ձեր առաքելությունը, այս անգամ եպիսկոպոսական գերագույն իշխանությամբ:

Մաղթում եմ ձեզ հոգվո և մարմնո լիակատար տոկուն առողջություն, անսպառ եռանդ, կորով, համբերություն և իմաստություն, որպեսպի շարունակեք ձեր սրբապան ծառայությունը:

«Ողջ լերուք, սորագեպ սուրբ Հոգով, յաւետ օրինեպ ի Տեառնէ եւ ի մէնջ, ամէն»:

Վեհափառ Հայրապետի ոգեշունչ խոսքից հետո շարունակվում է ս. պատարագը:

Հավարտ ս. պատարագի Հայոց Հայրապետը առաջնորդվում է Վեհարան, ուր ժամը 15-ին նորած Ս. Վապգեն և Ս. Տաթև եպիսկոպոսների պատվին տրվում է պաշտոնական ճաշկերույթ:

Ճաշկերույթին ներկա էին Գերագույն Հոգևոր Խորհրդի անդամները, Մայր Աթոռի միաբանները և սպիտաքահայ հյուրեր, այդ թվում՝ Բրապիլիայի Ազգային Կենտրոնական Վարչության ատենապետ Արշավիր Տոնեյանը, վարչության անդամ գանձապահ Արթուր Ավետիսյանը, համայնքային վարչության անդամներ Թորոս Ջանիկյանը, Չոհրապ Բունբերյանը, Կանադայից Ջորջ Իսրայելյանը, տիկին Բոյաջյանը և այլ ուխտավորներ:


Ճաշկերույթին ներկա էին հյուրաբար Մայր Աթոռում գտնվող Լատվիայի Ավետարանական-լուծերակական Եկեղեցու արքեպիսկոպոս, Նորին Սրբապնություն Ս. Յանիս Մատուլիսը և արտաքին հարաբերությունների բաժնի ընդհանուր քարտուղար պատվելի Կառլիս Գայլիտիսը:

Սույն ճաշկերույթին ներկա էր նաև ՀՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահի տեղակալ Անդրանիկ Հասրաթյանը:

Ճաշկերույթի ժամանակ նորապսակ սրբապաններին առաջինը շնորհավորելով՝ Վեհափառ Հայրապետը իր խորունկ ուրախությունն ու գոհունակությունն է հայտնում օրվա արարողության համար և Կանադայի ու Բրապիլիայի հայոց թեմերի առաջնորդ եպիսկոպոսներին ցանկանում նորանոր հաջողություններ իրենց հոգևոր առաքելության ճանապարհին:

Հայոց Հայրապետի խոսքից հետո նորապսակ սրբապաններին ուղղված շնորհավորանքի սրտագին խոսքեր են ասում Ս. Սիոն արքեպիսկոպոսը, պր. Արշավիր Տոնեյանը, տիկին Բոյաջյանը և ուրիշներ:

Վերջում Վեհափառ Հայրապետին ուղղյալ որդիական երախտագիտության և շնորհակալական սրտաբուխ ջերմ խոսքեր են արտասանում նորապսակ եպիսկոպոսները՝ մի անգամ ևս շեջտելով, որ հավատարիմ կմնան իրենց ուխտին և ամեն ինչ կանեն արդարացնելու Հայոց Հայրապետի սպասումներն ու հույսերը:



Տ. ՎԱԶԳԵՆ ԵՊԻՍԿՈՊՈՍ ՔԵՇԻՇՅԱՆ

Ծնվել է 1935 թ. Ալեքսանդրեոս քաղաքում: Ավազանի անունը եղել է Նուբար: Նախնական կրթությունն ստացել է Բեյրութի ազգային վարժարանում, ապա շարունակել է իր ուսումը նույն քաղաքի Հ. Բ. Ը. Միության Հովակիմյան-Մանուկյան միջնակարգ դպրոցում:

1949 թ. ընդունվել է Մեծի Տանն Կիլիկիո կաթողիկոսության դպրեվանքը, որի լրիվ դասընթացն ավարտել է 1955 թ.: Այնուհետև, որպես ուսուցիչ, որոշ տարիներ պաշտոնավարել է սփյուռքահայ տարբեր կրթական հաստատություններում՝ Անթիլիասի նախակրթարանում, Դամասկոսի ազգային վարժարանում, ապա նաև Երուսաղեմի Թարգմանչաց վարժարանում՝ դասավանդելով հայագիտական մի շարք առարկաներ: Երուսաղեմում գտնվելու շրջանում վարել է նաև Երուսաղեմի հայոց պատրիարքարանի պաշտոնաթերթ «Սիոն» ամսագրի տնօրինությունը՝ մաս կազմելով հիշյալ ամսագրի խմբագրությանը:

1959 թ. Կահիրեի հայոց Ս. Գրիգոր Լուսավորիչ եկեղեցում, ձեռամբ երջանկահիշատակ Տ. Մամբրե արքեպ. Սիրունյանի, ձեռնադրվել է կուսակրոն քահանա՝ վերանվանվելով Տ. Վազգեն արքեպ: Որպես հոգեվորական, երիտասարդ հայր սուրբը այնուհետև երկու տարի վարել է Եթովպիայի և նրա շրջակայքի հայոց հոգևոր հովվի և առաջնորդական փոխանորդի պաշտոնները:

1961—1968 թվականներին ծառայել է Մարսելում որպես տեղի հայոց հոգևոր հովիվ ու նաև որպես ներկայացուցիչը Արևմտյան Եվրոպայի հայրապետական պատմիրակ Տ. Սերովբե արքեպ. Մանուկյանի: Մարսելում Տ. Վազգեն արքեպի հոգևոր ծառայության տարիները եղել են բեղուն և արդյունավետ: Այս շրջանում նրա նախաձեռնությամբ ու ջանքերով նորոգվել են երկու եկեղեցիներ. կառուցվել են երկու հովմատներ և եկեղեցու սրահներ: Իր հովվական և եկեղեցական աջխառնանքներին կուգա-



հեռ, Տ. Վազգեն արքեպան 1962—1965 թվականներին կանոնավոր կերպով հետևելով Էքս-ան-Պրովանսի համալսարանի փիլիսոփայության և հոգեբանության դասընթացներին, ավարտել է համալսարանը փայլուն հաջողությամբ՝ ձեռք բերելով բարձրագույն մասնագիտական կրթություն: Իր շրջանավարտության առիթով, 1965 թ. սեպտեմբերի 13-ին, Տ. Սերովբե արքեպիսկոպոսից ստացել է վարդապետական աստիճան և ժողկյա մանուշակագույն փիլոն կրելու իրավունք:

1968 թ. հայր սուրբը պաշտոնավարության է մեկնել Միացյալ Նահանգներ, որտեղ ավելի քան տասը տարի մեծ եռանդով ու նվիրումով հաջորդաբար ծառայել է Սաութ Միլվոքի, Նիագարա Ֆոլսի, Ս. Քեթրինգի, Լորանսի և Պրովիդենսի հայոց եկեղեցական համայնքներում որպես հոգևոր հովիվ:

1976 թ. հուլիսի 11-ին ԱՄՆ-ի հայոց արե-

վեյան թեմի առաջնորդ Ս. Թորգոմ արքեպ. Մանուկյանից ստացել է ծայրագույն վարդապետական աստիճան:


1979 թ. նշանակվել է առաջնորդական փոխանորդ Կանադայի հայոց թեմի:

1983 թ. Ս. Վազգեն Օ. վարդապետը ընտրվել է Հյուսիսային Ամերիկայի հայոց արևելյան թեմի թեմական խորհրդի անդամ և նույն տարվա սեպտեմբերի 3-ին ստանձնել է Կանադայի հայրապետահաստատ նոր թեմի առաջնորդական տեղապահի պաշտոնը, որը վարել է ձեռնհասությամբ: 1984 թ. հոկտեմբերի 6-ին Կանադայի հայոց պատ-

գամավորական Բ ժողովը միաձայնությամբ նրան ընտրել է Կանադահայոց առաջնորդ:

1984 թ. հոկտեմբերի 14-ին, Կիրակի օրը, Ս. Էջմիածնի Մայր տաճարում, Նորին Սուրբ Օծություն Ս. Ս. Վազգեն Ա Ամենայն Հայոց կաթողիկոսի ձեռամբ ձեռնադրվել և օծվել է եպիսկոպոս Կանադահայ թեմի վրա, իբրև առաջին թեմակալ առաջնորդ:

Ս. Վազգեն եպիսկոպոսը Հայ Եկեղեցու շնորհալի հոգևորականներից է՝ օծոված գրական և վարչական ձիրքերով: Աշխատակցել է սփյուռքահայ մի շարք թերթերի և պարբերականների:





Տ. ՏԱԹԵՎ ԵՊԻՍԿՈՊՈՍ ՂԱՐԻՔՅԱՆ

Ծնվել է 1937 թ. Սիրիայի Հալեպ քաղաքում վեյթունցի ծնողներից: Ավագանի անունը եղել է Հովհաննես: Նախնական և միջնակարգ կրթությունն ստացել է Հալեպի Հիսուսյան հայրերի վարժարանում: Ուսումնառության մի քանի տարիների ակամա ընդմիջումից հետո, հոգևորական դառնալու կոչումը նրան տանում է Երուսաղեմի հայոց վանք: Այստեղ նա ընդունվում է Սրբոց Հակոբյանց Ժառանգավորաց վարժարան, որտեղ կանոնավոր կերպով հետևելով ընծալարանի ուսումնական ծրագրին և հաջողությամբ ավարտելով այն՝ 1963 թվականին, ձեռամբ Երուսաղեմի հայոց Ամենապատիվ Տ. Եղիշե սրբազան պատրիարքի, ձեռնադրվում է կուսակրոն քահանա՝ վերանվանվելով Տ. Տաթև արեղա:

1963—1966 թվականներին Տ. Տաթև արեղան մեծ եռանդով և ձեռնհասությամբ վարում է Ժառանգավորաց վարժարանի և Ընծայարանի փոխտեսչի պատասխանատու պաշտոնը: Այա Հարավային Ամերիկայի հայոց հայրապետական պատվիրակ Տ. Բաբկեն արքեպ. Ապատյանի կողմից հրավիրվում է Արգենտինա՝ ծառայելու որպես Կորդոբայի հայոց հոգևոր հովիվ: Այստեղ, տասնչորս տարի անընդմեջ, երիտասարդ հայր սուրբը ունենում է եկեղեցական, ազգային, կրթական ու վարչական արդյունավետ գործունեություն: 1975 թ. հայրապետական պատվիրակ Տ. Բաբկեն սրբազանի ձեռամբ ստանում է ծայրագույն վարդապետական աստիճան:

1980 թ. բրազիլահայ թեմի ազգային իշխանության հրավերով և Ամենայն Հայոց Հայրապետի հավանությամբ, Տ. Տաթև ծայրագույն վարդապետը մեկնում է Սան-Պաուլո, որտեղ լծվում է թեմի կապմակերպման աշխատանքներին: Բրազիլահայ թեմական



ժողովը, գնահատելով նրա եռանդուն ծառայությունը և վարչա-կապմակերպչական կարողությունները, 1982 թ. դեկտեմբերին նրան ընտրում է առաջնորդ նորակազմ բրազիլահայ թեմի: Ամենայն Հայոց կաթողիկոսը հաստատում է նրա ընտրությունը:

Նորին Սուրբ Օծություն Տ. Տ. Վազգեն Ա Ամենայն Հայոց Հայրապետը, ընդառաջելով բրազիլահայ թեմի ազգային իշխանությանց պաշտոնական դիմումին, 1984 թ. հոկտեմբերի 14-ին, կիրակի օրը, Ս. Էջմիածնի Մայր տաճարում նրան ձեռնադրում է եպիսկոպոս բրազիլահայ թեմի վրա, իբրև առաջին թեմակալ առաջնորդ:





ԵԿԵՂԵՑԱԿԱՆ ԲԵՄ. ԼՈՒՐԵՐ

Հոկտեմբերի 3-ին, չորեքշաբթի.—Այսօր, Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Գլավորի համալսարանի հիմնադրման 700-ամյակին նվիրված «Գլավորի համալսարանը և նրա դերը կաթոլիկ միսիոներների դեմ մղված պայքարում» բովանդակալից վեկուցումով հանդես է գալիս Ս. Շնորհք արքեպիսկոպոսը: Չեկուցման մեջ հայր սուրբը վեր է հանում այն կարևոր դերը, որ խաղացել է Գլավորի համալսարանը կաթոլիկ ունիթոռների դեմ մղված պայքարում, պայքար, որը բխում էր Հայ Եկեղեցու և հայ ժողովրդի շահերից:

Վերջում տեղի է ունենում մտքերի փոխանակում, և վեկուցողը պատասխանում է իրեն ուղղված մի շարք հարցերի:

Հոկտեմբերի 6-ին, շաբաթ.—Այսօր, երեկոյան, Ս. Գայանե եկեղեցուն կից գերեզմանատանն ամփոփված վեհամոր՝ Սիրանույշ Պալջյանի գերեզմանին, Ս. Հուսիկ արքեպ. Սանթրոյանի նախագահությամբ, կատարվում է հոգեհանգստյան կարգ վեհամոր մահվան 10-րդ տարեկիցի առթիվ:

Արարողությունից հետո Վեհափառ Հայրա-

պետին ուղղված միսիթարական խոսք է ասում Ս. Հուսիկ արքեպիսկոպոսը:

*
*
*

Հոկտեմբերի 7-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Ս. Ասողիկ արքեպ. Արիստակեսյանը և «Հայր մեր»-ից առաջ քարոզում «Խաչի քո Քրիստոս երկիրպագանեմք» (Շարական) բնաբանով:

Վերջում, Վեհափառ Հայրապետի նախագահությամբ, կատարվում է հոգեհանգստյան կարգ՝ նվիրված նորոգ հանգուցյալ, շախմատի աշխարհի կրկնակի չեմպիոն Տիգրան Պետրոսյանի հիշատակին:

*
*
*

Նույն օրը, առավոտյան ժամը 11-ին, Էջմիածին քաղաքի Ս. Աստվածածին եկեղեցում ս. պատարագ է մատուցում ուխտավորաբար Մայր Աթոռում գտնվող Ս. Գրիգորիս եպս. Բունիաթյանը և «Հայր մեր»-ից առաջ արտասանում ոգեշունչ քարոզ «Որո՞վ իջխանութեամբ առնես պայր» (Մատթ. ԻԱ 23) բնաբանով:

Ս. պատարագին ներկա էր Լիոնի հայոց

առաջնորդ Ս. Նորվան եպիսկոպոս Չաքարյանը:

Հավարտ և պատարագի կատարվում է հոգեհանգստյան պաշտոն Ս. Աստվածածին եկեղեցու նախկին ավագ քահանաների՝ հանգուցյալ Ս. Քերովբեի և Ս. Վարդանի հոգիների խաղաղության համար:

* * *

Հոկտեմբերի 10-ին, չորեքշաբթի.—Այսօր, Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Ս. Առողիկ արեղա Արիստակեսյանը Վեհափառ Հայրապետից հարց է ուղարկում կիրակոս Երզնկացու աստվածաբանական հայացքների մասին՝ հիմք ընդունելով մատենագրի «Թուղթ ընդհանրական» աշխատությունը:

* * *

Հոկտեմբերի 13-ին, շաբաթ.—Սրբոց թարգմանչաց վարդապետացն մերոց՝ Մեսրոպայ, Եղիշեի, Մովսիսի Քերթովին, Դավթ Անյաղթ փիլիսոփային, Գրիգորի Նարեկացուն և Ներսիսի Կլայեցուն:

Այսօր Օշականի Ս. Մեսրոպ Մաշտոց եկեղեցում և պատարագ է մատուցում Կանադայի հայոց թեմի առաջնորդ Ս. Վազգեն վրդ. Քեշիշյանը և «Հայր մեր»-ից առաջ քարոզում «Եւ ասէ, մի՛ մերձենար այսր. լոյժ վկօշիկս քո լոտից, վի տեղիդ յորում կաս դու ի դմա՛ երկիր սուրբ է» (Ելք. Գ 5) բնաբանով:

* * *

Հոկտեմբերի 17-ին, չորեքշաբթի.—Այսօր, առավոտյան, հոգևոր ճեմարանի սաները, գլխավորությամբ ճեմարանի տեսուչ Ս. Եպիսկոպոս Գևորգյանի, մեկնում են Եղեգնաձոր՝ մասնակցելու Գլաձորի համալսարանի հիմնադրման 700-ամյակին նվիրված տոնակատարությանը:

* * *

Նույն օրը, երեկոյան, Վեհարանի ընդունելությանց սրահում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում Հովհան Մանդակունու կյանքի ու գործունեության մասին

Վեկուցումով հանդես է գալիս Հայկ սրկ. Չիլինգարյանը:

* * *

Հոկտեմբերի 21-ին, կիրակի.—Այսօր Մայր տաճարում, Ավագ խորանի վրա, և պատարագ է մատուցում Կանադայի հայոց թեմի առաջնորդ Ս. Վազգեն եպս. Քեշիշյանը և «Հայր մեր»-ից առաջ հավուր պատշաճի քառույ խոսում:

Ս. պատարագին ներկա էր Վեհափառ Հայրապետը:

* * *

Հոկտեմբերի 23-ին, երեքշաբթի.—Այսօր Ամենայն Հայոց Հայրապետին է այցելում Սփյուռքահայության հետ մշակութային կապի կոմիտեի հրավերով Գլաձորի համալսարանի հիմնադրման 700-ամյակի հանդիսություններին մասնակցելու համար մայր հայրենիք հրավիրված սփյուռքահայ մշակութային գործիչների պատվիրակությունը:

Պատվիրակության կազմում էին՝ պրոֆ. Ավետիս Սանճյանը (Կալիֆորնիայի համալսարանի հայագիտական ամբիոնի վարիչ), Օշին Քեշիշյանը (Լոս Անջելոսում հրատարակվող «Արմենիքն Օբլորվոր» թերթի խմբագիր), Երվանդ Քասունին (Բեյրութում հրատարակվող «Հայագիտական հանդես»-ի խմբագիր), պրոֆ. Գալուստյանը (Բեյրութից), ճարտարապետ Արմեն Հախնապարյանը (Թեհրանի թեմական խորհրդի անդամ), աստղագետ դոկտ. պրոֆ. Հակոբ Թերսյանը (Լիոնից) և ուրիշներ:

Վեհափառ Հայրապետի և պատվիրակության անդամների միջև տեղի է ունենում վրոյց ջերմ և սրտագին մթնոլորտում:

* * *

Հոկտեմբերի 24-ին, չորեքշաբթի.—Այսօր հոգևոր ճեմարանի հանդիսությունների դափնիձում, Վեհափառ Հայրապետի նախագահությամբ, տեղի է ունենում Ախենի համալսարանի (Արևմտյան Գերմանիա) դասախոս, ճարտարապետ դոկտ. Արմեն Հախնապարյանի դասախոսությունը պատմական Արտազ գավառի հայկական վանքերի մասին:

Դասախոսությունը ուղեկցվում էր գունավոր փանդաների ցուցադրմամբ:

* * *

Հոկտեմբերի 28-ին, կիրակի.—Գլխա խաչի: Այսօր Մայր տաճարում, Ավագ խորանի

վրա, ս. պատարագ է մատուցում Տ. Հայկապուն վրդ. Նաջարյանը և «Հայր մեր»-ից առաջ քարոզում «Այլ ինձ քառ լիցի պարծել, բայց միայն ի խաչն Տեառն մերոյ Յիսուսի Քրիստոսի, որով ինձ աշխարհի ի խաչ ելեալ է, եւ ես՝ աշխարհի» (Գաղ. Չ 14) բնաբանով:

Ս. պատարագին ներկա էր Վեհափառ Հայրապետը:

*
*
*

Հոկտեմբերի 31-ին, չորեքշաբթի.—Այսօր Վեհարանում, Վեհափառ Հայրապետի նախագահությամբ, տեղի է ունենում միաբանական հավաքույթ:

Հավաքույթի ընթացքում հոգևոր ճեմարանի տեսուչ Տ. Եվնիկ քին. Պետրոսյանը խոսում է Լենինգրադի հոգևոր ակադեմիայի հիմնադրման 175-ամյակին նվիրված հանդիսությունների մասին:

*
*
*

Օգոստոսի 29-ին, չորեքշաբթի.—Այսօր, առավոտյան ժամը 11-ին, Մայր Աթոռ Ս. Էջմիածին այցելեցին և Ամենայն Հայոց կաթողիկոս Տ. Տ. Վազգեն Ա-ի հետ հանդիպում ունեցան սփյուռքահայ մի խումբ ուսուցիչներ, որոնք մայր հայրենիք էին եկել Սփյուռքահայության հետ մշակութային կապի կոմիտեի հրավերով՝ կրթական գործի մեջ կատարելագործվելու համար: Խումբը բաղկացած էր թվով 56 ուսուցիչ-ուսուցչուհիներից: Նրանք եկել էին աշխարհի տարբեր երկրներից՝ Ամերիկայի Միացյալ Նահանգներից, Կանադայից,

Անգլիայից, Ֆրանսիայից, Արևմտյան Գերմանիայից, Եվրոպայից, Հունաստանից, Կիպրոսից, Ավստրալիայից, ինչպես նաև Մերձավոր Արևելքի երկրներից՝ Լիբանանից, Հորդանանից, Իսրայելից, Սիրիայից և այլն:

Մայր Աթոռ Ս. Էջմիածնում սփյուռքահայ ուսուցիչների խումբը այցելեց Մայր տաճար, եղավ նրան կից թանգարանում, ինչպես նաև «Ալեք և Մարի Մանուկյան գանձատանը»:

Վեհարանի ընդունելությանց դաշիճում խմբի անդամների անունից Ամենայն Հայոց կաթողիկոսին ուղղված ողջույնի խոսք ասաց խմբի ղեկավար, Աթենքի «Նոր աշխարհ» թերթի խմբագիր պրն. Չավեն Գրիգորյանը: Նա նշեց, որ ամեն տարի, հայրենիքի կառավարության հրավերով, մայր հայրենիք են գալիս սփյուռքահայ կրթական մրշակներ և վերապատրաստվում կայուն գիտելիքներով՝ իրենց հետ տանելով հայրենիքի կարոտն ու Ս. Էջմիածնի օրհնությունը:

Մեծ ուշադրությամբ և հետաքրքրությամբ ունկնդրվեց Վեհափառ Հայրապետի քաջալերանքի և օրհնության խոսքը: Նորին Սրբությունը մեծապես գնահատեց այն հերոսական ձիգերը, որ ի գործ են դնում սփյուռքի հայ ուսուցիչները, որպեսզի հեռավոր ափերում միշտ հնչի մայրենի քաղցր լեզուն և միշտ ամուր մնա պապենական հավատքն ու հայրենիքի սերը: Վեհափառ Հայրապետը օրհնեց սփյուռքահայ ուսուցիչներին և մաղթեց, որ նրանք, գոտեսվնդված հայրենի տպավորություններով ու Ս. Էջմիածնի օրհնությամբ, վերանորոգված եռանդով ու հավատով առաջ տանեն հայ մատաղ սերնդի կրթության և հայեցի դաստիարակության սրբազան գործը:



ԼԱՏՎԻԱՅԻ ԱՎԵՏԱՐԱՆԱԿԱՆ-ԼՈՒԹԵՐԱԿԱՆ
ԵԿԵՂԵՑՈՒ ՊԵՏ Տ. ՅԱՆԻՍ ՄԱՏՈՒԼԻՍ ԱՐՔԵՊԻՍԿՈՊՈՍԸ
ՄԱՅՐ ԱԹՈՌՈՒՄ

Սույն թվականի հոկտեմբերի 12—15 օրերին, Ամենայն Հայոց Հայրապետի հրավերով, Մայր Աթոռում էր գտնվում Լատվիայի Ավետարանական-լուսերական Եկեղեցու պետ Տ. Յանիս Մատուլիս արքեպիսկոպոսը:

Հոկտեմբերի 12-ին Տ. Յանիս Մատուլիս արքեպիսկոպոսը, ընկերակցությամբ Լատվիայի Ավետարանական-լուսերական Եկեղեցու արտաքին հարաբերությունների բաժնի ընդհանուր քարտուղար պատվելի Կառլիս Գայլիտիսի, ժամանում է Երևան: Երևանի «Չվարթնոց» օրանավակայանում հյուրերին դիմավորում և բարի գալուստ են մաղթում Մայր Աթոռի դիվանապետ Տ. Ներսես եպս. Պոպապայանն ու Տ. Ասողիկ աբեղա Արիստակեսյանը:

Սույն օրը, կեսօրին, Վեհարանի ընդունելությանց դահլիճում բարձրաստիճան հյուրին ողջունում և բարի գալուստ է մաղթում Ամենայն Հայոց կաթողիկոսը: Հայոց Հայրապետի և Տ. Մատուլիս արքեպիսկոպոսի միջև տեղի է ունենում պոույց եղբայրական ջերմ և սիրալիր մթնոլորտում: Չրույցին ներկա են լինում Գերագույն Հոգևոր Խորհրդի ատենապետ Տ. Սիոն արքեպ. Մանուկյանը, Մայր Աթոռի դիվանապետ Տ. Ներսես եպս. Պոպապայանը, ուխտավորաբար Մայր Աթոռում գտնվող Տ. Վազգեն ծ. վարդապետ Քեչիշյանը և Տ. Տաթև ծ. վարդապետ Ղարիբյանը:

Սույն օրը, ի պատիվ բարձրաստիճան հյուրերի, Վեհափառ Հայրապետը տալիս է ճաշկերույթ: Հավարտ ճաշկերույթի հյուրերը այցելում են Մայր տաճար, ապա ծանոթանում Մայր Աթոռի թանգարաններին:

Հաջորդ օրը, հոկտեմբերի 13-ին, ուղեկցությամբ Տ. Ասողիկ աբեղայի, մեծարգո հյուրերը ուղևորվում են Երևան և այցելում Ծի-

ծեռնակաբերդի հայ նահատակաց հուշարձան՝ իրենց հարգանքի տուրքը մատուցելու Ապրիլյան Եղեռնի վոհերի հիշատակին: Այնուհետև նրանք այցելում են Ս. Մեսրոպ Մաշտոցի անվան Մատենադարան և ծանոթանում հայ դպրության մեծարժեք հուշարձաններին:

Սույն օրը, հետմիջօրեի, Մայր Աթոռի հյուրերը ուղևորվում են Գառնի, ապա Ս. Գեղարդի վանք: Այստեղ հյուրերի պատվին տրվում է ճաշկերույթ:


Վերադարձին Տ. Մատուլիս արքեպիսկոպոսը և ընդհանուր քարտուղար Կառլիս Գայլիտիսը այցելում են Վաղարշապատի պատմական վանքերը:


Կիրակի օրը, հոկտեմբերի 14-ին, բարձրաստիճան հյուրերը Մայր տաճարում ներկա են լինում հայրապետական սուրբ պատարագին: Այդ օրը Ամենայն Հայոց Հայրապետի ձեռամբ կատարվում է եպիսկոպոսական ձեռնադրություն և օծում:

Հավարտ պատարագի հյուրերը ներկա են գտնվում Վեհարանի սեղանատանը նորապսակ եպիսկոպոսների պատվին կազմակերպված պաշտոնական ճաշկերույթին:

Երեկոյան ժամը 20-ին, ընկերակցությամբ Շիրակի թեմի առաջնորդ Տ. Նարեկ եպիսկոպոս Շաքարյանի, հյուրերը Երևանի Հայֆիլիարմոնիայի մեծ դահլիճում ներկա են լինում ամերիկահայ հանրաճանաչ երգեհոնահար Պերձ Ժամկոչյանի համերգին:

Հետևյալ օրը, հոկտեմբերի 15-ին, Տ. Մատուլիս արքեպիսկոպոսը և պատվելի Կառլիս Գայլիտիսը, գոհունակություն հայտնելով ցուցաբերված ջերմ ընդունելության համար, հրաժեշտ են առնում Հայոց Հայրապետից և Մայր Աթոռից մեկնում երախտագետ վագրոմներով:





ԱՂԲՅՈՒՐ-ՀՈՒՇԱՐՁԱՆԻ ԲԱՑՈՒՄ Ս. ԳԱՅԱՆԵ ՎԱՆՔՈՒՄ

Սեպտեմբերի 23-ին, կիրակի օրը, աղոթքով, հանդիսավոր իրադրության մեջ, Ս. Գայանե վանքի շրջափակում, Հայոց Հայրապետի բարձր նախագահությամբ, կատարվում է աղ-

բյուր-հուշարձանի բացում՝ ի հիշատակ Մեծ Եղեռնի ընթացքում նահատակված կարնեցիների:



Մի պահ աղբյուր-հուշարձանի բացման հանդիսավոր արարողությունից

Հուշարձանը կառուցվել է Միացյալ Նահանգների Կարնո Հայրենակցական Միության նվիրատվությամբ:

Հուշարձանի բացմանը ներկա էին Մայր Աթոռի միաբանությունը, սփյուռքահայ մի շարք թեմերի թեմակալ առաջնորդները, բարձրաստիճան հոգևորականներ և ԱՄՆ-ի Կարնո Հայրենակցական Միության անդամներ:

Վեհափառ Հայրապետը թափորով առաջնորդվում է աղբյուր-հուշարձանի մոտ՝ կատարելու նրա հանդիսավոր բացումը:

Մայր Մաշտոցից կատարվում են համապատասխան աղոթքներ, ս. գրական ընթերցումներ, երգվում են շարականներ:

Այնուհետև բացման խոսք է ասում Մայր Աթոռի միաբան Ս. Ասողիկ աբեղա Արիստակեսյանը: Հայր սուրբը իր ելույթում նշում է, որ Ս. Գայանե կույսի նշխարների մոտ կառուցված աղբյուր-հուշարձանը մեկն է հայ-


րենի հողի վրա կանգնած այն բազում հուշակոթողներից, որոնք խորհրդանշում են հայ ժողովրդի կենսունակությունը, նրա ապրելու և գոյատևելու կամքը:

Կարնո Հայրենակցական Միության անունից սրտագին խոսք է ասում նաև բոստոնահայ հասարակական գործիչ Գևորգ Ներսիսյանը: Նա նշում է, որ նորակառույց աղբյուր-հուշարձանը բազմահազար հայ նահատակների հիշատակը հավերժացնող նվիրական մի կոթող է. ով որ խմի նրա սառնորակ ջրից, թող աղոթի նրանց հոգիների խաղաղության համար:

Վերջում փակման խոսքով հանդես է գալիս Մայր Աթոռի դիվանապետ Ս. Ներսես եպս. Պոպապայանը:

Աղբյուր-հուշարձանի նախագծի հեղինակն է Մայր Աթոռի գլխավոր ճարտարապետ Արծրուն Գալիկյանը, իսկ կատարող վարպետը՝ քանդակագործ Էդիկ Հակոբջանյանը:





ՀԱՆԳԻՍՏ ՍԱՐԳԻՍ ՔՅՈՒՐՔՃՅԱՆԻ

Սույն թվականի սեպտեմբերի 22-ին, Լոնդոնում, կյանքի 87-րդ տարում, իր մահկանացուն կնքեց Մայր Աթոռի բարերար, սփյուռքահայ ազգային-հասարակական ծանոթ գործիչ Սարգիս Քյուրքճյանը: Նա մեկն էր իր ազգի այն տարաբախտ զավակներից, որոնք վաղ հասակից տարագրվեցին իրենց բնիկ երկրից, օտար ափերում իրենց բազում սերնդակիցների հետ ճաշակեցին թափառական կյանքի դառնությունները, բայց երբեք չկորցրին իրենց ոգեկան արիությունը, հպարտությամբ պահպանեցին իրենց մայրենի լեզուն, կրոնական ու ազգային ավանդությունները և իրենց գիտակցական ողջ կյանքը նվիրեցին սփյուռքի հայության ազգային ինքնության պահպանման ու գոյատևման սրբազան գործին:

Սարգիս Քյուրքճյանը ծնվել է 1897 թվականին Արևմտյան Հայաստանի Խարբերդ քաղաքում: Նախնական կրթությունն ստացել է իր ծննդավայրում, ապա տեղափոխվել է Պարտիզակ և իր ուսումը շարունակել տեղի ուսումնարանում, իսկ այնուհետև՝ Կ. Պոլսի Ռոբերտ քոլեջում: Մեծ Եղեռնին նախորդող տարիներին անցնում է Եվրոպա և որոշ ժամանակ հետևում Ըվեյցարիայի Նյուշատել քաղաքի համալսարանի առևտրական բաժնի դասընթացներին:

1927 թվականին տեղափոխվելով Կահի-

րե՝ ամուսնանում է եկեղեցական ավանդություններով սնված մի հայուհու՝ Աստղիկ Մանսուրյանի հետ, կազմում է հայկական տիպար մի ընտանիք և ունենում երկու մանչ զավակներ՝ Գևորգ և Հովհաննես Քյուրքճյանները:

1930 թ. Սարգիս Քյուրքճյանը ընտանիքով վերջնականապես բնակություն է հաստատում Լոնդոնում և իր առևտրական գործերին կուզընթաց՝ զբաղվում ազգային-հասարակական եռանդուն գործունեությամբ: Ազգային մեծ բարերար Գալուստ Կյուլպենկյանի անձնական ներկայացուցիչ Ավետիս Հակոբյանի կողմից նշանակվում է Լոնդոնի հայոց Ս. Սարգիս եկեղեցու խնամակալության անդամ, 1962 թ. դառնում է այդ խնամակալության նախագահ, իսկ 1972 թ.՝ պատվո Նախագահ, և այդ պաշտոնում մնում մինչև իր կյանքի վերջը:

Լոնդոնաբնակ ծանոթ ազգայիններ Արշակ Սաֆրաստյանի, Լևոն Ապաճյանի և այլոց հետ հանգուցյալը գործուն մասնակցություն է ունեցել լոնդոնահայ համայնքի կազմության աջատանքներին՝ դառնալով լոնդոնահայ համայնքային խորհրդի առաջին ատենապետը: Ավելի ուշ նա որոշ ժամանակ վարել է նաև Հ. Բ. Հ. Միության Լոնդոնի մասնաճյուղի ատենապետության պաշտոնը: Բացի այդ, նա մինչև իր կյանքի վախճանը

եղել է «Աբգար Թրապ»-ի անփոփոխ ատենապետը:

Սարգիս Քյուրքճյանն առաջին անգամ մայր հայրենիք է այցելում համաշխարհային երկրորդ պատերազմից հետո, 1945 թ., իսկ 1955 թ. պաշտոնական այցելությամբ կրկին լինում է Հայաստանում՝ մասնակցելու Ամենայն Հայոց կաթողիկոս Վազգեն Ա-ի ընտրությանը, ինչպես նաև նրա օժման և գահակալության հանդիսություններին: Այդ առթիվ նա ստանձնում է Նորին Սըրբության կնքահայրության պատվավոր պաշտոնը:

Որպես Հայաստանյայց Առաքելական Եկեղեցու հավատարիմ զավակը, Սարգիս Քյուրքճյանը անմնացորդ նվիրումով, թե՛ նյութապես և թե՛ բարոյապես, ծառայել է իր առաքելական Մայր Եկեղեցուն՝ նրա ծաղկմանն ու բարգավաճմանն ի խնդիր: Նա խորին հարգանք և պաշտամունքի հասնող սեր ուներ դեպի Մայր Աթոռ Ս. Էջմիածինն ու նրա գահակալ Ս. Վազգեն Ա Ամենայն Հայոց Հայրապետը: Այդ հարգանքի և սիրո արտահայտություն էին անկասկած նրա սրտաբուխ նվիրատվությունները ի նպաստ Ս. Էջմիածնի: Նրա տրամադրած նյութական միջոցներով հնարավոր եղավ իրականացնել Բջնիի Ս. Աստվածածին պատմական եկեղեցու առաջին վերանորոգությունը: Նրա փափագով և իր որդիների նյութական կարևոր օժանդակությամբ արտաքուստ և ներքուստ հիմնովին վերանորոգվեց Երևանի Ս. Սարգիս առաջնորդանիստ եկեղեցին: Բացի այդ, զանազան առիթներով նա նյութական կարևոր հատկացումներ է արել ի նպաստ Մայր Աթոռի կարիքների: Որպես Մայր Աթոռի բարերար նրա անունը արձանագրված է Ս. Էջմիածնի Վեհարանի պատվո մարմարյա տախտակին: Ի գնահատություն Հայ Եկեղեցուն և ազգին մատուցած նրա բազում ծառայությունների, երջանկահիշատակ Ս. Գևորգ Չ կաթողիկոսը և այժմյան Ս. Ս. Վազգեն Ա Ամենայն Հայոց Վեհափառ Հայրապետը նրան պարգևատրել են Ս. Գրիգոր Լուսավորչի և Ս. Ներսես Շնորհալու շքանշաններով:

Սարգիս Քյուրքճյանի անունը կմնա նաև իբրև ազգասեր և հայրենասեր անձնավորություն: Նա բավիցս այցելել է Մայր Հայաստան և իր այցելությունների ընթացքում հաճախ իր հետ բերել հայկական հին արժեքավոր ձեռագրեր ու նվիրել Երևանի պետական Մատենադարանին, որի համար Մատենադարանի տնօրենության կողմից

պարգևատրվել է Ս. Մեսրոպ Մաշտոցի անվան շքանշանով:

Հանգուցյալի հուղարկավորությունը տեղի է ունեցել սեպտեմբերի 28-ին, ուրբաթ օրը, Լոնդոնի հայոց Ս. Սարգիս եկեղեցում՝ նախագահությամբ Անգլիայի հայոց առաջնորդ Ս. Եղիշե եպիսկոպոս Կիլիկյանի: Արարողությանը ներկա են եղել հանգուցյալի հարապատներն ու բարեկամները, ինչպես նաև Լոնդոնի հայոց համայնքային եկեղեցական խորհրդի և Ս. Սարգիս եկեղեցու խնամակալության անդամները, ազգային զանազան կազմակերպությանց ներկայացուցիչներ և լոնդոնահայ բազմաթիվ ազգայիններ: Հավարտ արարողության հանգուցյալի մարմինը սզակիրների թափորով ժամանակավորապես փոխադրվել է Բաթնի Վեյլի դիակիպարան: Նրա աճյունը պետք է իր վերջնական հանգիստը գտնի մայր հողում, Ս. Գայանե վանքում:

Հայ Եկեղեցու անձնվեր զավակ և Մայր Աթոռի մեծ բարերար Սարգիս Քյուրքճյանի մահվան տխուր առիթով Վեհափառ Հայրապետը հանգուցյալի հարապատներին հղել է ցավակցական հետևյալ հեռագիրը.

«Այսօր, երբ մեր թանկագին Սարգիս Քյուրքճյանի հոգին կբարձրանա դեպի անհունը երկնքին, Մենք հավատավոր սրտով կաղոթենք Փրկչին Իջման Սեղանի առջև, որ Տերն արժանի ընե՛ վայն երկնային փառաց լույսին:


Սարգիս Քյուրքճյան, բարեպաշտ նվիրյալ զավակը մեր սուրբ Եկեղեցիին և մեծ հոգատար բարերարը Մայր Աթոռիս, կբաժնըվի այս անցավոր կյանքեն իր պարտքը լիությամբ կատարած մեր ազգին և իր պատվական ընտանիքին հանդեպ:

Օրհնություն անոր արդար հոգիին և բարի հիշատակին:

Մեր խորազգաց ցավակցությունները ձեպի բոլորիդ: Սուրբ Հոգին թող մնա ձեպի մխիթարիչ և ձեպի պարգևե խաղաղ կյանք ու ամեն բարիք»:

Սեպտեմբերի 23-ին, կիրակի օրը, Ս. Էջմիածնի Մայր տաճարում, հավարտ պատարագի, Վեհափառ Հայրապետի նախագահությամբ, կատարվեց հոգեհանգստյան մասնավոր պաշտոն Սարգիս Քյուրքճյանի հիշատակին:

Այս տխուր առիթով «Էջմիածին» ամսագրի խմբագրությունը իր խոր ցավակցություններն է հայտնում հանգուցյալի վշտակիր ընտանիքին և բոլոր հարապատներին:



ԱՅՑՅԵԼՈՒԹՅՈՒՆ ՀԱՅՐԵՆԻՔ՝ ՈՒՒՏՏԻ ԵՎ ՎԵՐԱՆՈՐՈԳՄԱՆ

Ետևում թողնելով հապարավոր կիլոմետրեր, հայրենիքը վայրկյան առաջ տեսնելու անհագ ցանկությունը իրենց հոգում, մի խումբ հայորդիներ օդանավի կանգնելուն պես սրտի թրթիռով ուռք դրեցին Մայր Հայաստանի պատմական հողի վրա:

Ահա երևում է Արարատ լեռը, Երևանը, Արարատյան դաշտավայրը, Հայաստանի արևը: Ահա իրենց նախնիների սրբազան հողը: Հայաստանի հետ առնչվող տարիներով կուտակված հույզերը, տենչերն ու երազանքները դարձան իրականություն: Սա արդեն անհուն բերկրանք և երջանկություն է:

Այցելուները ԱՄՆ-ի հայոց արևելյան թեմի Հայ Եկեղեցասեր Երիտասարդաց Միության անդամներից էին, որոնք Ամենայն Հայոց Հայրապետ Ն. Ս. Օ. Տ. Տ. Վաչգեն Ա-ի և Սփյուռքահայության հետ մշակութային կապի կոմիտեի հրավերով ուխտի էին եկել Հայաստան և Մայր Աթոռ Ս. Էջմիածին:

Խմբի ղեկավարն էր Վաշինգտոնի հայոց Ս. Մարիամ եկեղեցու հոգևոր հովիվ Տ. Վրթանես քին. Գալայճյանը: Խումբը բաղկացած էր երեսուն երկսեռ անդամներից՝ հավաքված ԱՄՆ-ի հայոց արևելյան թեմի տարբեր նահանգներից:

Նրանք Հայաստան ժամանեցին հունիսի 17-ին: Սփյուռքահայության հետ մշակութային կապի կոմիտեն նրանց համար միջոցառումների հարուստ մի ծրագիր էր պատրաստել: Համաձայն այդ ծրագրի, կապվակերպվեցին հայոց լեզվի, հայկական ժողովրդական երգերի ու պարերի հատուկ դասընթացներ: Դասերից հետո, ապառ ժամերին, ամերիկահայ երիտասարդները հնարավորություն ունեցան ծանոթանալու Հա-

յաստանի տեսարժան վայրերին ու հայրենաբնակ իրենց ժողովրդի կյանքին: Նրանք առանձնապի հուլունով ու խոր պզգամունքով այցելեցին և ծաղիկներ դրեցին Ծիծեռնակաբերդի 1915 թ. Մեծ Եղեռնի զոհերի հուշաբանին, Սարդարապատի հերոսամարտի հուշահամալիրին և Հաղթանակի պրոսպեկտում Անհայտ պինվորի գերեզմանին: Եղան մայրաքաղաքի տեսարժան վայրերում և մշակութային մի շարք օջախներում, ուղևորություն կատարեցին դեպի Սևան, Գոշավանք, Հաղարծին, Գեղարդ, Օշական, Աշտարակ, Բյուրական:

Հունիսի 19: Երջանիկ և անմոռանալի օր: Ազգիս Հայրապետ Ն. Ս. Օ. Տ. Տ. Վաչգեն Ա Ամենայն Հայոց Կաթողիկոսը Հարավային Ամերիկա և Ֆրանսիա կատարած իր հովվապետական այցելությունից վերադառնում էր Մայր Աթոռ Ս. Էջմիածին: Ամերիկահայ երիտասարդները մեծ ոգևորությամբ եկել էին Սուրբ Էջմիածին՝ դիմավորելու Ամենայն Հայոց Հայրապետին և Նրա ճանապարհին ծաղիկներ սփռելով՝ բարի գալուստ մաղթելու Նրան:

Հուլիսի 6-ին ամերիկահայ երիտասարդները եղան Սփյուռքահայության հետ մշակութային կապի կոմիտեում, որտեղ նրանց ընդունեցին ու նրանց հետ պրոպ ունեցան կոմիտեի նախագահի տեղակալներ Ս. Բաղդասարյանը և Կ. Միքայելյանը: Ս. Բաղդասարյանը երիտասարդներին հանգամանորեն պատմեց Հայաստանում վերջին տարիներին գիտության, մշակույթի, արդյունաբերության, գյուղատնտեսության, շինարարության ասպարեզում հայ ժողովրդի ձեռք բերած նվաճումների մասին: Նա շեշտեց հայրենիքի հետ սփյուռքահայության սերտ կապի անհրաժեշտությունը՝ նշելով, որ հայն ուր որ



Հայ եկեղեցաներ Երիտասարդաց Միության անդամները Երևանի Մատենադարանի առջև

էլ ապրի, պիտի հիշի ու անպայման այցելի իր հայրենիքը, իր ժողովրդի բնօրրանը: Հանդիպման վերջում երիտասարդները կատարեցին խմբերգեր, պարեր ու արտասանություններ, ապա իրենց ջերմ ջնորհակալությունները հայտնեցին, որ իրենց առիթ էր տրվել այցելելու Հայաստան և իրականացնելու տարիներով փայփայած իրենց երպանքները: Խմբի անդամներից Ռազմիկ Մալխասյանն ասաց. «Մեր այցելության օրերուն մեր սեփական աչքերով տեսանք ներկա Հայաստանի նվաճումները: Մեր հայրենիքի կենդանությունն ու խաղաղությունը մեզի համար ամեն բանն վեր է: Ոչ մեկ ճշմարիտ հայ, ուր որ ալ գտնվի ան, հայրենիքեն ներս թե դուրս, տարբեր չի կրնար մտածել ու զգալ: Շատ հուպիչ ու ոգևորիչ է մեզի համար տեսնել, թե ինչպես մեր ժողովուրդի զավակները հերոսական ճիգերով, բապում դժվարություններ հաղթահարելով՝ մոխիրներեն ու ամայություններեն հաջողեր են ստեղծել փառավոր երկիր մը՝ վարգացած գիտությամբ, արդյունաբերությամբ ու մշակույթով»:

Հրաժեշտ տալու և օրհնություն ստանալու համար հուլիսի 12-ին ամերիկահայ երիտասարդները այցելեցին Մայր Աթոռ և Վեհարանում ընդունվեցին Ամենայն Հայոց կաթողիկոսից:


Խմբի անունից Նոյին Սրբությանն ուղղված երախտագիտության խոսք ասաց Տ. Վրթաթանես քին. Գալայճյանը ցուցաբերված ջերմ ընդունելության համար:

Հուլիսի 14-ի առավոտյան Երևանի Արևմտյան օդանավակայանից ինքնաթիռ նստելիս ամերիկահայ երիտասարդներն իրենց հայացքը վերջին անգամ ուղղեցին Արարատին, Երևանին և հայոց արևին՝ խոստանալով միշտ հայ մնալ, կրկին ու կրկին այցելել Հայաստան և հավատարմորեն ծառայել հայրենիքին և հարապատ ժողովրդին:

Բարի՛ երթ ձեզ, սիրելիներ: Տարե՛ք ձեր հետ հայրենի արևի ջերմությունը և փոխանցե՛ք այն հայրենիքի կարոտը սրտերում հայրենիքից հեռու ապրող բոլոր հայերին:

ՍՏԵՓԱՆ ՍԱՐԿԱՎԱԳ ԿԱՐԱՊԵՏՅԱՆ





ԹԵՄԱԿԱՆ ԿՅԱՆՔ

ԼՈՒՐԵՐ ԻՐԱՔԻ ՀԱՅՈՑ ԹԵՄԻՑ

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ
ԲԱՂԴԱԴԻ ՀԱՅՈՑ ԵԿԵՂԵՑՈՒՄ

Սույն թվականի մայիսի 19—20 օրերին
Բաղդադի հայոց Ս. Գրիգոր Լուսավորիչ

եկեղեցում քահանայական կոչում և ձեռնադրություն է ստացել բարեջնորի Հովսեփ սարկավազ Հովսեփյանը՝ ձեռամբ Իրաքի հայոց առաջնորդ Տ. Ավագ եպիսկոպոս Ասատուրյանի:



Մի պահ ձեռնադրության արարողությունից

Մայիսի 19-ին, շաբաթ օրը, երեկոյան, կիրակի մտի ժամերգության ավարտին, կատարվել է սարկավագի «Կոչումն քահանայության» արարողությունը՝ խորատավիակությամբ Տ. Նարեկ քահանա Իշխանյանի: Այնուհետև սարկավագը հրապարակորեն արտասանել է «Հայաստանյայց Եկեղեցու «Հաւատոյ խոստովանութիւնը» ըստ Չեռնադրության Մաշտոցի:

Հետևյալ օրը, մայիսի 20-ին, կիրակի, Բաղդադի հայոց եկեղեցում Երևման Ս. Խաչի տոնի առթիվ ս. պատարագ է մատուցել առաջնորդ սրբապանը: Ի ժամ պատարագի տեղի է ունեցել նորընծայի ձեռնադրության և օծման արարողությունը խոռոչներում հայ հավատացյալների ներկայությամբ: Այս առաջնորդ սրբապանը հոգեշունչ մի քարոզով ոգեկոչել է Երևման Ս. Խաչի տոնը, ինչպես նաև Սարգսրապատի հերոսամարտի, հիշատակը «Ապաւէն ցուցաւ մեզ սուրբ խաչն փրկչական զի յաղթեսցուք նովաւ անօրէն թշնամոյն» բնաբանով: Այնուհետև Տ. Ավագ եպիսկոպոսը սրտագին շնորհավորանքներ է ուղղել նորընծա Տ. Գարեգին քահանային՝ մաղթելով նրան քաջառողջ և արև-

շատ կյանք և հույս հայտնելով, որ նա գիտակից նվիրումով, հավատարմությամբ և կարգապահությամբ կծառայի Հայաստանյայց Առաքելական Ս. Եկեղեցուն և հայ ժողովրդին:

Չեռնադրության արարողությանը հյուրաբար ներկա են եղել Բաղդադի քրիստոնեական համայնքների հոգևոր պետեր՝ հանձինս ասորական ուղղափառ Եկեղեցու առաջնորդ Տ. Սևերիոս արքեպիսկոպոսի, քաղղեացիների պատրիարքի ներկայացուցիչ Էմմանուել եպիսկոպոսի և հայ Անարատ Հոգության քույրերի: Նորած քահանա Տ. Գարեգինի կրթականը է հանդիսացել Բաղդադի ազգայիններից պրն. Չոհրապ Գրիգորյանը:

Հավարտ պատարագի, հայոց առաջնորդարանի նորակառույց սրահում Տ. Գարեգինը ներկայացել է առաջնորդ սրբապանին՝ ստանալու նրա օրհնությունը և բարեմաղթությունները: Այս ներկա հյուրերը շնորհավորել են նորած քահանային:

Տ. Գարեգին քահանան իր ճգնության քառասուն օրերը անց է կացնելու Բաղդադի հայոց ծերանոցում:

Սույն թվականի օգոստոսի 1—10 օրերին Իրաքի քրիստոնյա մի շարք համայնքների հոգևոր առաջնորդներից բաղկացած մի պատվիրակություն՝ գլխավորությամբ Քաղղիացիների պատրիարք Ամենպատիվ Տ. Պողոս Բ Շիխոյի, հաջորդաբար այցելելով Վատիկան և Ժնև, պաշտոնական հանդիպումներ է ունեցել Հռոմեական Կաթոլիկ Եկեղեցու պետ Նորին Սրբութուն Հովհաննես Պողոս Բ Պապի և Եկեղեցիների Համաշխարհային Խորհրդի քարտուղարության հետ:

Պատվիրակության կազմում են եղել Բաղդադի և Բասրայի սիրիական օրթոդոքս համայնքի առաջնորդ Տ. Սերվիոս Հավա արքեպիսկոպոսը, Բաղդադի սիրիական կաթոլիկ համայնքի առաջնորդ Տ. Մաթթի Շաբա Մաթթա արքեպիսկոպոսը և Իրաքի հայոց թեմի առաջնորդ Տ. Ավագ եպիսկոպոս Ասատուրյանը:

Վերոհիշյալ եկեղեցական երկու կենտրոններին տրված սույն այցելության նպատակն

է եղել միասնաբար աղոթել վասն խաղաղության ամենայն աշխարհի և կրոնական գծով աջակցել Իրաքի և Իրանի միջև խաղաղ գոյակցության և բարիդրացիական հարաբերությունների հաստատման մարդասիրական գործին:

Հռոմի Սրբապան Քահանայապետը և Եկեղեցիների Համաշխարհային Խորհրդի քարտուղարությունը իրենց գոհունակությունն են հայտնել այս այցելության առթիվ և խոստացել են իրենց հերթին ջանք չխնայել պատվիրակության սույն աստվածահաճո առաքելության հաջողության համար:

Ժնևում գտնվելու օրերին պատվիրակության անդամները, Տ. Ավագ սրբապանի առաջնորդությամբ, այցելել են տեղի հայոց Ս. Հակոբ եկեղեցի, որտեղ նրանց ցույց է տրվել պատշաճ ընդունելություն: Այս պատվիրակությունը, լրիվ կազմով, հյուրընկալվել է Ժնևահայ ազգային ծանոթ գործիչ տիար Մկրտիչ Շելեֆյանի բնակարանում:

ԼՈՒՐԵՐ ՌՈՒՄԻՆԻԱՅԻ ՀԱՅՈՑ ԹԵՄԻՑ

ՌՈՒՄԻՆԻԱՅԻ ՀԱՅՈՑ ԹԵՄԻ ԱՌԱՋՆՈՐԴ Տ. ՏԻՐԱՅԻ ԱՐՔԵՊԻՍԿՈՊՈՍԻ ԱՅՅԵԼՈՒԹՅՈՒՆԸ ՏՐԱՆՍԻԿԱՆՆԱ

Սույն թվականի հուլիսի 23—26-ը ռումինահայ թեմի հոգևոր առաջնորդ Տ. Տիրայր արք. Մարտիրոսյանը, ընկերակցությամբ Տ. Չարեհ ծայրագույն վրդ. Պարոնյանի, այցելել է Տրանսիլվանիայի երբեմնի մայրաքաղաք Ալպա Յուլիայի թեմը՝ պատասխանելով տեղի առաջնորդ Տ. Էմիլիան Պիրուսշեպիսկոպոսի հրավերին:

Այցելության առաջին օրը Տ. Էմիլիան եպիսկոպոսը Հարկիտա նահանգի Թովիլիցա վանքում ընդունել է առաջնորդ սրբազան հորը քրիստոսավանդ ջերմ սիրով: Ընդունելությանը ներկա են եղել վանահայր Տ. Միքայել վարդապետը և ռումեն եպիսկոպոսի անմիջական գործակից քահանա հայրերը:

Այցելությունից հետո հյուրերը, Տ. Էմիլիան եպիսկոպոսի առաջնորդությամբ, գնացել են Վրենի Մուրեշ ծխական եկեղեցին, որտեղ հավատացյալ խումներում ժողովրդի ներկայությամբ տեղի է ունեցել երեկոյան ժամերգություն, որի ավարտին բարի գալստյան և ողջույնի ջերմ խոսքեր են փոխանակել Տ. Էմիլիան և Տ. Տիրայր սրբազանները: Ռումեն եպիսկոպոսը իր խոսքում խանդավառությամբ է արտահայտվել 1983 թվականի աշնանը Մայր Աթոռում տեղի ունեցած մեռնօրինության և Ամենայն Հայոց Կաթողիկոս Վազգեն Ա-ի գահակալության հանդիսությունների առթիվ Ս. Էջմիածին կատարած իր այցելության մասին որպես ռումեն օրթորոքս եկեղեցու պատվիրակության անդամ՝ շեջտելով Վեհափառ Հայրապետի նախաձեռնությամբ կատարված վերանորոգական և շինարարական հսկայական աշխատանքները և Մայր Աթոռի ծաղկումն ու բարգավաճումը:

Իր պատասխան խոսքում Տ. Տիրայր արքեպիսկոպոսը վեր է հանել հայ և ռումեն ժողովուրդների դարավոր բարեկամություն-

ըն՝ ամրապնդված փոխադարձ սիրո և հարգանքի շաղախով:

Ավելի ուշ, նույն եկեղեցու խորհրդի նախագահ պրն. Ժուտե Իոան իր ընտանեկան հարկում հյուրասիրել է հայ և ռումեն բարձրաստիճան հոգևոր հայրերին:

Հետևյալ օրը հայ հյուր հոգևորականները, ռումեն եպիսկոպոսի առաջնորդությամբ, այցելել են Մուրեշ նահանգի Պիատրա Տետա ծխական եկեղեցին, այնպես որը երեկոյան մեկնել են դեպի Թըրկու Մուրեշ քաղաքը, որտեղ այցելություն են տվել քաղաքի երկու գլխավոր եկեղեցիներին:

Այցելության վերջին օրը հատկացվել է Ալպա Յուլիա առաջնորդանիստ քաղաքի և Ռըմեց կուսանաց վանքի այցելություններին: Սույն վանքի հիմքը դրվել է 1377 թվականին: Հյուրերը մայրապետ Երուսալիմա Կիպուի առաջնորդությամբ այցելել են վանքի մատուռը, եկեղեցական թանգարանը, գորգագործության արհեստանոցը և այլ բաժիններ՝ մեծապես գնահատելով ժրջան հոգևոր քույրերի եռանդուն աշխատանքն ու նվիրյալ ոգին:

Հուլիսի 26-ին, հինգշաբթի օրը, երկու սրբազան հայրերը ներկա են եղել Ալպա Յուլիայի առաջնորդանիստ եկեղեցում մատուցված ս. պատարագին:

Ռումինիայի հայոց թեմակալ առաջնորդը այցելել է նաև նորակառույց առաջնորդարանը, եկեղեցական թանգարանը և քաղաքի մի քանի տեսարժան վայրեր:

Եղբայրական սույն այցելությունը, որ արտահայտությունն է հայ և ռումեն ժողովուրդների դարավոր բարեկամության, առավել սերտացնում և ամրացնում է երկու քույր եկեղեցիների հարաբերությունները ավետարանական անկեղծ սիրո և փոխադարձ հարգանքի կապերով: Ռումինահայոց թեմի հոգևոր առաջնորդը ամենուրեք գնահատանքի ջերմ խոսքեր է լսել Ամենայն Հայոց Վեհափառ Հայրապետի հեղինակավոր անձի և Նրա կատարած մեծ գործի մասին:



Ինչպես ամեն տարի, այս տարի նույնպես, օգոստոս ամսին, Ս. Աստվածածնա տոնի առթիվ տեղի է ունեցել բազմամարդ մի ուխտագնացություն դեպի Հաճկատարի Ս. Աստվածածնա վանք: Ուխտագնացությանը մասնակցել են ավելի քան հազար հավատացյալներ՝ ռումինահայեր և արտասահմանի տարբեր վայրերից ժամանած ուխտավորներ:

Այս առթիվ կատարվել են հատուկ հանդիսություններ. նշվել է Սուչավայի հայկական դպրոցի հիմնադրման 160-ամյակը, օրհնվել է Հաճկատար վանքի մուտքի նոր դուռը, տեղի է ունեցել վերաբացումը Սուչավա քաղաքի հնադարյան Չամբա վանքի, որտեղ կատարվել է եկեղեցական արարողություն:

Երեքօրյա ուխտագնացությունն սկսվել է



Ուխտավորների խումբը Հաճկատարի վանքում աղոթքի պահին

օգոստոսի 11-ին, շաբաթ օրը, առավոտյան: Այդ օրը Սուչավայի Ս. Խաչ եկեղեցում, Ս. Էջմիածնի Շողակաթի տոնի առթիվ, պատարագ է մատուցել տեղի հոգևոր հովիվ Ս. Արամայիս վարդապետ Շլուկյանը: Պատարագի սրբազան արարողությանը ներկա է եղել Ռումինիայի և Բուլղարիայի հայոց թեմի առաջնորդ Ս. Տիրայր արքեպիսկոպոս Մարտիկյանը:

Նույն օրը, երեկոյան, Ս. Խաչ եկեղեցում,

առաջնորդ սրբազան հոր նախագահությանը, կատարվել է կիրակամտի ժամերգություն: Հավարտ ժամերգության Ս. Տիրայր արքեպիսկոպոսը արտասանել է մի հակիրճ քարոզ՝ ընդգծելով կրոնական և ազգային ավանդությանց տեղը հայ ժողովրդի կյանքում և միաժամանակ վեր հանելով Ս. Էջմիածնի դերն ու նշանակությունը սփյուռքի պանդուխտ հայության համար: Իր խոսքի ավարտին սրբազան հայրը իր գնահատանքն է

արտահայտել տեղի հոգևոր հովիվի նկատմամբ, որի ժրաջան աշխատանքի շնորհիվ հնարավոր է եղել կազմակերպել սույն բազմամարդ ուխտագնացությունը լավագույն պայմաններում:

Օգոստոսի 12-ին, կիրակի օրը, առավոտյան, հավատացյալ ուխտավորների բազմությունը, Ս. Տիրայր արքեպիսկոպոսի և Ս. Արամայիս վարդապետի առաջնորդությամբ, եկեղեցու պանզերի դողանջների ներքո, թափորով, խաչով ու խաչվառներով բարձրացել է բլուրն ի վեր՝ դեպի Հաճկատարի վանք: Այստեղ առաջնորդ սրբազանը կատարել է Հաճկատար եկեղեցու մուտքի նոր դռան օրհնության հանդիսավոր արարողությունը: Դուռը պատրաստվել է Ս. Արամայիս վարդապետի և սուչավաբնակ Միհայլա ընտանիքի նվիրատվությամբ: Դռան քանդակները կատարվել են Մայր Աթոռ Ս. Էջմիածնում պատրաստված նախագծերի հիման վրա՝ հայառճ խաչով և հայկական նախշերով:

Այնուհետև Ս. Աստվածածնի տոնի առթիվ եկեղեցում ս. պատարագ է մատուցել Ս. Տիրայր արքեպիսկոպոսը: «Հայր մեր»-ից առաջ Ս. Արամայիս վարդապետը ռումիներեն թարգ-

մանությամբ կարդացել է Բուխարեստում տեղի ունեցած խաղաղության կոնֆերանսին առաջնորդ սրբազանի արտասանած խոսքը: Ս. պատարագի ավարտին տեղի է ունեցել մատաղի օրհնություն, և բոլոր ուխտավորները հրավիրվել են սիրո սեղանի:

Հետևյալ օրը, օգոստոսի 13-ին, ուխտավորների խումբը ներկա է գտնվում Չամբայի վանքի վերաբացման հանդիսավոր արարողությանը: Այս վանքի եկեղեցու դռները, երկար տարիներ փակված մնալուց հետո, վերստին բացվել են հավատացյալների առաջ: Այստեղ 1401 թվականին Մոլդավիայի իշխան Ալեքսանդր Բարին հաստատել է առաջին հայ առաջնորդարանը:

Ս. Տիրայր արքեպիսկոպոսը այս առթիվ զնահատանքի ջերմ խոսք է ասել Ս. Արամայիս վարդապետի նվիրյալ աշխատանքի համար, որի փայլուն արտահայտությունն է վանքի ներկա բարեկարգ վիճակը:

Այս առաջնորդ սրբազանը հոր նախագահությամբ տեղի է ունեցել հոգեհանգստյան արարողություն, որին հաջորդել է հոգեճաջ Սուչավայի նախկին հայկական դպրոցի սրահում:

ԼՈՒՐԵՐ ՎԻԵՆՆԱՅԻ ՀԱՅՈՑ ԵՎԵՂԵՑԱԿԱՆ ՀԱՄԱՅՆՔԻՑ

Սույն թվականի ապրիլի 22-ին, կիրակի օրը, սուրբ Չատկի առավոտյան, սուրբ պատարագով, քարոզով և հատուկ հանդիսությամբ տեղի է ունեցել Ապրիլյան մեծ Եղեռնի հայ նահատակներին նվիրված հուշարձանկոթողի բացումը Վիեննայի հայոց Ս. Հռիփսիմե եկեղեցու շրջափակում:

Հավարտ պատարագի, հուշարձանի մոտ կատարվել է հոգեհանգստյան արարողություն, որին մասնակցել են բազմաթիվ վիեննահայեր: Այդ առթիվ բովանդակալից մի ճառով հանդես է եկել Կենտրոնական Եվրոպայի հայրապետական պատվիրակ և Վիեննայի հայոց հոգևոր հովիվ Ս. Մեսրոպ ծայր. վարդապետ Գրիգորյանը: Իր ելույթում նա նշել է, որ վիեննահայ համայնքի երկար տարիների ցանկությունը վերջապես իրականություն է դարձել 1915 թվականի ցեղասպանության պոհերի հիշատակին նվիրված մի հուշակոթողի կառուցմամբ և հույս է հայտնել, որ այդ հուշակոթողը ներջնաման աղբյուր և միաժամանակ միության և միասնականության խորհրդանիշ կհանդիսանա ներկա և գալիք սերունդների համար: Ելույթներ են ունեցել նաև Վիեննայի հայոց եկեղեցու վարչության առենապետ Աստիկ Աստվածատուր-

յանը և վիեննահայ մի շարք ազգայիններ: Կեսօրին համայնքի անդամների ու արտասահմանից ժամանած հյուրերի համար «Լուկեք» ռեստորանում կազմակերպվել է «սիրո ճաշ»:


Սույն օրը, երեկոյան, «Ուրանիա» Ժողովրդական Կրթության Կենտրոնի սրահում տեղի է ունեցել Ապրիլյան Եղեռնի 69-րդ տարեդարձին նվիրված մի հուշահանդես: Գործադրության է դրվել գեղարվեստական մի ճոխ հայտագիր. խոսվել են ճառեր և կատարվել արտասանություններ: Ավստրիայի ճանաչված ասուներդ Հերբերտ Պորբստը ներջնումով կարդացել է Ֆրանց Վերֆելի «Մուսա լեռան քառասուն օրերը» վեպից հատվածներ, ինչպես նաև խոր ապրումով արտասանել է Սիլվա Կապուտիկյանի «Նոսք իմ որդուն» և Միամանթոյի «Պարը» քերթվածները գերմաներեն լեզվով:

Վիեննահայ գաղութի կառույցի աշխատանքներից և ձեռք բերած հաջողություններից մեկը պետք է համարել նաև բանաստեղծ Հովհաննես Շիրազի անունը կրող հայկական

վարժարանը, որը 1981 թ. նոյեմբերից ի վեր գործում է Վիեննայի հայոց եկեղեցական վարչության հովանավորության և վերին պատասխանատվության ներքո: Վարժարանում շուրջ 50 հայ աշակերտ-աշակերտուհիներ, 6-ից մինչև 16 տարեկան, կանոնավոր և լուրջ կերպով սովորում են մայրենի լեզուն, հայերեն երգեր, հայոց պատմություն, հայ գրականություն և դաստիարակվում են ազգային հայրենասիրական ոգով: Բացի ընթացիկ դասերից, տարվա ընթացքում վարժարանը կազմակերպում է կանապան հավաքություններ, տոնակատարություններ և այցելություններ: Պաշտոնական խնամակալ մարմինը՝ Մոդական Խորհուրդը, հոգ է տանում դպրոցում նյութական և բարոյական բոլոր կարիքներին:

Հուլիսի 9—14 օրերին Վիեննայում է գըտնըվել հայ կաթողիկե համայնքի Պատրիարք-Կաթողիկոս Հովհաննես-Պետրոս ԺԸ Գասպարյանը: Հուլիսի 10-ին հայ կաթողիկե Պատրիարքը պաշտոնական այցելություն է տվել Հայոց Կենտրոն: Ապրիլյան Եղեռնի նորակառույց հուշարձանի մոտ նա իրեն ընկերակցող հոգևորականների հետ կատարել է հոգեհանգստյան պաշտոն վասն բյուրավոր հայ նահատակների հոգիների խաղաղության: Հավարտ արարողության, Հովհաննես-Պետրոս ԺԸ Պատրիարքը ընդունվել է Վիեննայի հայոց Ս. Հռիփսիմե եկեղեցու սրահում, որտեղ բարձրաստիճան հյուրին և նրան ընկերակցող հոգևորականներին ողջունել և բարի գալուստ է մաղթել Տ. Մեսրոպ ծայր. վարդապետ Գրիգորյանը:





ՆԵՐՔՈՂԸ ՄԻՋՆԱԴԱՐՅԱՆ ՀԱՅ ԳՐԱԿԱՆՈՒԹՅԱՆ ՄԵՋ*

5

Ներքողագրության մեջ մեծ է Գրիգոր Նարեկացու (951—1003) ավանդը: Նա ներքողը հասցրեց գեղարվեստական այնպիսի մակարդակի, որից այն կողմ մի քայլ էր մընում անձնական քնարերգության համար: Պատմողական տարրի ճարտասանական ընդլայնումը Նարեկացին տալիս է բանաստեղծական հպոր երևակայությամբ, ստեղծում գեղեցիկ մակդիրների և փոխաբերությունների մի շքեղ շղթա, ուր հնչյունական հարուստ հանգիստությունը արտակարգ երաժշտականություն է հաղորդում խոսքին, որը հաճախ վերածվում է կանոնավոր ռիթմիկ միավորների, երբեմն էլ նույնիսկ հանգավոր բանաստեղծության: Նրա ներքողներին քնարակալությունից բացի բնորոշ է խոհական-խմաստասիրական երանգը: Հակոբ Մծբնա հայրապետին նվիրված վարքագրական ներքողի մեջ Նարեկացին աշխարհը համարում է մի ծով, որը ծփում է ոչ թե ջրեղեն ալիքներով, այլ մեղքերից պղտոր՝ զանազան պատահարներով, ուր անվերջ բախվում են ներհակ զգացումները՝ հակառակորդ պորագնդերի նման: «Ձաջխարհի իրայովքս պատկեր ծովու ծփեալ ի բազմաց,—գրում է նա,—ոչ լուծական այլեք կոծեցեալ, այլ ի զանազան պատահմանց շարժեալ, ախտիս զայրացեալ, մեղօք պղտորեալ, յեղանակօք այլայլեալ և ընդդիմակաց ներհակօք սիրեարս բախեալ. ոմն յաղթէ և ոմն պարտի, փախնու, արջաւէ յապաւէնն սահման և անդէն ցրին, քակտին,

լուծանին: Իբրև ալինք զանազան ազգաց զուր խռովելոց յերկրէ կորուսեալ անշնչապէս բարբառին, անձայն աղաղակեն, անխորհըրդաբար խիպախեն. կեան և ոչ երևին, գոն և ոչ էանան, են և ոչ ճանաչին, մնան և ոչ տեսանին»⁷¹:

Նարեկացին հոգևոր բարեմասնությունների գովասանությունը զգալիորեն թոթափեց վերացականությունից և ճշմարիտ բանաստեղծականություն հաղորդեց նրան: Նարեկացու մակդիրն արտահայտում է առարկայի կամ երևույթի իրական հատկանիշ, որը միայն փոխաբերաբար է անցնում այլ հասկացության: Առարկայի մակդիրը ոչ թե վերացարկում է այն, կտրում իրականությունից, այլ, ընդհակառակն, զարմանալի դիպուկությամբ նշում է հենց այդ կապը: Ահա մի հատված Աստվածածնին նվիրված նրա ներքողից:

Յօղոյն հանդարտի ամպ անձրևաձիր,
Արևուն ծագման ակն արփիափայլ,
Մերկացելոյ այգոյն աստղ առաւօտի,
Գիշերայն մթոյն խօսնակ բերկրանաց⁷²:

Եվ, վերջապէս, Նարեկացուն հատուկ է բնության կենդանի զգացողությունը: Առհասարակ բնության գեղեցկության գովքը ներքողների մեջ նպատակ չէ, այլ միջոց՝ հոգևոր նշանակության դիտանկյունից կրոնական մտքեր և զգացումներ արտահայտելու համար: Նարեկացու նախորդներից իր ներքողներում բնության երևույթների պատկերմանը

* Ըստ նվիրված «Էջմիածին» ամսագրի 1984 թվականի № 2-ից:

⁷¹ Գրիգոր Նարեկացի, Մատենագրութիւնք, էջ 446:

⁷² Նույն տեղում, էջ 415:

մեծ տեղ է տվել Մովսես Խորենացին: Նրա «Յաղագս Վարդավառին խորհրդոյ» ներբողը համարված է լուսի և արևի, ջրի ու ծաղկի հին պաշտամունքի ցնծությամբ: Վարդավառը հեթանոսական տոն էր: Հեթանոս հայերը վարդեր են նվիրել ջրի դիցուհուն՝ Աստղիկին, ջուր են ցանել իրար վրա, հրձվել: Եկեղեցին վերափոխել է տոնը և Վարդավառը նույնացնելով Քրիստոսի պայծառակերպության հետ՝ նոր իմաստ տվել նրան: Խորենացին ներբողը սկսում է տոնի խորհրդի փառաբանությամբ. «Լուսատր և պայծառ է խորհուրդ մերձատր տօնիս, և տիեզերական ցնծութեան աւետիս հնչեցուցանէ ընդ երկնաս»⁷³: Համատարած ցնծություն է ողջ տիեզերքում: Պայծառ, պայծառ է Վարդավառի արեգակը: Հրաբորբ շողերով նա վանում է հյուսիսի պաղ ջունչը, հարավի տաք ջունչը սփռում ամենուր, կյանք տալիս ծառ ու ծաղկին, գեղեցկացնում երկիրը: Մինչդեռ արդարության արեգակը, հավատի խորանից փայլելով բոցավառում է հավատացյալներին հոգեռանդ հրով՝ նրանց մեջ կենդանագրելով աստվածային լուսի տիպարը: Իրական արեգակ՝ կյանքի, բնության վերածնության ակունք, արդարության արեգակ՝ հոգու կենդանության, հոգու հարության աղբյուր, —ահա այն բուսական, որի մեջ խտացված է ներբողի գաղափարական իմաստը: Առաջնայինը, ինչպես տեսնում ենք, հոգևորն է, բնության երևույթը համեմատության ելք է միայն և ոչ թե բնության զգացողության կենդանի հույս: Մինչդեռ Նարեկացին տալիս է արդեն բնության անձնավորման օրինակներ: Խաչին նվիրված իր ներբողում նպատակ դնելով «համբաւել զճշմարտութեանս պայծառութիւն խորհրդոյ խաչիս պօրութեանս», նա այն միտքն է հայտնում, որ, եթե ծառերը «վայելչական և բերկրապատարն խնդութեամբ», «հոգեպէս ցնծան»⁷⁴ ծանուցելով արարչի հայտնության մասին, ապա մարդիկ պիտի ծնրադիր, գեղեցիկ դեմքերը հողին հպած՝ երկրպագեն խաչին: Եվ ահա բանաստեղծական պատկերը. «Չմայրն ընդ նոճոյն և զարդն ընդ սօսոյն՝ ի պատճառ փառաց մեծին Աստուծոյ վերանուագեն»⁷⁵: Այստեղ արդեն նշմարվում է բնության այն զգացողությունը, որ այնպես վեղում դրսևորվել է Նարեկացու մի քանի տաղերի մեջ: Նարեկացու ստեղծագործությամբ սկսվում է գրականության վարզացման նոր շրջան, և այդ շրջանի առաջին մեծ բանաստեղծն է նա:

6

Հայ գրականության վարզացման երկրորդ շրջանում (11—17-րդ դդ.) ներբողագրությունն ապրում է նոր վերելք, որն իր բարձրակետին է հասնում 13-րդ դարում: Հարատևում և շարունակվում են ներբողի բոլոր տեսակները: Առանձնապես ծաղկում են ներբողական վարքերը, որոնց մի մասն ունի պատմական բնույթ: Ներբողներ են նվիրվում անցյալի հայ մշակույթի և գրականության, Հայ Եկեղեցու և պետության մի շարք գործիչների՝ Մեսրոպ Մաշտոցին, Սահակ Պարթևին, Տրդատ Մեծին, Գրիգոր Լուսավորչին, Հովհան Օձնեցուն, Գրիգոր Նարեկացուն, Ներսես Ընդհալուն, Ներսես Լամբրոնացուն, Գրիգոր Տաթևացուն և այլն: Պատմական անձնավորություններին ներբողելիս գրեթե չեն անդրադառնում նրանց կյանքի մանրամասնություններին, հիշատակում են հիմնական գործը, ծանրանում բարոյական առաքինության դրվատման վրա՝ հաճախ դիմելով աստվածաշնչական կերպարների հետ համեմատություններ, բուսականներ անելուն: Ի տարբերություն այդ ներբողների՝ պատմական ծանոթ, ժամանակակից անձերին նվիրված ներբողներում տիրապետում է կենսագրական փաստերի հավաստիությունը, անհատականության գծերը, ճշմարտացի պատումը: Նկարագրությունները դառնում են բուսական, բնական, համուլչականությունը վերածվում է ստեղծագործական պահանջի:

Դեպքերի անակնկալ շրջադարձերը միջոց է, որ բացատրվում են նախախնամությամբ: Ներբողագիրն արդեն աշխատում է թափանցել պատճառների մեջ: Վարքագրական և դամբանական ներբողները հող նախապատրաստեցին կենսագրական ակնարկի, գրական դիմանկարի, հոբեյանական մեծարանքի, մահախոսականի ձևավորման համար:

Ներբողագրության վարզացմանը նպաստեց նաև Գրիգոր Վկայասերի, Ներսես Ընդհալու և ուրիշների թարգմանական գործունեությունը: Թարգմանվեցին քրիստոնեական Եկեղեցու հայերի վարքերը, ներբողները, ճառերը: Սրբախոսական գրականությունը վարզանում էր գրականության ընդհանուր վերելքին բուսական: Նոր թափ է ստանում կրոնասուցողական ներբողագրությունը: Այստեղ, սակայն, նկատելի է գեղարվեստական որոշակի նահանջ, նյութն ինքնին վերացական էր, և ներբողագիրները հաճախ կաղապարում են հին ոճերն ու դարձվածները, դավանախոսական բանաձևերը, մշտական մակ-վիրները և այլն: Խոսքը դառնում է առավել սրիեստական, ճարտասանությունը՝ առավել սնամեջ: Եվ, այնուամենայնիվ, կրոնական

⁷³ Մովսես Խորենացի, Մատենագրությունք, էջ 335:
⁷⁴ Գրիգոր Նարեկացի, Մատենագրությունք, էջ 391:
⁷⁵ Նույն տեղում, էջ 399:

սրբություններին նվիրված այդ բնույթի ներբողների մեջ ևս կան գործեր, որոնք ունեն գրական ու գեղարվեստական արժեք: Դրանցից են, օրինակ, Գրիգոր Մագիստրոսի՝ Խաչին նվիրված չափածո ներբողը⁷⁶, Ներսես Շնորհալու՝ հրեշտակապետներին և երկնային պորություններին նվիրված արձակ ներբողը՝ «Մաղթանք առ սուրբ հրեշտակներ» չափածո խնդրվածքով⁷⁷, Ներսես Լամբրոնացու «Ներբողեան ասացեալ ի հրաջափառ գալուստ Հոգւոյն Սրբոյ»⁷⁸, «Բարեբանութիւն ներբողական գովութեամբ ի Համբարձումն տեառն Յիսուսի Քրիստոսի յերկինս»⁷⁹ ներբողները և այլն: Վերջինիս բնորոշ է դրամատիկ լարվածությունը. գործող անձանց երկխոսությունները մեծ տեղ են բռնում տեսարանները հաջորդում մեկը մյուսին և, ինչպես Մ. Աբեղյանն է գրել, «...ամեն ինչ շարժվում է, կարծես մի վեպ է պատմվում դրամատիկ ձևով. ամբողջը կազմում է մի մեծ գործողություն, արագ ու եռանդուն ընթացքով»⁸⁰: Աբեղյանի դիտողությունը, թե «այս գրական տեսակը մնացել է նույն հին կրոնական ներբողյանը, բայց փոխվել է ձևի և ամբողջ հորինվածքի գեղեցկությամբ»⁸¹, ընդհանրացնող արժեք ունի 12—13-րդ դարերի ներբողագրության համար: Կրոնական ներբողները, սակայն, թույլ են և սակավարժեք: Ներբողի այդ տեսակը հարատևել է նաև ուշ միջնադարում: Դրանց մի մասը չափածո գործեր են: Գաղափարական իմաստով հին ներբողից պահպանվել է մի հատկանիշ՝ կրոնաուսուցողական տարրը: Աստվածածին կույսին նվիրված ներբող է գրել Մխիթար Սեբաստացին (1676—1749)⁸², խաչին նվիր-

ված՝ Հովհան Վանանդեցին (1772—1840)⁸³: Թեմատիկ առումով այս բնույթի ներբողներից են Էջմիածինն ձևաված գովերգները: Դրանք առանձնապես բազմացան 15-րդ դարից՝ սկսած 1441 թվականից, երբ հայոց կաթողիկոսարանը Սսից տեղափոխվեց Վաղարշապատ՝ իր բնօրրանը: Այդ շարքի հիշարժան գործերից առաջինը Առաքել Բաղիշեցու (մահ. 1454) «Էջմիածին, ժողովարան» սկզբնատողով գովեստն է⁸⁴, վերջիններից՝ Աբրահամ Աստապատցու (մահ. 19-րդ դարի սկզբին) «Ներբողեան սրբոյ Աթոռոյն Էջմիածնի» ծավալուն արձակ ներբողը⁸⁵: Էջմիածինն նվիրված գործերին բնորոշ են հայրենասիրական շունչը, Հայ Եկեղեցու՝ իբրև հայ ժողովրդի ազգապահպանման դերի դժբախտանքը: Ըստ Աբրահամ Աստապատցու՝ Էջմիածինը հայ ժողովրդի կյանքի արյան շրջանառության կենտրոնն է, ինչպես սիրտը՝ մարմնի. «Եթե խափանեսցի սոյն այս գործողություն, անկարծիք մեռանի ըստ հոգւոյ և ըստ հաւատոյ՝ ազգս Հայոց»⁸⁶:

Ավելի հարուստ և բազմապատ էն դառնում ներբողական վարքերը: Ինչպես ասացինք, նրանց մի մասն ունի պատմական բնույթ: Այստեղ ևս քիչ չեն չափածո գործերը: Չափածո են գրված, օրինակ, Առաքել Բաղիշեցու «Ներբողեան տաղաչափական ի վերայ վարուց Մեծին Ներսէսի»⁸⁷, Ներսես Լամբրոնացու «Գովեստ ներբողական պատմագրական բանի յաղագս վարուց մեծի հայրապետին տեառն Ներսիսի Կայեցոյ Հայոց կաթողիկոսի»⁸⁸, Ներսես Մոկացու «Ներբողեան գովեստի չորեցունց արանցն, որք եղեն սկիզբն Անապատի կարգիլ յազգս մեր»⁸⁹, ծավալուն ներբողները, որոնք արդեն կարելի է համարել պոեմներ: Այս բնույթի գործեր են գրվել նաև ուշ միջնադարում: Գեղարվեստական տեսակետից դրանց մի մասը չափածո գովասանություններ են՝ առանց բանաստեղծական խանդի, հաճախ նմանողություն, թույլ և անավուն: Դրանք, որպես կանոն, նվիր-

⁷⁶ «Ներբողեան ի սուրբ խաչն Քրիստոսընկալ», տես «Տաղասացութիւնք Գրիգորի Մագիստրոսի Պահլաուևոյ», Վենետիկ, 1868, էջ 80—88:

⁷⁷ «Տեառն Ներսէսի Հայոց կաթողիկոսի գովեստ բանի ներբողականի յաղագս տօնի գերագունից եութեանց հրեշտակապետացն Գաբրիէլի և Միքայէլի և ամենայն երկնային պորութեանցն, զոր տօնեն եկեղեցիք Քրիստոսի ընդ տիեզերս համախմբեալք ուրախութեամբ», Կ. Պոլիս, 1808: Չափածո «Մաղթանքը» տես նաև «Բանք չափա», էջ 249—284:

⁷⁸ «Գրիգորի կաթողիկոսի Տղայ կոչեցելոյ նամականի», Վենետիկ, 1865, էջ 290—326:

⁷⁹ Նույն տեղում, էջ 249—289:

⁸⁰ Մ. Աբեղյան, Երկեր, հ. Դ, Երևան, 1970, էջ 166:

⁸¹ Նույն տեղում, էջ 167:

⁸² «Կրթութիւն աղօթից ընդ որում և շարակցի ոտանաւոր այբենական առ ամենօրինեալ կոյսն. շարադրեցեալ ի Մխիթարայ Սեբաստացու», Վենետիկ, 1718, էջ 195—239:

⁸³ «Ճառ ներբողեան ի սուրբ խաչն Քրիստոսի...» Կ. Պոլիս, 1852:

⁸⁴ Մատենադարան, ձեռ. № 2672, էջ 253ա—254բ:

⁸⁵ «Ճառ ներբողական ի վերայ քրիստոսահիմն և աստուածակերտ Աթոռոյն սրբոյ Էջմիածնի», Կ. Պոլիս, 1807:

⁸⁶ Նույն տեղում, էջ 52:

⁸⁷ «Պատմութիւն երջանիկ վարուց և մահուան երանելի առն Աստուծոյ սրբոյն Մեծին Ներսէսի», Կ. Պոլիս, 1737, էջ 223—243:

⁸⁸ Ներսէս Շնորհալի, Թուրք ընդհանրական, Էջմիածին, 1865, էջ 461—497:

⁸⁹ Ներսես Մոկացի, Բանաստեղծություններ, Երևան, 1975, էջ 44—63:

ված են հին ու նոր, անցյալի և ժամանակի կրոնական ու մշակութային գործիչներին: 16—17-րդ դարերի ներբողագրության մեջ քիչ թե շատ ուշագրավ են Գրիգոր Կեսարացու «Ներբողեան ներշնչական բանի առ մեծ Բաբունապետն Սրապիոն»⁹⁰, Մինաս Թոխաթցու «Գովասանք ի Գրիգոր վարդապետուն»⁹¹, Ղապար Թոխաթցու «Գովասանք Կարապետ արքեպիսկոպոսին»⁹², Ղապար Բաբերդցու «Գովասանութիւն վարդապետաց»⁹³, Ստեփանոս Թոխաթցու «Գովասանութիւն Կաֆայո քահանայից վերայ»⁹⁴, ինչպես նաև Հովհաննես Կաֆացու «Ողբ ի մահն Խասպէկ քահանային»⁹⁵ և նույն Խասպէկ բանաստեղծ քահանայի մահվան առթիվ Միմեոն Կաֆացու «Ի վերայ մահուան Խասպէկ քահանայի»⁹⁶ և մի քանի այլ գործեր: Այդ գործերի մեջ, բանասեր Հ. Սահակյանի բնութագրմամբ, գովաբանվող գործչի բարոյական հատկանիշները «լիովին համընկնում են քրիստոնեական բարոյախոսության դրույթներին», սակայն փառաբանվող անձանց գործունեությունը «գնահատվում է կոնկրետ պատմական իրադրության մեջ ապրող մարդու մտորումների ու հոգեբանական չափանիշների տեսակետից»⁹⁷:

Առավել սակավարժեք են պատմական այն ներբողները, որոնք նվիրված են Եկեղեցու հեռավոր անցյալի սրբացված հայրերին: Նշենք միայն երկուսը. «Ի սրբապան հայրն մեր երանելին Գրիգորիոս, Պաղտասար պարտաւոր Դպրի ասացեալ ի թուին ՌՃԾԸ» (1709 թ.)⁹⁸ և «Բան ներբողեան առ սուրբն Կիրեղ»⁹⁹: Պաղտասար Դպրի (1683—1767) այս երկու ներբողներն էլ տաղտկալի և երկարաշունչ ոտանավորներ են և այլ բան չեն արտահայտում, քան այն, որ Լուսավորչի բարեխոսությամբ Աստված օգնության փութա «ցրուեցելոց և մեր տառապեալ հօտին»:

Պատմական արձակ ներբողների մեջ գե-

ղարվեստական արժանիքներով և բովանդակության հարստությամբ առանձնանում են Կարապետ Սասնեցու (11- 12-րդ դդ.)՝ Մեսրոպ Մաշտոցին¹⁰⁰ և Վարդան Արևեցու (1203—1271)՝ Մեսրոպ Մաշտոցին, գրերի գյուտին, Սահակ Պարթևին և թարգմանիչներին¹⁰¹ նվիրված ներբողները: Երկու հեղինակներն էլ պատմական նյութն օգտագործում են հայրենասիրական զգացումներ արժարծելու, ժամանակակիցներին ազգային հպարտության և լավատեսական հեռանկարով տոգորելու համար: Նրանք, միաժամանակ, հանդես են բերում պատմության մեջ Մեսրոպ Մաշտոցի, նրա գյուտի և թարգմանիչների խաղացած դերի ու նշանակության ճիշտ ըմբռնում և գնահատություն: Նրանք ներբողում են անցյալը՝ հանուն ներկայի: Երախտագիտական նրանց խոսքի մեջ արտացոլվել է նաև ժամանակակիցների վերաբերմունքը Մաշտոցի և նրա գործի նկատմամբ: Դարերի հեռավից արդեն ավելի հստակ է գրծվում Մաշտոցի և նրա փնակիցների գործունեության կարևորությունը հայ ժողովրդի քաղաքական, մշակութային և հոգևոր կյանքում:

Սասնեցին օժտված հեղինակ է: Նա հմուտ է ներբողի հերթվածքի գաղտնիքների մեջ և գիտակցաբար պահպանում է նրա ոճականուցվածքային բոլոր հատկանիշները, իսկ շեղվելու դեպքում՝ զգուշացնում. «Բայց կարծեմ ստերիւրեցայ յոճոյն և վարտողի ելայ ի կարգէն այսպիսեօք բարգաւաճել զսուրբս»: Ներբողագրի նրա վարպետությունն առանձնապես ցայտուն է դրսևորվել Մաշտոցի մարդկային և հոգևոր առաքինությունների նկարագրման մեջ: Եթե առխորդների մեծության վկայություններից մեկն էլ այն է, որ նրանք առաքինության օրինակ են դառնում հետնորդների համար, ապա, ըստ Սասնեցու, ոչ ոք չի գերապանցում Մաշտոցին. «ոչ ոք ի ծայրագունիցն գերապանցէ զսա», մանավանդ որ նա արհամարհեց պալատ ու պաշտոն, փառք ու պատիվ, զանձ ու հայրատություն, «չոր յիմարեալքն յաստիս ըղձանան ստանալ և երանի տան ունողացն» և նախընտրեց բարոյական կատարելագործման ուղին: Սասնեցին միանգամայն իրավացի է Մաշտոցի գյուտի նշանակությանը տված իր գնահատականի մեջ. «Բն երանելի եղև աշխարհս մեր, պերճ և պայծառ յազգս և յա-

⁹⁰ Տ. Պալան, Հայ աշուղներ, Բ գիրք, Իվմիր, 1914, էջ 209—216:
⁹¹ Ն. Ալիսյան, Հինգ պանդոկատ տաղասացներ, Վիեննա, 1921, էջ 111—112:
⁹² Մատենադարան, ձեռ. № 10050, էջ 364ա—365բ:
⁹³ «Հանդէս ամսօրեայ», 1968, էջ 299—301:
⁹⁴ «Ազգագրական հանդէս», 1902, 9-րդ գիրք, էջ 71—72:
⁹⁵ «Հանդէս ամսօրեայ», 1936, էջ 204:
⁹⁶ «Հանդէս ամսօրեայ», 1935, էջ 343—344:
⁹⁷ Հ. Սահակյան, Ուշ միջնադարի հայ բանաստեղծությունը, Երևան, 1975, էջ 63:
⁹⁸ «Գիրք որ կոչի «Յաճախապատում», Կ. Պոլիս, 1824, էջ 372—383:
⁹⁹ Կիրեղ Ալեքսանդրացի, Գիրք պարապմանց, Կ. Պոլիս, 1717, էջ 518—523:

¹⁰⁰ «Կարապետ եպ. Սասնեցու՝ ներբողեան յաղազս վարուց և մահուան ս. վարդապետին Մեսրոբայ», Վաղարշապատ, 1897:
¹⁰¹ «Բանբեր Մատենադարանի», № 7, Երևան, 1964, էջ 377—397: Տես նաև «Սովերք», հ. Բ, Վենետիկ, 1853, էջ 5—42: Նաև՝ Մատենադարան, Ձեռ. № 8775, էջ 279բ—300բ:

պիսս, ճոխ եկքս և օտարքս, անպարտելի թագաւորս և Վօրքս՝ ի հաւատս և ի հոգիս. աստուածական հայրապետս և գեր ի վերոյ պսակեալ փառօք Եկեղեցիս»¹⁰²: Ներքողն ավարտվում է այբբենակարգ մի գովեստով, որն ըստ էության արձակ բանաստեղծություն է և, առանձին վերցրած, կարելի է համարել Մաշտոցին ձևաված լավագույն գործերից մեկը հայ քնարերգության մեջ:

Մաշտոցին և նրա պինակիցներին նվիրված պատմական ներքողների բարձրակետը կարելի է համարել Վարդան Արևելցու «Բան գովեստի պատմագրաբար վասն Սրբոյն Սահակայ և Մեսրոպայ և այլոց թարգմանչացըն» ներքողը, որը բանասեր Փ. Անթաթյանի բնորոշմամբ՝ «ամբողջությամբ տողոված է բանաստեղծական շերտ շնչով, հայրենասիրական ներհուն թախիծով, բուն հույզերով և լավատեսությամբ»¹⁰³: Արևելցին ձգտում է բարձրանալ մասնակի երևոյթներից և գրերի գյուտի նշանակությունը փորձում է իմաստավորել պատմահասարակական և քաղաքական կյանքի, հայ ժողովրդի և նրա մշակույթի տեսանկյունից: Գրերի գյուտն անհատի ջանքերի արգասիք չէր լույս ալլ՝ ժամանակի ծնունդ: Այլ էր երկիրը, գրերի գյուտից առաջ, ավեր ու խավար, այլ՝ գյուտից հետո, երբ «տարածեցաւ լոյսն, ծառայեցաւ ճառագայթս»¹⁰⁴: Արևելցին մեծ վարպետությամբ ողբը ներհյուսում է ներքողի ընդհանուր կառուցվածքին՝ խոսքը դարձնելով առավել ներգործուն, գաղափարը՝ հստակ: Թարգմանիչները վերադարձել են Հայաստան: Ինչ նեղություններ ասես, որ չեն կրել ուսման տարիներին, օտարության մեջ, ինչ հույսերով են եկել և ինչ են տեսնում. ուսուցիչներ չկան, երկիրը՝ օտարի լծի տակ, դատավորները՝ աչառու, «վասն որոյ մատնեցաք ի ձեռս թշնամեաց մերոց, և ատելիք մեր տիրեցին զմեզ»¹⁰⁵, և ահա նրանք ողբում են այդ վիճակը և հորդորում սթափության, պարթնելու, գործելու. «Ծանիր պպնությունն քո. ընդէ՛ր գարշեցար, աղտեղացար, խոտորեցար, մեղկացար, մոլորեցար, մաշեցար ի մեղս, կերար յօտարաց», «Չարթո պօրութիւն քո և եկ ի կեցուցանել զմեզ»¹⁰⁶: Ողբի տարրերի ներհյուսումը ներքողին հայ ներքողագրության յուրահատուկ գծերից է:

Հայ գրականության պատմության մեջ հա-

յոց այբուբենին նվիրված չկա ավելի վնաս քերթված, քան Արևելցու այս ներքողի այն հատվածը, ուր նա փառաբանում է գիրն ու նրա խորին խորհուրդը. այսպես՝ «Եւ արդ, պի՛նչ ևս ասացից քառիք զգայութեամբք ի քումդ սպասաւորութիւն: Դեգերին յոլովք բանականք՝ լնանին և ունայն են, պարապատին և թափուր են, յագին և սովեալ են: Եւ արդ, պի՛նչ զքեզ կոչեցից, ով գիր, իմանալի՛, թե՛՞ զգալի, երկնայի՛ն, թե՛ երկրային, աստուածայի՛ն, թե՛ մարդկային, ժամանակեա՛ն, թե՛ անմահ»¹⁰⁷:

Ի տարբերություն պատմական ներքողների, ուր նվազագույնի է հասցված պատմողական տարրը, իսկ ներքողական փառաբանությունը՝ առավելագույնի, ժամանակակից հոգևոր-մշակութային, եկեղեցական, պետական և ռազմական նշանավոր գործիչներին նվիրված ներքողներում մեծ տեղ են գրավում կենսագրական դրվագները, հոգեբանական մանրամասները, ընդլայնվում են հերոսների մարդկային անհատական գծերի, նրանց հոգեկան ապրումների, հաջողությունների և դժվարությունների նկարագրությունները: Քանի որ հեղինակները հաճախ ճանաչել են ներքողելի անձանց և մտերմական կապերի մեջ են եղել նրանց հետ, ուստի նրանք համեմատաբար ազատ են արտահայտում իրենց անձնական վերաբերմունքը, իրենց հիացմունքը ներքողելի անձի գործի, մարդկային բնավորության, հոգևոր բարեմասնությունների և ցավը՝ նրա մահվան, կորուստի կամ նահատակության առթիվ: Պատմական հավաստիությունն այդ դեպքում բնական ձևով զուգորդվում է հեղինակի ապրումների անկեղծ քնարականությամբ: Առավել հատկանշական են ներքողական վարքերը: Նրանք ձեռք են բերում ոչ միայն պատմական սկզբնաղբյուրի արժեք, այլև գեղարվեստական նոր որակ: Խոսքը վերաբերում է թե՛ արձակ և թե՛ չափածո ներքողներին, ավելին՝ նաև դամբանական ներքողներին: Գաղափարական, աշխարհայացքային առումով՝ այդ ներքողներում արդեն նկատվում է չարիքի, աղետի, կործանման պատճառները իրականության և ոչ թե քրիստոնեական նախաստեղծ մեղքի կամ վուտ բարոյական մոլությունների մեջ փնտրելու միտվածությունը: Բարոյական վերածնության, կատարելագործման պահանջներից բացի՝ ավելի որոշակի է սրտահայտվում վուտ քաղաքական ապատության, ժողովրդի անկախության, ազգային միասնության գաղափարը:

Ներքողական այդ վարքերից են Ներ-

¹⁰² Կարապետ Սասնեցի, Ներքողեան, էջ 67:

¹⁰³ Փ. Անթաթյան, Վարդան Արևելցու ներքողը՝ նվիրված հայ գրերի գյուտին, Բանբեր մատենադարանի, № 7, Երևան, 1964, էջ 376:

¹⁰⁴ Նույն տեղում, էջ 380:

¹⁰⁵ Նույն տեղում, էջ 385:

¹⁰⁶ Նույն տեղում, էջ 3863—387:

¹⁰⁷ «Բանբեր Մատենադարանի», № 7, էջ 394: Տես նաև՝ «Սովերք», Ի. Բ. Վենետիկ, 1853, էջ 39:

սես Լամբրոնացու՝ Ներսես Ընդրհայուն¹⁰⁸,
 Գրիգոր Սկևռացու՝ Ներսես Լամբրոնացուն¹⁰⁹,
 Մովսես Երվնկացու՝ Գևորգ Սկևռացուն¹¹⁰,
 Դանիել վանականի՝ Մխիթար Սասնեցուն¹¹¹,
 Առաքել Սյունեցու՝ Գրիգոր Տաթևացուն¹¹²,
 Առաքել Բաղիշեցու՝ Գրիգոր Խյաթեցուն¹¹³,
 Հակոբ Թոխաթցու՝ Հակոբ Այվաթեցին¹¹⁴,
 Ներսես Մոկացու՝ Սյունյաց Մեծ անապատի
 հիմնադիրներին¹¹⁵ նվիրված ներբողները և
 այլն:

7

ԺԱ—ԺԷ դարերի ներբողագրության մեջ ուրույն տեղ ունեն դամբանական ներբողները: Ժանրի կրած ներքին փոփոխություններից առանձնապես հատկանշական է ողբական տարրի ներթափանցումը դամբանական ներբողների մեջ: Կան ողբեր, որոնք սերտ աղերսներ ունեն ներբողի հետ և՛ ընդհակառակը: Թվում է՝ հեղինակի համար հավասարապես ընդունելի կարող էր լինել իր երկը կոչել ողբ ներբողական թե դամբանական ձևով, ներբողյան ողբերգական թե տաղ գերեզմանական, եղերերգություն, գովասանություն թե նման այլ բառով: Տարբերությունը ավելի շուտ անվանման մեջ է, քան ձևի և իրական բովանդակության:

Դամբանական ներբողները միշտ չէ, որ գրվել են հերոսի թաղման ժամանակ՝ վշտի անմիջական ազդեցությամբ: Այդպիսի ներբողներ գրվել են նաև ներբողելի անձի հիշատակի մեծարման օրը, մահվան տարելիցի առթիվ՝ ականատեսի, աշակերտի, ընկերոջ, բարեկամի իրենց զգացմունքներն արտահայտելով նրա մասին, ցավելով կորստի,

հպարտանալով բարի անվան և գործի համար: Քնարական ապրումների անկեղծության և անմիջականության առումով դամբանական ներբողներն արդեն հասնում են ճշմարիտ բանաստեղծության մակարդակի: Չափածո դամբանականները, ըստ էության, հանդիսանում են այն ակունքը, որից նոր գրականության մեջ ձևավորվեց եղերերգությունը՝ էլեգիան: Արձակ դամբանականից ծագում է մահախոսականը: Դամբանականի առանձին տարրեր՝ լայնորեն օգտագործվել են հիշատակարաններում:

Հայ հին ներբողագրությունը չունի դամբանական ներբողներ: Որոշ վերապահումով՝ դամբանական ներբող է Դավթակ Քերթողի (VII դ.) «Ողբք ի մահն Ջևանշերի մեծի իջխանին» մեծարժեք չափածո ողբը, ուր, Աբեղյանի խոսքերով պատճառով՝ «գտնում ենք նյութի բաշխումն, մասերի դասավորություն ու մշակում ըստ ճարտասանական արվեստի»¹¹⁶: Դամբանական ներբողները ժանրային իրենց հատկանիշներով ավելի կայունանում են ԺԱ—ԺԷ դարերի ներբողագրության մեջ: Չեռք բերելով իրենց բնորոշ գծերը՝ հանդիսավոր տիրություն, քնարական գովասանություն, քրիստոնեական բարոյախոսություն, այդ ներբողները միաժամանակ ներթափանցված են ողբերի տարրերով, մանավանդ եթե ներբողելի անձը ոչ թե մահացել է, այլ սպանվել, կոհվել, նահատակվել, ողբերգական վախճան է ունեցել: Նման դեպքերում ջնջվում է ողբի և ներբողի ժանրային տարբերությունը: Ավելի ճիշտ՝ տարբերությունը ձևական հատկանիշների, մասերի բաշխման մեջ է, իսկ բովանդակային տարրերը կարող են լինել նույնը:

Ժանրի տարբերակման գիտակցումով է հորինված Գրիգոր Մագիստրոսի «Յաղագս Վահրամայ հորեղբոր իրոյ կատարման մարտիրոսութեամբ»¹¹⁷ դամբանականը: Մագիստրոսի հորեղբայրը՝ Վահրամ Պահլավունին, որ հայոց զորքերի սպարապետն էր, 1047 թ., ութսունամյա հասակում, կոհվում է մարտում: Դա ծանր կորուստ էր, և Մագիստրոսը հուզիչ քնարականությամբ ողբում է նրա մահը: Նա մեծ տեղ է տալիս իր անձնական ապրումներին, անմիջական է և անկեղծ: Իր հորեղբորը տված նրա գնահատությունը խտացնում է մարդու, պորականի, հայրենիքի զավակի և քրիստոնյայի գեղեցիկ կերպար՝ արժանի սրբացվելու: Դամբանականն ուշագրավ է նաև գրականության աշխարհականացման տեսակետից: Վահրամ սպարա-

¹⁰⁸ Ներսես Ընդրհայի, Թուղթ ընդհանրական, Էջմիածին, 1865, էջ 461—497:

¹⁰⁹ Ղ. Ալիշան, Հայապատում, Վենետիկ, 1901, էջ 419—424:

¹¹⁰ Ղ. Ալիշան, Հայապատում, Բ, էջ 504—507:

¹¹¹ «Գիրք որ կոչի Այսմաուրբ», Կ. Պոլիս, 1730, էջ 364—366:

¹¹² «Գիրք քարոզութեան, որ կոչի Ամառան հատոր, արարեալ սրբոյ հօրն մերոյ Գրիգորի Տաթևացոյն եօթնալոյս վարդապետին», Կ. Պոլիս, 1741, էջ 716—719. Խորագիր՝ «Առաքել վարդապետի ասացեալ ներբողեան առ քաջ հռետորն և տիեզերալոյս վարդապետն մեծն Գրիգոր Տաթևացի՝ աշակերտ Յոհաննու Կախիկ կոչեցելոյ»:

¹¹³ Ա. Ղապինյան, Առաքել Բաղիշեցի, Երևան, 1971, էջ 205—211:

¹¹⁴ Մատենադարան, ձեռ. № 10050, էջ 348բ—350բ և նույն տեղում էջ 327ա—330ա:

¹¹⁵ Ա. Դոլուպանյան, Ներսես Մոկացի, Երևան, 1975, էջ 44—63:

¹¹⁶ Մ. Աբեղյան, Երկեր, Գ, էջ 410:

¹¹⁷ «Գրիգոր Մագիստրոսի Թղթերը», Ալեքսանդրապոլ, 1910, էջ 36—44:

պետի իրական մեծությունը նրա հայրենակներ գործունեության մեջ էր. «Հայրենասեր և աշխարհաջեն ըստ մերոյն Արամայ»:

Գեղարվեստական բարձրարժեք ստեղծագործություն է նաև Բարսեղ Մարաշեցու (մահ. 1162 թ.) դամբանական ներբողը՝ նվիրված Քեսունի և Մարաշի տիրակալ օտարազգի իշխան Բաղդուինի եղբորական վախճանին: Իշխանը սպանվել է 1146 թ. թուրքերի կողմից Եդեսիան գրավելու ժամանակ: Մարաշեցին Բաղդուինի իշխանի խոստովանահայրն էր և մեծ ակնածանքով ու զովեստով է խոսում նրա մասին: Իշխանը, Մարաշեցու վկայությամբ, «առաել սիրեր պազն Հայոց, քան ՎՓռանկաց» և անթերի գիտեր հայերեն: Դամբանականը պահպանվել է Մատթեոս Ուռհայեցու ժամանակագրության շարունակող Գրիգոր Երեցի երկի մեջ¹¹⁸:

Մարաշեցին, իբրև վարդապետ, մեծ տեղ է տալիս Բարոյա-աստվածաբանական խորհրդածություններին, իշխանի մահը դիտում որպես նրա մեղասեր վարքագծի անխուսափելի հետևանք, իր իսկ՝ Մարաշեցու հորդորների և խրատների քամահրանքի հետևանք: Դամբանականի գեղարվեստական բարձր արժեքը պայմանավորված է նաև նրա ընտրած հորինվածքի բնույթով: Մարաշեցին բարառնաբար խոսում է սպանված իշխանի անունից՝ «ի դիմաց նորա և բերանով իբր նա¹¹⁹» և, խորապես ճանաչելով իշխանին, նրա սխալներն ու մոլորությունները վերագրում է իրեն, նրա մեղքերը համարում է իր մեղքերը: Բարառնությունը հնարավորություն է ընձեռել հեղինակին շեղծելու քնարական խոստովանության, ինքնավերլուծության անմիջական մթնոլորտ, որը հազեցած է թե՛ պագսմունքների շիտակությամբ և թե՛ պատուի ճշմարտացիությամբ: Հոգեպնական այս ներստվումների մեջ պալի է Նարեկացու ապրեցությունը:

ԺԲ դարից սկսած ավելի բազմապան են դառնում չափածո ներբողները: Այստեղ ևս հասարակական-քաղաքական տրամադրություններն ու հայրենասիրական պագսմունքները իրենց դրոշմն են դնում նյութի արտացոլման թե՛ բովանդանության և թե՛ ձևի վրա: Ներբողագիրն ավելի քիչ տեղ է տալիս հե-

րոսի կյանքի դրվագների պատկերմանը, ավելի շատ արտահայտում է իր հուզական վերաբերմունքը, բացահայտում իր ներաշխարհը: Դա անձնական քնարերգության շեղտ է հաղորդում չափածո խոսքին: Իր գնահատանքի մեջ էլ հեղինակը ելնում է սեփական համակրանքից ու հակակրանքից, քան ներբողելի անձի գործից, նրա իրական պատմական դերից ու նշանակությունից: Սա լայն դուռ է բացում չափապանցված գնահատության համար: Եվ այնուհանդերձ ակներև է պարզացման ընթացքը: Աշխարհիկ մտածողությունը դառնում է գերիշխող, անհատական գծերի պատկերման նախասիրությունը հնարավորություն է տալիս ուրվագծելու կենդանի բնավորություններ, լեզուն հարստանում է ժողովրդական-խոսակցական տարրերով, ոճի մեջ խաչաձևվում են ողբի ժողովրդական և ներբողի գրական հատկանիշները և, ընդհանուր առմամբ, դամբանական ներբողները դրսևորում են գրականության պարզացման նոր վերելք ԺԱ—ԺԵ դարերում:

Ժանրի կրած այս ներքին փոփոխությունները ցայտուն են արտահայտված ԺԲ դարի հեղինակներ Վարդան Հայկապնի «Տաղ գերեզմանական վասն փոխման Գրիգորի Վկայասիրի»¹²⁰ և Խաչատուր Սկևռացու «Ողբ ի տեր Ներսես արիին Տարսուհի»¹²¹ ներբողներում: Վարդան Հայկապնը ժամանակակից է եղել Գրիգոր Բ Վկայասեր կաթողիկոսին (մահ. 1105 թ.): Հայկապն իր ծավալուն դամբանականը (եղել է 800 տող, պահպանվել է 783 տող) գրել է ժամանակի աշխարհիկ լեզվով, պարզ, սրտառուչ հուզականությամբ, հատված առ հատված փոխելով հանգը: Վկայասերի մահը նա դիտում է որպես համազգային վիշտ և հայրենասիրական իր պագսմունքն է արտահայտում ներկայի անմխիթար կացության վերաբերյալ: Այդ հատվածները հատկապես խոր ապրեցություն են թողել Ներսես Շնորհալու «Ողբ Եդեսիոյ» պոեմի վրա:

Չափածո դամբանականի գողտրիկ նմուշ է նաև Խաչատուր Սկևռացու՝ Ներսես Լամբրոնացուն նվիրված ներբողը: Այն գրված է, Ղևոնդ Ալիշանի բառերով ասած, «ժամանակին աշխարհիկ լեզվով», «շատ սրտաբուխ և աննման»¹²²:

Չափածո ներբողները բազմազան ուշ միջնադարում: Դրանց հեղինակները հաճախ բանաստեղծներ չեն, այլ ողղակի գրագետ մարդիկ, եկեղեցականներ, տպագրիչներ, գրիչներ և այլն, որոնք ցանկանում են մեծա-

¹¹⁸ «Պատմութիւն Մատթեոսի Ուռհայեցու», Երուսաղեմ, 1869, էջ 473—500: Տես նաև՝ Մատթեոս Ուռհայեցի, Ժամանակագրութիւն, Վաղարշապատ, 1898, էջ 375—395: Տես նաև ֆրանս. թարգմանությունը. Recueil des historiens des croisades, T. I, 1869, Paris, էջ 204—222.

¹¹⁹ Մատթեոս Ուռհայեցի, Ժամանակագրութիւն, էջ 381:

¹²⁰ «Բազմավեպ», 1873, էջ 264—271:

¹²¹ «Հանդես ամսօրնայ», 1954, էջ 254—256:

¹²² Ղ. Ալիշան, Հայապատում, էջ 433:

րել ժամանակի բարերարներին, հայրենասեր անձանց, պանծացնում են նրանց ազգաշահ որևէ գործ՝ վարժարանների, տպարանների հիմնադրում, հին մատենագիրների երկերի հրատարակություն, նվիրատվություն և այլն: Այդ բնույթի ներբողները շարունակվեցին նաև ԺԹ դարում: Ահա, օրինակ, Հովհաննես Ավդալյանցի՝ Հարություն Գալուցյանի հիշատակին նվիրված ներբողը՝ գրված գրաբար¹²³: Հարություն Գալուցյանը եղել է Կալկաթայի հայկական վարժարանի հիմնադիրը, երեսունհինգ տարի գործել է այնտեղ: Ներբողը մի պարզ չափածո շարադրանք է՝ առանց բանաստեղծական ավյունի ու թռչչքի, ուր շապյուրեն դրվատվում են Հարությունի մարդկային առաքինությունները, և, բնականաբար, ներբողագիրը հորդորում է հետևել նրա ազգանվեր գործունեությանը:

Տեսի՛ք սորա քաջարությանց փանդէս՝
Օ՛ն, գնացէ՛ք և արարէ՛ք դուք նոյնպէս¹²⁴:

1826—1829 թթ. ռուս-պարսկական և ռուս թուրքական պատերազմների հաղթական ավարտը և Արևելյան Հայաստանի՝ Ռուսաստանին միանալու պատմական մեծ ջրջադարձը իրենց բանաստեղծական արձագանքները գտան նաև տաղերի ու ասքերի, երգերի ու ներբողների մեջ՝ նվիրված ինչպես ռուսաց կայսրին՝ Նիկոլայ Առաջինին, այնպես էլ ռուսական բանակի գորահրամանատարներին՝ Պասկևիչին, Մադաթովին, Յիգիանովին, Կրասովսկուն, Երմոլովին, Դավիդովին և այլն¹²⁵: Մայր Աթոռի ապատագրությունը ևս դառնում է ներբողման նյութ¹²⁶: Այդ գործերը, սակայն, այժմ, ավելի շուտ գրա-պատմական արժեք ունեն, քան գեղարվեստական: Դարա-

ջրջանի անմահ երկը մնում է անլուգական խաչատուր Աբովյանի «Վերջ Հայաստանի» վեպը:

* * *

Ներբողագրությունը հայ միջնադարյան գրականության մեջ հարատևել է նրա վարգացման բոլոր փուլերում: Գրականության ընդհանուր վերելքին համընթաց ներբողը ևս վերելք է ապրել, անկմանը զուգընթաց՝ անկում: Հայ ներբողագիրները, մանավանդ Ե—ԺԵ դարերի հեղինակները, հմուտ են եղել ճարտասանական արվեստի գիտության մեջ: Նրանց մի մասը ստեղծել է բարձրարվեստ գործեր, որոնք կարող են համարվել այդ ժանրի համաշխարհային գրականության լավագույն գործերից:

Հայ ներբողագրության մեջ ազգային երակն ու երանգը ցայտուն են դրսևորվել ազգային կյանքից և իրականությունից վերցված նյութի և, հատկապես, հայ մշակույթի ու գրականության, եկեղեցական ու պետական գործիչներին նվիրված ներբողներում: Ազգային ինքնատիպությունն ամենից առաջ արտահայտվել է հասարակական-քաղաքական, եկեղեցական մաքառման ու դավանաբանական հակամարտությունների և ազգային պատագրական պայքարի արտացոլման մեջ՝ ժանրի ընձեռած հնարավորությունների և ընդգրկման սահմանների մեջ: Հայ ներբողագրությունը տոգորված է քրիստոնեական վարդապետության կրոնական աշխարհայեցողությամբ: Սա ընդհանուր գիծ է: Կրոնասիրությունը, սակայն, ինքնանայատակ չէ, այլ հայ իրականության մեջ հանդես է եկել որպես հայրենասիրության, ազգային ինքնությունության արտահայտություններից մեկը: Դա պայմանավորված է եղել այլադավան, այլակրոն օտար նվաճողների դարավոր տիրապետությամբ Հայաստանում:

Հայ նոր գրականության մեջ ներբողը դըրսևորվել է նոր կերպարանափոխություններով: Ավանդականը մնում է ոճի վսեմությունն ու հանդիսավոր տրամադրությունը, հրապարակախոսական-ճարտասանական շունչն ու ճոխ լեզուն: Սա նշանակում է, որ ներբողը գրականության հին և մշտապես վերածնվող ժանրերից մեկն է, որը մեր օրերում ևս բացահայտում է վարգացման նոր գծեր:


¹²³ «Ներբող յօրինեալ յիշատակ բարեպաշտին Գալուցեան պարոն Յարութիւնին երեսուն և հինգամեայ արդիւնաշատ վարժապետին», Կալկաթա, 1834:

¹²⁴ Նույն տեղում, էջ 13:

¹²⁵ Տես «Արևելյան Հայաստանի Ռուսաստանին միանալու արձագանքները հայ գրականության մեջ», բնագրերի պատրաստումը, ներածությունը և ծանոթագրությունները՝ Պ. Հ. Հակոբյանի, Երևան, 1978 թ. 143—144, 148—151, 161—162 և այլն:

¹²⁶ Նույն տեղում, էջ 117—119, 131—132:





«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ОКТАБРЬ 1984 г.)

1. Энциклика Католикоса всех армян Вазгена I по случаю исполнения божественной литургии в Армянской Апостольской Церкви, в обработке Хорена Мейханеджяна, 20 октября 1984 г. (стр. 3—4).

2. Поздравительная телеграмма Католикоса всех армян Вазгена I генеральному секретарю Всемирного Совета Церквей доктору Эмилио Кастро, 18 июля 1984 г. (стр. 5).

3. Ответное письмо новоизбранного генерального секретаря доктора Эмилио Кастро Католикосу всех армян Вазгену I, 13 августа 1984 г. (стр. 6).

4. Редакционная. 60-летие по случаю образования Верховного Духовного Совета в первопрестольном Эчмиадзине (стр. 7—10).

5. Энциклика приснопамятного Католикоса всех армян Георга V об утверждении Верховного Духовного Совета в первопрестольном Эчмиадзине, 1 января 1924 г. (стр. 11—13).

6. Энциклика приснопамятного Католикоса всех армян Георга V об утверждении членов Верховного Духовного Совета в первопрестольном Эчмиадзине, 1 января 1924 г. (стр. 14—15).

7. Приветственное послание приснопамятного епископа Торгома Гушакияна, председателя армянской епархии в Египте, Католикосу всех армян Георгу V по случаю утверждения Верховного Духовного Совета в первопрестольном Эчмиадзине (стр. 16—17).

8. Информационное сообщение Канцелярии Эчмиадзинского Католикосата от 12 сентября 1984 г. (стр. 18).

9. Информационное сообщение Канцелярии Эчмиадзинского Католикосата о создании новой комиссии, согласно законодательству Армянской Апостольской Церкви от 10 октября 1984 г. (стр. 19).

10. Прибытие блаженнейшего архиепископа Шнорка Галустяна, патриарха Армянской патриархии в Турции, в первопрестольный Эчмиадзин, 13 сентября 1984 г. (стр. 20).

11. Проповедь, произнесенная блаженнейшим патриархом Армянской патриархии в Турции архиепископом Шнорком Галустяном в Кафедраль-

ном соборе на празднике Св. Креста Варагского, 30 сентября 1984 г. (стр. 21—23).

12. Священник Петрос Малян—Паломничество блаженнейшего патриарха Шнорка в Гегадский монастырь, 25 сентября 1984 г. (стр. 24—26).

13. Торжественное открытие учебного года в Эчмиадзинской Духовной Академии, 10 сентября 1984 г. (стр. 27—28).

14. Хиротония верховного архимандрита Вазгена Кешишяна, председателя армянской епархии в Канаде и верховного архимандрита Татева Гарибяна, председателя армянской епархии в Бразилии, во епископы, 14 октября 1984 г. (стр. 29—32).

15. Биография епископа Вазгена Кешишяна (стр. 33—34).

16. Биография епископа Татева Гарибяна (стр. 35).

17. Церковная жизнь (сообщения): литургии, прочие церковные обряды, проповеди, произнесенные в Кафедральном соборе в октябре 1984 г. (стр. 36—38).

18. Пребывание главы Евангелическо-Лютеранской церкви в Латвии архиепископа Яниса Матулиса в первопрестольном Эчмиадзине, с 12 по 15 октября 1984 г. (стр. 39).

19. Открытие памятника-родника в монастыре св. Гаяна, 23 сентября 1984 г. (стр. 40—41).

20. Кончина благотворителя первопрестольного Эчмиадзина Саркиса Кюркджяна (стр. 42—43).


21. Дьякон Степан Карапетян—Члены армянского молодежно-религиозного союза армянской восточной епархии в США в первопрестольном Эчмиадзине (стр. 44—46).

22. Вести из армянской епархии Ирака (стр. 47—48).

23. Вести из армянской епархии Румынии (стр. 49—51).


24. Вести из армянской церковной общины Вены (стр. 51—52).

25. Аршалуйс Казинян—Панегирика в средневековой армянской литературе (исследование) (стр. 53—60).



"ETCHMIADZIN"
OFFICIAL JOURNAL OF HOLY ETCHMIADZIN
(OCTOBER 1984)

1. The encyclical of His Holiness about the execution of „Khoren's mass" in all the Armenian churches, 20th October 1984 (pages 3—4).
2. The congratulatory cable of His Holiness to Dr. Emilio Castro, the new elected General Secretary of the World Council of Churches, 18th July 1984 (page 5).
3. The letter of Dr. Emilio Castro to the Catholicos of all Armenians, 13th August 1984 (page 6).
4. Editorial: The 60th anniversary of the creation of the Supreme Spiritual Council of Holy Etchmiadzin (pages 7—10).
5. The encyclical of Gevorg V, the late Catholicos of all Armenians about the establishment of the Supreme Spiritual Council in the Holy See, 1st January 1924 (pages 11—13).
6. The encyclical of Gevorg V, the late Catholicos of all Armenians, about the designation of the Supreme Spiritual Council's first members, 1st January 1924 (pages 14—15).
- The letter of greeting of Bishop Torgom Gooshakian, the late primate of the Armenians of Egypt, to Gevorg V, the Catholicos of all Armenians, on the occasion of the establishment of the Supreme Spiritual Council in Holy Etchmiadzin (pages 16—17).
8. The communiqué of Holy See's chancery, 12th September 1984 (page 18).
9. The communiqué, of Holy See's chancery, about the creation of a committee for the new constitution of the Armenian Church (page 19).
10. The visit at the Holy See of His Grace Archbishop Shenorhk Galoostian, of the Armenians of Constantinople, 13th September 1984 (page 20).
11. The sermon of His Grace Archbishop Shenorhk in the Holy Cathedral, on the occasion of the feast of „the Holy Cross of Varag", 30th September 1984 (pages 21—23).
12. **Father Bedros Malian**—The pilgrimage of His Grace Patriarch Shenorhk to the monastery of Holy Geghard, 25th September 1984 (pages 24—26).
13. The reopening ceremony of the Spiritual Seminary of Holy Etchmiadzin, 10th September 1984 (pages 27—28).
14. The ordination as Bishop of Reverend Dr. Vasken Keshishian, the primate of the Armenians of Canada, and of Reverend Dr. Tatev Gharibian, the primate of the Armenians of Brazil, 14th October 1984 (pages 29—32).
15. The curriculum vitae of Bishop Vasken Keshishian (pages 33—34).
16. The curriculum vitae of Bishop Tatev Gharibian (page 35).
17. Divine liturgy services and sermons delivered in the Holy Cathedral and description of Church festivities in the Holy See during the month of October 1984 (pages 36—38).
18. Official visit at Holy See of Etchmiadzin of His Excellency Janis Matoolis, Archbishop of the Lutheran Church of Latvia, 12—15th October 1984 (page 39).
19. The inauguration of fountain monument in the monastery of Holy Gayaneh, 23rd September 1984 (pages 40—41).
20. The death of Sarkis Kurkjian, benefactor of the Holy See (pages 42—43).
21. **Deacon Stepan Karapetian**—The members of the Church Youth organization of the eastern diocese of the Armenians of U.S.A. in the Holy See and the fatherland (pages 44—46).
22. **Diocesan life:**
 - A. News from the Armenian diocese of Iraq (pages 47—48).
 - B. News from the Armenian diocese of Rumania (pages 49—51).
 - C. News from the Armenian church community of Vienna (pages 51—52).
23. **Arshalooy Ghazinian**—The panegyric in the Armenian literature of the Middle Ages (continuation)—(pages 53—60).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(OCTOBRE 1984)

1. Encyclique du 20 octobre 1984 de Sa Sainteté Vasken Ier annonçant l'ordre d'exécuter dans toutes les églises arméniennes la messe dite „Khorénian“ (pages 3—4).

2. Télégramme de félicitation de Sa Sainteté adressé au Dr. Emilio Castro à l'occasion de son élection au poste de Secrétaire Général du Conseil Oecuménique des Eglises (18 juillet 1984)—(page 5).

3. Lettre du Dr. Emilio Castro, nouveau Secrétaire Général du COE, adressée à Sa Sainteté Vasken Ier (13 août 1984)—(page 6).

4. Editorial: „Le soixantième anniversaire de la création du Conseil Suprême Spirituel du Saint-Siège d'Etchmiadzine“ (pages 7—10).

5. Encyclique du 1er janvier 1924 du bienheureux Catholico Guévorg V annonçant l'établissement du Conseil Suprême Spirituel au Saint-Siège d'Etchmiadzine (pages 11—13).

6. Encyclique du 1er janvier 1924 du Catholico Guévorg V concernant la nomination des premiers membres du Conseil Suprême Spirituel du Saint-Siège d'Etchmiadzine (pages 14—15).

7. Lettre du feu évêque Torgom Gouchakian, ancien prélat des Arméniens d'Egypte, adressée au Catholico de tous les Arméniens Guévorg V à l'occasion de l'établissement du Conseil Suprême Spirituel au Saint-Siège d'Etchmiadzine (pages 16—17).

8. Communiqué du 12 septembre 1984 de la Chancellerie du Saint-Siège d'Etchmiadzine (page 18).

9. Communiqué du 10 octobre 1984 de la Chancellerie du Saint-Siège d'Etchmiadzine concernant la création d'une commission pour le nouveau règlement de l'Eglise apostolique arménienne (page 19).

10. Visite au Saint-Siège d'Etchmiadzine de Sa Béatitude Chenorhk Galoustian, patriarche des Arméniens de Constantinople (13 septembre 1984)—(page 20).

11. Sermon de Sa Béatitude Chenorhk Galoustian prononcé dans la cathédrale de Saint-Etchmiadzine à l'occasion de la fête de „la sainte Croix de Varag“ (30 septembre 1984)—(pages 21—23).

12. Père Pétros Malian—, Pèlerinage de Sa Béatitude Chenorhk Galoustian au monastère de Saint-Guéghard“ (25 septembre 1984)—(pages 24—26).

13. Reprise des cours d'études au séminaire théologique du Saint-Siège d'Etchmiadzine (10 septembre 1984)—(pages 27—28).

14. Description de la cérémonie du sacre de l'évêque Vasken Kéchichian, prélat des Arméniens du Canada, et de l'évêque Tatev Gharibian, prélat des Arméniens du Brésil (14 octobre 1984)—(pages 29—32).

15. Curriculum vitae de l'évêque Vasken Kéchichian (pages 33—34).

16. Curriculum vitae de l'évêque Tatev Gharibian (page 35).

17. Brèves informations concernant la célébration des saintes messes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois d'octobre 1984 (pages 36—38).

18. Visite officielle au Saint-Siège d'Etchmiadzine de Son Excellence Janis Matouli, archevêque de l'Eglise luthérienne de Lettonie (du 12 au 15 octobre 1984)—(page 39).

19. Inauguration du monument-fontaine au monastère de Sainte-Gaïané (23 septembre 1984)—(pages 40—41).

20. Nécrologie du regretté bienfaiteur Sarkis Kurkdjian (pages 42—43).

21. Diacre Stépan Karapétian — Visite au Saint-Siège d'Etchmiadzine et à la mère patrie d'un groupe de jeunes pèlerins arméniens, membres de l'„Union de la Jeunesse Arménienne“ du diocèse des Etats-Unis (région orientale)—(pages 44—46).


22. Vie diocésaine:

a) Nouvelles du diocèse des Arméniens d'Irak (pages 47—48).

b) Nouvelles du diocèse des Arméniens de Roumanie (pages 49—51).

c) Nouvelles de la communauté ecclésiale des Arméniens de Vienne (pages 51—52).

23. Archalouïs Ghazinian—„Le panégyrique dans la littérature médiévale arménienne (suite et fin)—(pages 53—60).



ԲՈՎԱՆԴԱԿՈՒԹՅՈՒՆ

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ սրբատառ կոնդակը՝ համայն Հայաստան- յայց եկեղեցիներում և տրեքնյան Պատարագի կատարման մասին	3
Ամենայն Հայոց Հայրապետի շնորհավորական հեռագիրը Եկեղեցիների Համաշխարհային և տրեքնյան գլխավոր քարտուղար դոկտ. Էմիլիո Կաստրոյին	5
Եկեղեցիների Համաշխարհային և տրեքնյան շնորհակալ գլխավոր քարտուղար դոկտ. Էմիլիո Կաստրոյի պատասխան նամակը Ամենայն Հայոց կաթողիկոսին	6
ԽՄԲԱԳՐԱԿԱՆ—Մայր Աթոռ Սուրբ Էջմիածնի Գերագույն Հոգևոր և տրեքնյան ման 60-ամյակը	7
Երջանկահիշատակ Ս. Գևորգ Ե Ամենայն Հայոց կաթողիկոսի սրբատառ կոնդակը Մայր Աթոռ Ա. Էջմիածնում Գերագույն Հոգևոր և տրեքնյան հաստատելու մասին	11
Երջանկահիշատակ Ս. Գևորգ Ե Ամենայն Հայոց կաթողիկոսի սրբատառ կոնդակը Մայր Աթոռ Ա. Էջմիածնի Գերագույն Հոգևոր և տրեքնյան անդամներ նշանակելու մասին	14
Եգիպտոսի հայոց առաջնորդ հոգեւոյս Ս. Թորգոմ եպիսկոպոս Գուշակյանի ողջույնի գիրը Ս. Գևորգ Ե Ամենայն Հայոց կաթողիկոսին՝ Մայր Աթոռ Ա. Էջմիածնում Գերագույն Հոգևոր և տրեքնյան հաստատելու առթիվ	16
Հաղորդագրություն	18
Հաղորդագրություն	19
Կ. Պոլսի հայոց Պատրիարքի ժամանումը Մայր Աթոռ Ա. Էջմիածին	20
Ամենապատիվ Ս. Շնորհք Պատրիարքի քարույր Մայր տաճարում «Վարագա Ա. Խաչի» տոնին	21
ՊԵՏՐՈՍ ԲԱՎՆԱ ՄԱՅԱՆ—Ուխտագնացություն Ա. Գեղարդյա վանք	24
Հոգևոր ճեմարանի վերաբացման հանդիսություն	27
Եպիսկոպոսական ձեռնադրություն	29
Ս. Վազգեն եպիսկոպոս քեջիջյան	33
Ս. Տաթև եպիսկոպոս Ղարիբյան	35
ՄԱՅՐ ԱԹՈՒՌԻ—Եկեղեցական բեմ. լուրեր	36
Լատվիայի Ավետարանական-լուսերական Եկեղեցու պետ Ս. Յանիս Մատուչիս արքե- պիսկոպոսը Մայր Աթոռում	39
Աղբյուր-հուշարձանի բացում Ա. Գայանե վանքում	40
Հանգիստ Սարգիս Քյուրքճյանի	42
ՍՏԵՓԱՆ ՍԱՐԿԱՎԱԳ ԿԱՐԱՊԵՏՅԱՆ—Այցելություն հայրենիք՝ ուխտի և վերանորոգման ԹԵՄԱԿԱՆ ԿՅԱՆՔ	44
Լուրեր Իրաքի հայոց թեմից	47
Լուրեր Ռումինիայի հայոց թեմից	49
Լուրեր Վիեննայի հայոց եկեղեցական համայնքից	51
ԱՐՇԱԼՈՒՅՍ ՂԱԶԻՆՅԱՆ—Ներքող միջնադարյան հայ գրականության մեջ	53
„Эчмиадзин“ официальный журнал Эчмиадзинского Католикосата	61
„Etchmiadzin“ official journal of Holy Etchmiadzin	62
„Etchmiadzine“ organe officiel du Saint-Siege d'Etchmiadzine	63



ԽՄԲԱԳՐՈՒԹՅԱՆ ՀԱՅՏԵՆ
 ՀԱՅԿԱԿԱՆ ՍՍՀ ԷԶՄԻԱԾԻՆ
 «ԷՉՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
 Rédaction de la revue «Etchmiadzine», Etchmiadzine. Arménie, URSS

Հիմնադրված է արտատրության 2.11.1984 թ.: Ստորագրված է տպագրության 25.12.1984 թ.:
 Տպագրական 4 մամուլ+1 ներդիր, թուղթ 60x84¹/₂, պատվեր 865:

Մայր Աթոռ Ա. Էջմիածնի տպարան, 1984 թ.